

S P E A K E R : “Khawii ram pawh mahni indo apiang an boral thin; khawi khua pawh, chhung kiat pawh, mahni indo apiang an ding khawchhuak lo vang
Mathaia 12 : 25.

Business ah kan kal nghal anga, vawimah obituary Reference kan nei a. Kan Prime Minister zahawm tak thin Pu P.V. Narasimha Rao-an min boral san avangin a chungchang sawi turin kan house Leader kan sawm dawn anga. Hemi hmaa member ten kan hriat tur chu Parliament ah te pawh khuan an lo practise a. Obituary Reference hi Question Hour ah question lak hmian an ti thin a. Chu chuan Question hour hi a ei hek thin a. Chuvangin kan insum theih chuan insum hram hram kha a tha ang a. Kan House Leader ilo sawm ang u.

PU ZORAMTHANGA CHIEF MINISTER : Pu Speaker, hei kan Prime Minister hlui leh kan mi hmingthang Pu Narasimha Rao-a chuan tun hnai ti mai ila kan session kar chhoah te boralin amah kan sunna entirna turin vawimah hun hmasa kan hmang dawn a. Pu Rao-a hi India Prime Minister lo ni tawh thin a ni a. All India Institute of Medical Science, Delhi ah December 23, 2004, 2 : 10 P.M. khan Lungna avangin a boral a. Pu Narasimha Rao hi Pu Ranga Rao-a fapa a ni a. June 28, 1921 ah Karimnagar, Bangara District, Andhra Pradesh ah a piang a. Fapa 3 leh fanu 5 a nei a. tin zirna lamah B.Sc. L.L.B. a ni a, Pune-a Ferguson College leh Nagpur University, Maharashtra te atanga lehkha zir chhuak chu ani a. Ani hi Agriculturist, Lawyer, freedom Fighter, writer ni kawp vek mai, Mithiam a ni a. Tin amah hi India Freedom Fighter zinga mi pawimawh tak pakhat ani. 1951 ah AICC Membera dah a ni a. 1957 - 1977 chung khan Andhra Pradesh Assembly Member ah thlan tlin a ni a, hna pawimawh tak tak a vuan. Kum 1971 - 1973 khan Andhra Pradesh Chief Minister atan thlan tlin a ni. 1974 ah Congress Party General Secretary ah dah a ni a. Kum 1977 ah Lok sabha parukna Member atan thlan tlin ani. Pu Rao-a hi Lok Sabha inthlanah a zawnin tum 10 ngawt thlan tlin a ni a. Lok Sabha Member anih chung hian cabinet post pawh chi hrang hrang a vuan a. External Affairs Minister - ah te, Defence Minister ah te pawh hman ani. 1991, May thla a Pu Rajiv Gandhi-a Vanduai thlak taka a lo boral khan Pu Rao-a hi Indian National Congress President ah dah a ni a. Hemi kum vek 1991 hian India Prime Minister ah thlan tlin a ni a. He hna hi 1996 May thla thlengin a vuan ani.

Tin, Pu Narasimha Rao hi a lung natna avangin December 2004 khan AIIMS, New Delhi ah dah luh ani a. Enkawina tha tak pek a ni a, theih tawpa amah hi buaipui a ni a. Nimahsela vaduai thlak takin December 23, 2004 tlai dar 2 : 10 khan min lo boral san ta a. A thih lai hian a fapa naupang ber Pu V.Prabhakara Rao leh a chhungkhat laina ten an awmpui ani. Tin, amah hian a fapa 3 leh a fanu 5 te a kalsan a. Hetianga Ram hruaitu ropui, Mithiam, Mi zahawm tak kan chan ta hi India ram in kan chan ropui em em a. Vawiin hian amah hriat rengna leh kan sunna te pawh kan entir hi tih awm tak a ni reng ani. Ka lawm e.

PU LAL THANHAWLA

Pu Speaker, vawiinah Pu P.V. Narasimha Rao, sunna kan han neita mai hi thil vanduai thlak tak ani a. A chanchin chu House Leader in a sawi

tawh a. Tin, Question Hour anih bawk avangin sawi sei chuan Member zahawm tak te pawh kan sawi ang tih a hlahawm a. A chanchin kan hriat ang kha ania. All India Congress Committee ahte nihna pawimawh tak tak a chelh tawh a. Andhra Pradesh-ah MLA naupangte niin Minister te Chief Minister te ani tawh a. Tin, mi Intellectual tih, puitling tak zing ami ani a. Tawng hi 13/14 vel lai a thiam an ti thin a. Mi ropui tak ani. India ramah sawrkar laipuih nihna pawimawh tak tak a chelh tawhte kan ngaithla tawh a. Remna leh Muanna kan ram in a mamawh a, a damlai khan kan hotuten remna leh muanna a awm theihna turin sawrkar lam hloh in lalthutthleng ken kan remti ani kan tih kha Central hotute khan an hrethiam lo viau ani S.B. Chhavan te phei chuan min kamkhat ani. India ram tan in rinawm lo ani. Engatinge an ti hial ani. Ani hi a hrethiam hmasa berte zing ami ani a. Kan in Sacrifice-na atanga remna muanna a awm theih dawn tak tak anih chuan chubaka thil ropui a awm hlei nem ti hmasa bertu zinga mi ani a. Mizoram pawh a vei hle a. Kan ramah wawi 2 lai lo kalin a lo kal hnahnun ber inthlan tumah phei chuan Zoram dung leh vang kan in zui a. General Secretary anih lai atanga inhria kan nia. Mitha tak ani. Chutiang mi chu kan chan ta a. A uihawm hle a. Prime Minister an nih khan kan ram tan thil ropui tam tak min tihsak a. University kan neih remti hmasa ber tu zing ami ani a. Arjun Singh-a nen.

Tin, thildang tam tak kan ram tan min remtihpui a awm a. Heng National Highway vawiina kan han neih thar tak tur ang chi te, thil dang heng hmasawna kawng rahbi tam tak hi ani hunlaia min tihsak ani. India rama Prime Minister ropui berte zing ami anihna tur chhan chu tunlaia Liberalization kan tih hi Dr. Manmohan Singh nena an tih chhuah ani a. Politician zingah Technoerate hi ram siamna ah tel ve se hmasawna tha ani ang tih ngaihtuah hmasatu anihna angin Dr. Manmohan Singh pawh Finance Minister ah a siam a, chumi atang chuan Liberalisation te Privatisation te heng zawng zawng hi ani hun lai atanga lo chhuak ani a. BJP te leh Rightiste ho chuan an sawisel nasa a. Rajiv Gandhi Policy ti hlawhtling tu ani a. tunhnu ah BJP te chu a zarzo nasa sa leh a rah ei nasa sa an ni a. Tuna Multi National Company te lokala khawvela thil tha ber ber, ramdang ina an siamtheih chauh emaw kan tih thin kan ram ngeiah kan siam te hi ama hmalakna ani tih hi thangthar ten an la hre zel chauh dawn ani.

Tin, Privatisation kawngah pawh chutiang chu ania. Tun hmam Ruti. Kapda. Moka tia eitur silh leh fen tur, inleh lo tia kan duh tawk thin a kha tunlai Khawvel thangtharte ah a ni tawh lo ani tih hria a Information Technology thlenga Rajiv Gandhi Idea lam Implement tu Prime Minister ani a. Prime Minister ropui tak ani. Mahse, the Most mir-leaderstood Prime Minister anihna lai a awm leh a. Corruption chungchang leh thildang dangah an puhmawh nasa hle a. Hun hnuhnung lam chu thubuai in a kha a. Mahse. a thih hmam heng thubuai zawng zawng atanga hlihfaia ani hmante kha a ropuizia leh a Clean/chak zia entirna ania. Chuvangin hetiang Prime Minister ropui thangthar lo la kal zel turte tan pawha kawng lo sialtu kan chan hi rapthlak tak ania. A sunna hun kan lo nei ve hi tih awm tak ani. Ka lawm e.

S P E A K E R

: Awle, Pu Lalhmingthanga i lo sawm ve thung ang.

PU LALHMINGTHANGA

: Pu Speaker, ka lawm e. Hei, kan House Leader leh Opposition Leader zahawm tak ten point tam tak an sawi tawh a. Mahse, Pu Rao a borai chungchang thu ah hian han sawi ve ngei ngei tur ka neitin ka hria a.

Tin, kan Legislative Party ang pawhin sawi tur neiin ka inhria a. Khatia Prime Minister a rawn nih khan, kan la hriat reng chu India ramin Financial Bankrupt nasa tak a tawh a. Prime Minister hmasa Pu Rajiv Gandhi a boral si a. ram a mangang ta em em a. Khatah khan National Economy lo tluchhe ta kha engtinge kan chhanchhuah ang tih ngaihtuahna hmang turin a ni kha Prime Minister a rawn ni chho a. Chutah tuna kan Prime Minister zahawm tak ni lai Pu Man Mohan Singh hi India rama Economist ropui tak Khawvelah pawh mi rin kai a nih avang khan a chhanchhuah theihna tur aian kut dinglamah tling nia a hriat avangin Rajya Sabha-ah Politician pawh ni ngailo kha Assam Quota atangin a han lalut a. India ram Economy Socialistic Pattern-a kum tamtak an lo ruahmanna anga Soviet Union kalhmang dung zuia kan kai thin kha about turn pui ngam a, Pu Rao-a khan. Tichuan, hemi Economic Liberalisation Policy hi a rawn tichhuak a.

Tin, sum kan tlakchham nasat avang khan International Monetary Fund atang leh World Bank atang te khan test flow tha tha a awm theihna atan khan India ram Rangkachak te pawh dahkham ngam hialin India ram chhandam turin hma a la a. Khatih hun lai tak khan a ni kha Prime Minister lo ni ta lo selang chuan India ram hian tuna kan dinhmun hi engtikawng mahin kan pha zo dawn lova.

Tichuan, thil pakhat chiang taka a rawn sawi tak chu India ramah hian Man Power availability kan nei sang a, hemi tlawhchhan hian Multi National Project te kan la lut lam anga. Tichuan, kan Economic Policy hi kan change tur a ni. Kan liberalise ang a a thei apiang Competition kan siam ang a a rawn ti chho a. Tunhma lama heng Vehicle Production ah te pawh Congress-in ro an rel chhung zawng zawng Monopoly-a Mahindra and Mahindra te leh TATA tih angte.

Tin, Fiat Company-a thil tlemte awm thin kha, Multi national la lut in liberalisation policy atang khan hma an lo la chho a. Tichuan, tunah chuan kha policy chiah kha India ram hi big Power ni thei turin a hnathawha hma rawn la chho zelin dinhmun tha takah kan lo ding thei ta a. Tunhma lamin India rama Population sangte hi Pu Rao-an a hman thatna tur tuna kan Prime Minister Man Mohan Singh nena an sawi duna an tichhuah a, Policy an chherchhuah hma kha chuan hman that lohina a awm a, Mahse, tunah chuan advance countries ho aiin production siam tur pawhin Man Power kan nei that hi Multi national tan pawh production source atan a tha em em a ni tih kan rawn hmuchhuak ta a. He dinhmunah hian Rao-a hi min hlangchho tu ropui tak a ni.

Tin, helai economic aspect-ah khan Prime Minister zawng zawngah a ni hian a contribution hi a sang berin ka hria a. A dang sawi tur-ka ngah mai a, mimal pawhin vawihnih vawithum kan in hmu a. Mahsc, sawisci hun a nih loh avangin ti khan ka duhtawk mai ang a. A kalsan tak a chhungte kan tuarpui takzet a, hetiang ang hruaitu ropui kan chan ta hi ram tan channa rapthlak tak a ni a, he House pawh hian a sun hi a phu a ni tih ka han sawi duh a ni. Pu Speaker, Ka lawm e.

PU LALDUHOMA

Pu Speaker, hun reilote chhung Pu Lal Bahadur Shastri, India ram Prime Minister a rawn nih ve zawk tihloh ah kha chuan Independent tih atangin India ram hi Nehru Family kan tih mai thin kut ah khan rei tak a awm a. Thenkhat in "Dynstic Rule" an tih mai rawn ti tawp tu, Nehru Family nilo atanga Prime Minister rawn awm hmasa ber anih avangin Pu Narasimha Rao hi chhinchhiah tlak ani ve hrim hrim in ka hria a. Tin South India lam mi Prime Minister ka neih hmasak ber ani bawk a. Kan ngaihthlak tak ang khan India ram economy hi siamtha turin politician mai kan tawk lo, economist an tul ani tih hria a, vawiinni a kan Prime Minister Dr. Manmohan Singh India ram Politics a la lut-tu ani bawk a.

Tin, area development fund, 'M.P. Fund' ti a kan sawi mai thin ti chhuak tu hi ani bawk a. Chu chu entawnin tunah hian M.L.A. te pawh in area Development Fund an lo nei chho ta zel a, tunah hian India ramah Mizoram telin state pali chauh he fund M.L.A. te tana la siamio kan ni tawh nghe nghe a. Hemi tichhuak tu hi ani bawk a.

Tin remna leh muanna kan nawr tih lai khan India Sorkar aiawh a inbiakna hotu ber ani thin a. Pu G. Parthasarathy te khan an tawiawm a, vawiduai lo kan inbe thin ani. May 19.1985 a keini Mizoram aiawha High Power Delegation nena kan in biak tum phei chuanin engkim peih anih tawh thu ama hnen atang hian kan dawng nghe nghe a. Chumi anih avang chuan Pu Laldenga inah pawh a lawmna chaw hlui te ei in, Mizoram Congress pawhin special Assembly te kovin, M.N.F. pawhin Remna Office te an hawng chuk chuk a. Kha a hmalakna kha kaltluangta ni se chuan Mizoram hian hma leh ah Remna leh Muanna kha kan hmu dawn tihna a lo ni a. chuvangin, keini Mizoram tan pawh hat reng tlak ani. Vawiinni ah hian

kan sun hi kan tih awm reng ani a. A tu leh fa a kalsan tak te zawng zawng kan tuar puiin Pathian in awmpui zel se kan duhsak ani e. Ka lawm e.

S P E A K E R : Le, Business - ah kan kal zel anga, Question No.1 zawt turin Pu Liansuama i lo sawm ang.

PU LIANSUAMA : Pu Speaker, ka Starred Question 1-na Power & Electricity Department Minister chhan atan - Heng khua Parvatui Silsury, Hnahva, Pukzing Vengthar, Hruidak ah hian Electric eng pek tum a ni em? tih a ni.

S P E A K E R : A chhang turin Power changtu Chief Minister Pu Zoramthanga i lo sawm ang.

**PU ZORAMTHANGA :
CHIEF MINISTER** Pu Speaker, kan Member zahawm tak Pu Suama zawhna chhanna chu - Heng khua Parvatui, Silsury, Hnahva, Pukzing Vengthar leh Hruidak ahte hian Electric eng pek tum a ni e, tih a ni.

PU LIANSUAMA : Pu Speaker, Heng khua ahte hianin Electric eng pek an ni tawh nghe nghe a, tin, Silsury khua eng pek tum phei hi chuan a hawngtu ka ni nghe nghe a. Mahse, vanduaithlak takin Parvatui te leh hmun dang heng khua kan tarlan tak, Electric eng pekna tur atana hmanna hi an rubo fai vek a ni ber a. Hei a belthleng ka ti maia lian pui pui hengte angte pawh hi an ru vek mai a, a hrui chu sawi leh, tin, chubakah chuan Pukzing

Vengthara transformer-te hi hmun dangah phurhsawn leh an ni tawh a. Kan Minister zahawm tak, Chief Minister ni bawh khan eng hunah nge heng khuaah hianin Electric eng min pek sak leh theih ang, tumna a awm kha a lawmawim hle mai a. Kumin chhung he kan financial year chhungte hian min pek sak leh thei ang em?

Tin, Parvatui khaw chhung bika Electric ban leh ban inkara hrui an thlunte kha a phiar pangngai hi an thiat then a, tichuanin a daihzai nan an ti ni maw hmun dangah hian tiang hi ka hmu ngailo reng reng a. Chuvang chuanin englik hunah nge, heng khuaah te hian Electric eng hi min pek sak theih ang, A tharlam tur a ni lova senso tam vak lovin a tih theihthe pawh a rinawm a, chu chu kan zawt dilchhut deuh a ni, mipuiin an nghakhlel em mai a.

S P E A K E R : Chief Minister i lo sawm leh ang.

PU ZORAMTHANGA : Pu Speaker, kan Member zahawm
CHIEF MINISTER tak Pu Suama sawi ang khan heng hi
hna pek tawhte, pek tura ruahmante an
nih laia, a bo leh a suakbakte kha a
tam khawp mai a, a then phei chu rei tak ami tawhte, a mah pawhin a
hawn hman tawhte a ni a, heng hi, keini pawhin pawh kan ti em em a,
heng khua te leh Mizoram hmun dang dangah pawh Electric eng pek
ngai tam tak a awma, chung chu DONER, in an la khawm vek a, tunah
hian Scheme thar Accelerated Electrification of Villager and House hold,
chu Scheme thar chu siam chhuah a ni a. Chutah chuan Department in a
Scheme pawh an siam zo vek tawh a. Mizoram khua leh line extention-te
pawh huam turin chumi-ah chuan hemi RVC - ah hian pekluh mek a ni
a, chumi kan siam chu tunhma khan State - in a kan lo tum ve tur pawh
25% ngaiin phurrit deuh hlekin an lo ti thin a. Mahse tunah chuan 90:10
in min tih sak tawh a, hetiang thilah chuan Mizoram pumpui tih theih
vekna tur kan Submit a, khuta Shillonga REC - a an hotupa incharge
pawhin an duh ang thlapa kan siam a nih avangin hei hi chu reilo te-a
a lo chhuah theih mai ka beisei e ti in Shillong North East pumpui
incharge la tu pawh khan min buaipuia khulamah a pe thla a, damte - a
kan awm chuan session zawh hian umzui thlaka rang taka kha pawisa
kha tih chhuah theih kan in beisei a REC lam pawh an positive khawp

mai a, an mahni a in min ruahman pui ang an duh ang thlapa Scheme pawh pe kan ni a. Tun Financial year tharah hian pawisa pawh a lo chhuah thuai kan beisei a, chuta tang chuan line extention hmuntina kan mamawhte leh Thingtlang khua zawng zawng July-a kan Electricalize theihna tur in, kan Scheme phei chu Vaibolchhe 78 ngawt a ni a, Instalment hmasa ah pawh a pawimawh zual kan tih a, kumin chuan sanction hi nawr chhuah kim hram hram kan han tum anga, chuvangin kein pawhin kan ngai pawimawha, kan member zahawm tak pawhin anmahni bial ami te leh vengte pawh line extention electrification-ah hian an nei nual hlawmin ka ringa demand pawh a tam a. A um pawh kan um chaka kan siam zung zung a, an duh ang thlapin hetiang hian siam rawh u an ti a, chu chu min enpui zel a, tunah a kal mek a, rei vaklo ah pawisa hi chu nawr chhuah theih hram kan in beisei. Chutah chuan a chak thei ang berin hma kan la dawn nia.

S P E A K E R : Starred question No-2 na zawt turin Pu Lalduhoma ilo sawm ang.

PU LALDUHOMA : Pu Speaker Starred Question No.2-na, Social welfare Minister zahawm tak chhan atan, zawhna te chu heng te hi an ni. (a) Mizoram-ah Anganwadi Centre awm lohna khua engzatnge awm ? (b) anganwadi Centre hawn belh tum a ni em ? Ka lawm e.

S P E A K E R : A chhang turin, Social Welfare Minister, Pu R. Tlanghmingthanga ilo sawm ang.

PU R. TLANGHMINGTHANGA : Pu Speaker, Member zahawm tak, Pu Lalduhoma zawhna chhanna chu (a) na Mizoramah khaw awm zat keinin record kan nei mai lova. Chuvang chuan khaw awm zat a hriat theih mai lova. Tin, Anganwadi Centre hi hawn belh zel tum a ni tih kha a chhanna a ni e.

PU LALDUHOMA

Pu Speaker, Keini Ratu bialah khian khaw pakhatah chiah awm lohna khua ala awma, chu chu tunhma a Kani an tih thin, tuna Zokhawthiang tia an thlak tak hi a ni a. Hemi khua atan hian kan Minister zahawm tak hian kumin chhung hianin min dah sak ve thei ang em ? tih ka zawt e.

PU LIANSUAMA

Pu Speaker keini khawthlang lampang hi kan chhangchhe angreng khawp a, Anganwadi zirtirtu te hi kan zirtirtu neih chhun anni deuh mai a. Kumhlui kalta 2004 chhung khan Anganwadi Worker te hlawh hi headquarter atanga pe chhuak siin worker ten an hmu lawk ve hleithei lo fo mai a, CDPO level ah hian an break nasa khawpa. Chungchu he kumtharah hian a awmlo thei tawh ang em ? (2) na ah chuan Anganwadi Centre ah te hian nauchaw te an sem thin a, khawthlang lama nauchaw min thawnthlak sak hi Vawkhaw atan an hmang nasa em em mai a. Naute ai hianin Vawkin an ei nasa zawk a min tihtawp sak thei tawh ang em tih kan zawt ani.

PU RLALZIRLIANA

Pu Speaker, zawh belhna Anganwadi awm lohna khua kha kan Minister zahawm tak khan a sawi theilo nge ka hrelo ati emaw ni. Mizoram khua 700, 800 pawh tlinglo ah khanin engatinge a hriat theihloh ? kati a. A Department mualphona a niin ka hria a. A awm vek tawh tlukah ka lo ngaia kha kha chu chian zawk theih atha ka ti a.

Tin ka zawh belh duhna chu ICDS pumpuia a hnathawk hote hlawh hi January-February thlate pawh hi an la la lo niin ka hria a. Hci hi Central lam atanga Sanction kan hmuh loh vang nge ni, kan hmuhloh vang pawh chu lo ni ta sela kan sorkar hian kan hnathawktute a hun taka hlawh an lakna tur hian tan a la lehzual thei em tih kha kan zawt duh a ni.

S P E A K E R

A chhang turin, Minister
Pu R. Tlanghmingthanga, i lo sawm
leh ang.

**PU R. TLANGHMINGTHANGA : Pu Speaker, Mizoram khaw awm zat
MINISTER**

hi Pu Zira khan 789 a rawn ti a. keini
chuan khaw awm zat lampanga kha.

“(Speaker, Ngawi rawh khawngaihin
700 emaw 800 emaw vel a ni anga a ti in ka hria)” Awle, Mizorama
khaw awm zat chu, keini chuan kan nei lova, Anganwadi Centre awm
zat kha kan hria a. Chu chu khaw 599 ah Anganwadi Centre hi 1361
kan nei a. Chu chu 2003 thleng kha chuan 1341 ani a. Kum 2003 - 2004
ah khan Central Sorkarin 20 min rawn pek belha. Chumi avang chuan
1361 ah kan kai chhova. Tunah hian tihbelh zel kan tumin kan duh a.
Amaherawhchu, hei kum 10 tel kal tawh ah khan Anganwadi Centre
hawn belh theih a ni lova. Central sorkar-in a rawn pek a nih avangin
kein in kan hawng belh ngawt thei lova. Vanneihthlak takin ICDS Centre
min pek belh rawh u kan tihah khan Kum 2002 lai vel atanga kan nawr
CDPO awmna Centre min pek belh rawh u kan tiha kha min pek belh
thei si lova. Engpawhnisela, Anganwadi Centre hi kan rawn pek belh ang
che u an ti a, 20 min rawn pek belh a, chu chu a beitham hle kan ti
chungin kum tam tak chhunga kan lo beisei 20 min pek belh a kha
lawmawm kan ti hle a. A dang beiseiin tunah hian kan nawr chho leh
mek a, Central Sorkar-ah min rawn pek belh theih hun hun ah kan hawn
belh leh mai anga. Kan hotu member hrang hrang ten a pawimawh in
tihna te kan lo kawl khawm emaw kan lo hriat emaw mai bak kha chu
han tih mai ngaihna hi kan nei lo hle a.

Tin, Headquarters atanga Nutrition te,
hlawh te lo delay a awm em ni ? tih lai a kha, tunah hian keini pawhin
kan nghahhlelh em em chu Central Sorkar in anmahni fund vek a nih
avangin pawisa an rawn release theih loh avangin tunah hian kan pe
theilo a ni a. Tunah hei kan innawr nasa a, kan innawr reng a. An rawn
release hun hun ah kan pek tur a ni a.

Tin, nauchaw emaw lo thlak sak emaw
tih lam kha a awm phawt a nih chuan kan huat ber thil a ni a.
Amaherawhchu, kan member ten min rawn hrih loh chuan he laia
Session hun chhung nghak mai lovin an hriat rual rual in khami delay tu
a kha mi rawn hrih se action kan la nghal chak em em a ni tih kha
kan sawi duh a.

chutiang thu kan hrelo bawk a, hlawh lak loh leh nutrition chungchang-a duh dan kalphung ni lo deuh a awm a nih chuan telephone pawhin a remchang angin min rawn hrilh zel turin kan request nghal a ni e. Pu Speaker.

S P E A K E R : Starred question No.3-na zawt turin Pu S. Hiato i lo sawm ang.

PU S. HIATO : Pu Speaker, ka zawhna No. 3-na 'Environment & Forests Minister chhan atan' (a) Palak Dil develop - nan Central atanga sum 11 Crore vel ruahman kha hman a ni tawh em ? (b) Hman nise engtingge an hman ? (c) Hman loh nise engnge a chhan ? tih ka zawt e.

S P E A K E R : A chhang turin Environment & Forests Minister Dr. R.Lalthangliana i lo sawm ang.

Dr. R.LALTHANGLIANA MINISTER : Pu Speaker, kan member zahawm tak Pu S. Hiato-a zawhna pakhat na chhan-na chu Palak Wildland Conservation atana Comprehensive Management Action Plan 1066.82 lakhs Kum 5 chhung 2004-2005, 2008-2009 a thawh tur kan siam chu a thuphung in Government of India, Ministry of Environment of Forests chuan D.O. Letter No.J-22012/34/92- CSW dt 19/1/05 in a approved -a he development hnathawk tur hian State Level Stearing Committee leh Sub Committee leh Multi-Sectoral Comprehensive & Integrated Management Action Plan siam phawt turin Ministry-in min ti a. Tunah hian hma lak mek a ni, pawisa hi la sanction loh a nih avangin hman theih a la ni lo a ni. B-na chhanna pawh hi pawisa Sanction a la nih loh avangin hman tur a la awm rih lo. C- na pawh hi hman loh chhan chu sanction a la awmlo tih kha ka chhanna a ni e.

PU S. HIATO : Pu Speaker, a chiang deuh a, kan lawm a. Hei hriat tawh angin Dil kan Dil neih len ber a ni a, develop hi a phu a, Tourism promote-na atan pawh a tha a. Khatiang ruahmanna min siam sak kha chak takin kalpui turin kan duh a. Tin, keinin kan hriat ai khan a scheme a lo tam ta pawh kha kan lawm a. Amaherawhchu zuzi lovin kan Minister hian min umzui sak zel thei ang em ? tih ka zawtbelh duh a ni e.

PU P.P. THAWLA : Pu Speaker, hei hi ka bial chhung thil a ni a, tunhmaa awm ngailo thil a ni a. Engngeni a awmzia tihte pawh chiang deuhin min han hrilhfiash se ka va duh em. A theih ang em ?

Dr. R.LALTHANGLIANA : Pu Speaker, nia Mizoram in hctiang **MINISTER** ang Wetland Project hi kan vawikhat tihna tur a ni a. Tunhmain a la awm ngai lova, tuilet hnua kan neih hmasak ber tur a ni a. Pu Speaker, churang chuan tawite in a bikin kan bialtu Palak awmna bialtu kha ka'n chhang hmasa lawk ang a. A dawtah Pu. S. Hiato zawhna kengtu kha chhan kan tum ang a. Hei hi thil vanneihthlak deuh mai a ni a, Pu Speaker kan House pawh hian min hriatsak ka duh a. November 18 nikum mai khan Government of India. Ministry lampang khan Wetland Project atana ngaihtuahna neiin an thukhawm a. A ngaihtuahu sang ber a ni mai ang chu, tahchuan Mizoram hian Project pahnih Wetland atan hian kan buatsaih a. Tahchuan chu chu Tamdil leh Palak a ni, Pu Zira pawh hianin a bialah a nei dawn niawm tak a ni. A zawt ve lo na a, khilai khi nasa taka tih kan tum a ni tih ka hrilh nghal duh a. Chuta tan chuanin cheng nuai 1066 vel kan siam a. Tahchuanin India ramah hian 39 kha Committee khanin Wetland Project hrang hrang kha an ngaihtuah a, an approved a. Tichuan India hmarchhakah hian Pu Speaker Mizoram chiahin kan hmu a kan chang nghe nghe a. Palak atan leh Tamdil atan hian hei hi thil lawmawm tak niin ka hria a. A execute hun chhung tur hi kum 5 chhung a ni dawn a. Vawikhatah pawisa hi a rawn kal burh dawn lova, kum 5 chhung atan kum khatah chawhrualin nuai 213 bawr ve ve hemi project pakhat ve ve atan a lo kal tur anga ngaih a ni a. Hei hi thil thar a nih avang hianin

kan hriat pawh a thain ka hria a. A bik takin a tum chu hei Natural Water Bodies kan nei tha a. Pathianin min pek sa tui tling tha lake kan ti mai ang chu Dil kan nei tha em em mai a. Hei hi mumal taka develop a ni lova. Chuvang chuan Mizoram hi min sawi fo thin angin Tourism lamah hian hmalak a ngai a ni te pawh an ti bawk a. Khang te nen pawh khan thil ngaihtuah tlan tur tam tak a awm dawn a.

Tin, Soil & Water Conservation Department tihte Department hrang hrang te nen pawh a hemi kan State steering Committee ah te phei chuan Chief Secretary Chairman-na hnuaiiah Committee zau tak Fishery te Forest te Wild life te Irrigation te Agriculture te Soil te nena thil titlanga Committee siam tur khanin January 19 kuminah min rawn ti nghal tawh a ni. Chu chu tunah hian kan process thla mek a. Chief Secretary hova Committee an siam hi Notification te kan chhuah anga kan hriattir thla ang a, meeting te an nei ang a, chu chuanin chipchiar zawka ruahmanna pawh a siam thla zel turah ngai ta ila. Chuvang chuan a principle a Committee sangin November 18 a mi a rawn approved kha a ni. Tichuan heng National Water bodies kan neih lake (Dil) kan neihah hian sava ram pawna kan zin chuan kan hria ang a, hmun thenkhatah chuanin hmanni lawkah Kajiranga-ah te pawh kan kal a, engemaw heng sava chi dang dang ramdanga awm ve mang lo pawh kha hengah hian kan dahna tur a ni dawn a, a tha dawn hle mai a. Ram ngaw kan humhahna lamah hian heng water bodies kan neih a cheng tur chi sava te leh khatiang chi kan duhna tur thil kha a ni a. A pawimawh hle dawn a.

Tin, ka sawi leh duh chu heng kan tihnaah hian Government of India pawhin an lehkhah hian an duhdan an rawn sawi a. NGO kan tih thin te VC lampang te YMA kan tih ang te leh mipui hrim hrim khalai bawr vela chengte nena thawh hona tha kan neih theihna tur atan khan hengah hian anni ho pawhina ngaihtuahna seng a a venhim lampangah hian leh kawng hrang hranga kan hmalaknaah khan in Contribution nei turin ruahmanna siam tum a ni, tih kha ka sawi duh a. Chuvang chuan hei hi thil thar a ni a, a zawhna neitu khan zuzi mai lova hei hi kalpui tlang nise tih a duh thu kha kcini pawhin kan duh dan a ni a, kan tum bawk a. Tunah hian a Committee kan han form ang a, mumal takin an thu ang a. Pawisa pawh hi ruahmanna an siam tawh ang hian kan hmuh mai kan beisei a. A kalkawng laklawhah tawp kan tum lo a ni, a tawp thleng thlen kan tum a ni tih kha ka chhanna a ni e.

PU H. ROHLUNA : Pu Speaker, ka Starred Question 4-na Relief & Rehabilitation Minister zahawm tak chhan atan. (a) Tsunami tuarte tanpuina atana Mizoram Sorkar hnathawkte nikhat hlawh thawhkhawm total amount engzatnge ? (b) Sorkar hnathawk engzatin nge thawh ? tih ka zawt e.

PU LALRINCHIANA MINISTER : Pu Speaker, Member zahawm tak Pu H. Rohluna, zahawm tak chhanna chu hei hi a ni e. (a) -na chhanna chu February 28th 2005 thlenga hmuh tawh zat chu Rs. 41,53,753/- a ni a. Amaherawhchu, hemi hunah hian sorkar hnathawk ni lo. Mizoram fa te, Student Union Christian te, Zoram Taxi Driver te, Charity football match te concert te leh Zoram upa pawlte chungho chuan rawn thawh an nei bawk a, chung a rawn thawh chu 2,23,450/- a ni a. Tichuan he February 28th 2005 a kan hmuh zawng chu Rs. 43,77,203/- a ni a. He thil hi nitina rawn thleng zel a ni a, nimin lama kan hmuh tawh dan atang chuanin kan hmuh tawh zawng zawng chu Rs. 84,99,976/- a ni. Tin, hemi a sorkar hnathawkin an pek February 28th base-ah sorkar hnathawk rawn petute chu, mi 8,887 an ni e.

PU LAIDUHOMA : Pu Speaker, Tsunami tuarte tana hmalakna hi a rangin a lawmawm em em a. Chutih rualin nikumah khan rial leh Thli kan ramah nasa takin kan tuar a, hei kan Member zahawm tak Pu S. Hiato Unstarred Question 6-na chhanna vawiinni a lo langah hian nikuma tuartute chhawmdawlina kha pek a la ni lova, pek tum a ni tih chauh mai a la ni a. Tin, kuminah pawh kan bialte, Kawnpui bial te, Kolasib bialte leh Saiha lamin rial leh thli kan tuar leh a. Hctianga Tsunami tuarte tan pawna chak taka hma kan la thei anih chuan kan ram chung ngeiah nikuma tuarte leh kumina tuar mek te hi hei aia chak zawk leh rang zawk hian tanpuina pek ve dan hi sorkarin a rualman em tih ka zawt a ni.

PU R. LALZIRLIANA

Pu Speaker, ka zawh duh tak Member zahawm tak Ratu bialtu khan a rawn zawt a, a bik deuh in Armed Veng Tsunami kan ti ve thei ang chu, Armed Veng lei che ina a tihchhiat kha tuna Tsunami tuartutena an tuar ang tho hiaan an in tam tak a chhia a, ringlo mite pawh heti tak hiaan kan ngaihtuah a, kan ringtu puite vawiinnia tuarte kan mithmuh ngeia awm te hi engtinge tanpuina sorkar hian pek a tum tih kha ka han zawt duh a ni.

**PU LALRINCHHANA
MINISTER**

Pu Speaker, nikum Monsoon damage atana Central sorkar a State in kan pek thlak kha vaibelchhe sawmli tel ani a, amaherawhchu, chuta tang chuan vaibelchhe sawmpathum chauh kha an rawn sanction a, kha kha eng angin nge kan pek ang tih kha ngaihtuah ngun a ngai khawp mai a, Chief Secretary hovin Committee kan siam a, chumite chuan khami thendarh lehna dan kha an han ngaihtuah a, chutiang chuan an buatsaih chho mek zel a. Tichuan khami an buatsaih a fel hun hun ah khatiang atana tanpuina kha chu pek kan tum anga. Tin, khami nikum Monsoon damage ah khan mi Inchung chhia leh In chhia te tan Rangva bundle 5000 kan pe tawh nghe nghe a. Tin, Silpouline engemaw zah kan pe tawh nghe nghe a. Chumi baka la tanpuina leh chu tunah Vaibelchhe Sawm vel zel chu sem turin kan ruahman mek ani. Reilote ah kan sem theih tawh kan in ring.

S P E A K E R

: Starred Question No. 5-na zawt turin Pu H. Rohluna i lo sawm ang u.

PU H. ROHLUNA

: Pu Speaker, ka Starred Question No. 5-na, Environment & forest Minister zahawm tak chhan atan (a) Murlen National Park hnuaia, Rabung to Murlen kaawng hi engtikahng e laih zawh Complete anih theih ang ? (b) Pawisa engzatnge he kawng laih nan hian sen anih tawh min hrilh thei em ? tih ka zawt e.

S P E A K E R

: Tunah chhang turin Environment & Forests Minister Dr. R. Lalthangliana ilo sawm ang.

**Dr.R.LALTHANGLIANA
MINISTER**

: Pu Speaker, kan Member zahawm tak Pu H. Rohluna zawhna - pakhatna chhanna chu Laih harsa lung hmun Km. 8-na leh Km. 11

- 12 vel a awm nual mai a, Central ah laih zawhna tur dil mek ani minrawn pek hun hun ah laih zawh heisei ani tih kha nisela. Pahnihna—chu a zavaia pawisa senso tawh zat chu cheng nuai sawmthum ani. Tih kha ka chhanna ani e.

S P E A K E R

: Aw Pu H. Rohluna

PU H.ROHLUNA

: Pu Speaker, Zawhbelhna, he kawng hi Department in tunge an laih tir, JCB ten an laia, mahse, duhthu a sam lova, a

kawng te hi a min leh thin a, an laih tawhsa pawhhi ruah an sur deuh hi chuanin Motor pawhin a zawh hlei thei lova, tin, a la tlanglo hrim hrim a. He kawng hi a pawimawh hle a, a chhan chu Murlen han pawh tur hian Vapar lam atanga kal tur chuan ram hnuai kawng zawn chawp alo ni a, a harsa a, National Park enkawltu te tan pawh hian a buaithlak a, chulo ah midang hrim hrim tan pawh khua lo awm ve ta chu Official te pawh Murlen a han kal duh chang te a awm a. Motor a thlen that loh chuan a buaithlak a. Chuvang chuan heihi a laitu te pawhin Sanction hi renchemlo deuh hian an hmang anilo maw tih kha ka zawh belh duh a, a chhan chu a pawisa sen hian in tlang thei tura ngaih ani a, mahse hei a tlang ta lova, lung hmun han tih te kha chu, chhuanlam ah kan ngai deuh hlek a, a hrechiang te kan zawh pawhin chutianga hmun harsa lutuk tur a awm love an ti a. Chu chu chak zawk deuhin Minister hian hma min lak sak thei angem tih kan zaawt duh ani.

S P E A K E R

: Lo chhang turin Minister
Dr.R.Lalthangliana i lo sawm leh
ang.

**Dr.R.LALTHANGLIANA
MINISTER**

: Pu Speaker, helai kawng hi 14.3
km. a ni a. A pawisa senso hi
nuai 30 a ni a. 1 Km. ah hian
cheng nuai hnih leh tlem a ni a.

Tha deuh maia chhuah chu a harve deuh maia awm mangnge, kan PWD rate-te han ngaihtuah chuan ka ti deuh hlek a. Engpawh nise a kawng hi ka la en chiah lova. Kum 2000 - 2001 chhung khanin formation cutting hi a rei tawh viau a. Bialtu MLA sawi pawh kha a dik ka ring a. 2000 - 2001 chhunga formation metling atana nuai 15 bawr vel sen a nih bakah culvert 14 a awm a. Nuai 9 leh sing ruk leh tih vel khang hun laia sen kha a ni a. Chuan tun hnaia kan han hmuh mai hi chu nikum hmasa khan 2003 - 2004 khan nuai nga a ni a. A kawng sei dan han ngaihtuah hianin senso hi a tam theilo. Mahse renchem takin a contractor mimal ang zawng pawha ti em em lova a renchem thei ang bera hman ni ah ka ngai a. Engpawh nise bialtu MLA-in a pawimawhna lai a rawn sawi kha a dik em em mai a. Helai hi a engemaw tak maia kan humhalh a ngai a. 100 Sq. Km. lai mai khilalah National Park neih a ni a. Tin, Savawm te leh Sakei te, Saza te, Tin,..... bird kan han tih te, Sava chi dang dang te kan neihna a nih avang hian a pawimawh a. Hmanni lawka Central lampang atanga mi lokal National Forest Commission member Pu Ranjit Singha phei chuan a that zia thu kha a sawi nasa a. Kan Phawngpui National Park nen hian. Chuvangin sum pawh ruahmanna rawn siam ula theih tawpin tan ka level ah te pawh ka lo la dawn nia a ti niin ka hria a. Chuvangin kawng hrim hrim lai bakah hian thil dang tam tak tih tur kan nei dawn a. Engpawh nise a kawng hi a thui ve bawk nen a lung hmun tih lai hi department lampangin report min rawn pek dan a ni a. Engpawh nise a tawp thlenga tha taka he kan National Park hi cheibawi kan tum a ni tih kha House ka assure duh a ni. Theih tawpin tan kan la chhonzawm zel ang.

...42/-

S P E A K E R : Starred Question No.6-na zawt turin Pu Lalhmingthanga i lo sawm ang.

PU LALHMINGTHANGA : Pu Speaker, ka zawhna starred Question No.6-na. Urban area a puan huam chhung amite chuan Rural Development chi hrang hrang an chang ve thei lovang tih hi a dik em ? tih Rural Development Minister zahawm takin min chhan turin ka zawt a ni.

S P E A K E R : Chhang turin Rural Development Minister Pu Aichhinga i lo sawm ang.

PU AICHHINGA MINISTER : Pu Speaker, kan member zahawm tak Pu Hminga zawhna kha dik e tih hi kan chhanna chu a ni mai a. Mizoram sorkarin a puan urban chinah ti ila a dik ang. Census chuan urban tih thluah hi a awm a. Mahse Mizoram sorkarin District Capital leh State Capital chin urban ah dah rih nise, a bak chu Census-in urban ti mahsela chungah chuan Rural Development Department hma kan la chhunzawm zel a ni.

PU LALHMINGTHANGA : Pu Speaker, belhna. Helai Mizoram sorkarin a puan chin kha chu a chiang mai a. District Head Quarter zel kha urban ah an puang a ni tih a chiang a. Mahse hetah hian district head quarters urbana han puan khan harsatna tam tak a thlen a. Entirnan Lunglei saw District Head Quarter a ni a. A South lam ka bial a ni a, a North lam kan Minister zahawm tak Forest and School Education changtu bial a ni a. Ka bial lam saw han sawi ila. Lungpuizawl te, Hrangchalkawn te, Theiriatte, Hauruang te, Lunglawn te, Ramthar te, Salem te, sawng zawng

zawng zawng saw an eizawn dan chu Rural Economy vek a ni a. Lo neiha eizawnga kut hnathawk mi an ni a ni. Tichuan, he thupuan a awm veleh hian Rural Development-a beneficiary an nih theihna zawng zawng ang kha, food for work te thlengin an lo chan ta a. An tan khawpui facilities engmah han dawn tur a awm chuang bawk silova. Chutiang bawk chuan Lunglei hmar lamah Pukpui te, Zotlang te, Zohnuai te, kang kha Vanhnuai te chu chutiang tho chutiang tho an lo ni a. Entirnan Serchhip hi kan opposition zahawm tak bial a ni a. Khatieng harsatna tho kha an tawk a. chuvangin, helai hi sorkar hian engtiang chiahin nge a urban area kha a boundary hi a siam dawn ? Chumi rin fel a nih si loh chuan kang Town Area in ni e ti a tun hma a an lo dah a benefit pakhat chauh an neihve theih kha ti lo kha chu hemi urban facilities hi a nei si lova. Chuvangin heng ho tan hi chuan hremna rapthlak tak a ni a. Kan sorkar zahawm tak hian, kan Minister zahawm tak hian kang ho dinhmun harsatna hria khan hemi urban area rin dan tur hi ruahmanna thar a siam thei angem tih kan zaawt duh a. Tin, chutiang ang an siam dawn chuan interim period ang deuh hlek a siam chho pawh in kharg thingtlang khua anga la che si, rural ti a an koh ho kha Rural Development benefit chi hrang hrang hi pek leh theih a ni dawn em tih kan zaawt duh a ni.

S P E A K E R

: Han chhang tur in Minister Pu Aichhinga i lo sawm leh ang.

**PU AICHHINGA
MINISTER**

: Pu Speaker, kan member zahawm tak Pu Iminga sawi kha a dik khawp a. Khawpui, Urban han tih bik chu Capital in a huam chin ah pawh hian Thingtlang nuna nung, lo nei te, an nunphung hrim hrim ah pawh Rural hliah hliah tamtak an awm tih hi kan hria a. Amaherawhchu thliar thiam a har khawp mai a. Central sorkar ti ila, Census in a urban a tih chian a kal tur in Central sorkar chuan min ti a. Mahsc, kan ramah hian urban hi a lo tam khawp mai a. Khaw awmze nei deuh hlek hi chu urban an ni fai vek mai a. Chuvangchuan engchin in nge kan rin ang tih hriat thiam a har khawp mai. Tin, chutih lai karah chuan heng urban a puan tan hian Central atangin rural fund hi (Rural Development fund hi) kan hmuh kep lawi si lova, chuvangchuan rural chin tan liau liau a pek a nih si avang hian Central lam atangin

engvangin nge urban ah rural fund in hman tih hi Objection vawi tam tak audit objection hi kan hmu tawh a. Chuvang chuan engtianga tih tur nge ni ang tiin ngaihtuahna kan nei a. Hun reitak phei chu an lo haider a, keina ka lak hma phei chuan tuna kan District capital leh State capital thileng pawhin urban ah hian Rural development fund hi lo hman zel a ni a.

Mahse tun tumah erawh chuan Central duhdan ang leh guideline anga kal ve deuh si a, engemaw ti a haider a kaldan kan dap ta a. Chuvang chuan district capital in a huam chin chauh tal hi chu urban ah dah ve mai nise. Chuti anih loh chuan urban ti a Census in a puan zawng zawng a kan kal chuan kan khawtam ber hi urban ah an aawm dawn si a. Chuvangchuan khawpui District Capital chin chauh tal hi chu kan ti ve phawt mai ang tiin kan han ti ta a ni a. chumi atang chuan, tuna Pu Hminga sawi ang khan District Capital in a huam chin khawchhungah pawh khan rethei tamtak an nunphung urban nilo ngawih ngawih tam tak an awm chungin Capital in a huam si avang khan kan han hrut tel phawt mai a ni a. Tunah chuan ngaihtuahna thar hranpa em em kan la siam lova, amaherawhchu a boruak a zirzel te pawhin ngaihtuah theih loh a ni ang tih phei chu kan ti hauh lova, mahse tunah tih erawh chuan tuna District Capital kan tih chin in a huam khua te kha chu kan han telh lo phawt mai a ni. Chu chu ka chhan theih dan chin tawk a ni e.

PU LALHMINGTHANGA

Pu Speaker, engatinge Central Sorkar khan khatia an rawn urban vak mai ? Eng Criteria in nge kha kha an tih ? tih kha kan State Sorkar hian

zawhfiah zawk a, an mahni kha mawhphurh tir let ava tha ve, an nina objection rawn siam leh rikngawt mai thun kha urban tih awmzia chu hei a Chiang em em mai a, Criteria awm tur a ni a. Tin a definition a awm tur ani a, engtizia nge chutianga an rawn tih urban vak mai a, District Head-Quarters pawh lo nise. Khawsak dana kha Rural Economy anih si chuanin, urban facilities ramdanga an pek theih ang kha an pek siloh chuan, hei hi chu a diklo, ti pawhin kan sorkar kha a tang ve thei lawm ni ? A definition te kha engeni tih kan sawi duh deuh a ni.

S P E A K E R

Awle, question hun a zova, khawngaihin i ti tawh lo mai ang.

Amaherawhchu zawh laklawh kha a awm a, han chhang law law se kan ti a mi ni ang. Ngawi rawh, a zawibelh lam chu khawngaihini ti tawh lo mai ang.

PU ZODINTLUANGA : Pu Speaker, kan lo nei tawh thin a. Obituary kan neih ni hian hetiang hi neih zen zen ani lova, kan dil belh thin a, kan hun hman te. Hei vawiin ni-a kan House Leader zahawm tak leh kan Health Minister te pawh hi Opposition an nih laia lo dil ve thin tawhte an ni a, min hriatthiampui ka ring a, minutes 20 lai mai kha nachin khan hman ani a, kha kha kan lo kalpui tawh thin angin min pek belh thei mai lawm ni? tih kha ka rawn dil a ni.

SPEAKER : A dikna chin chu a awm a, mahsela kan lo kalpui thin dan kha mi kaldan loh deuh hlek alo ni a, mi kaldan hian kal tawh ila a tha awm e, tih kha ngaihtuahna kan rawn neih ani a, chhan loh laklawh kha ala awm a, kha kha chu han chhang zo se tha kan ti mai em?

PU AICHHINGA MINISTER : Pu Speaker, ka lawm e. Nia kan rama Urban kan ngahna leh Census ina Urban-a a rawn puan ti mai ila, Urban-a a rawn dah chin hi, keimahni sorkarin tunhma atangin UT kan nih lai atangte pawhin ani ang. Khalai khan Satellite Town tihte, Town anga puan kha kan ngah viau va, Sub-town tihte kan nei a, chu chu a chhan chu a tlangpui in thingtlang khua ten sorkarah Town-ah min puang ve rawh u, tih dilna nasa tak sorkarah an pe a, a chhan chu LAD atanga Housing Loan lak ve theih an duh vang ani tlangpui deuhin kan hria a, chuvang chuan Town nih kha an duh a, mahse tunhnu-ah hun lokal zelah Urban leh Rural thendarh alo nih tak siah hian khami Town a puan chin a kha census hian Urban-ah a

dah mai a, khata puan loh ho kha Rural-ah a dah mai niin a lang a, chulaiah chuan keinin kan zuk tih emaw tihloh lam emaw aiin, census lam zawkina an lo tarchhuah zawka kha kan ring lo thei lo a, Central-in a rawn ring tlat si a, chu chu a kaldan chu a ni a.

Tin, chutah chuan in zuk nawr lawm ni? tihlama kha chu nawma hranpa phei zawng kan nei lemlo a, amaherawhchu, haider chin lam kha kan nei mai zawk a ni.

S P E A K E R

List of Business-ah kan kal dawn ang ang a, kan kal hma in thupuan tur ka nei nual a, kan puang ang a. A hmasa berah chuan Panel of Chairmen dinglaite hun a tawp tak avangin hetiang hian Panel of Chairmen ruat an ni. Pu K. Vanlalauva, Pu S. Hiato, Pu Andrew Latherliana, Pu Lalhlengliana.

Tin, vawiinah hian kan Member zahawm tak pahnihi, Pu K. Lianzuala leh Sainghaka damlohna avangin anlo tel theih loh thu ziakin an rawn thlen a, Leave of absence an rawn dil a ni. House hian a tha e, kan ti mai em?

Tin, remchan zawkna avangin Medical Staff Session laia rawn duty thinte kha Committee Room-ah an awm a, mamawh tan pan emaw, koh emaw theih an ni. An room hmasa thin kha thildangah, Session chhunga hman anih avangin, Committee Room-ah dah an ni e.

Tin, kan sawifo thin, House-ah hian Mobile Phone ken luh loh kan ti a, member ten kan zawm tha hle a, amaherawhchu, ngaithlatute leh Official te hi inthlak inthlak an ni a, hrelo te pawh an lo awm thin a, vawiinah hian ka sawi thar leh duh a, kan Conduct Rules-ah hian House chhungah leh Official Gallery leh Public Gallery-ah te pawh mobile Phone ken luh phalloh a ni tih kha kan sawi nawn leh a ni. List of Business-ah kal ila, Presentation of Report ni 17.2.2005 khan BAC Meeting neih a ni a. Tun tum Session detail programme hi uluk takin duan a ni a. Chu chu tunah hian House-ah ka rawn present a ni. Hei hi Bulletin Part-II No. 79 ni 17.2.2005 khan chhuah a ni tawh a. A copy kha han sem nisela a tha ang e. Tuna Report kan sem bakah khan BAC programme duan dan chu kan sawi tawh ang khan Bulletin-ah chhuah a ni tawh a, a tha kan ti tlang thei mai em? Reivaklo han sawi nisela.

PU LIANSUAMA

Pu Speaker, nikum atang leh term hmasa te atang tawh pawh khanin Subject Committee din a lo ni ve ta a. Tichuan Budget Presentation zawhah General Discussion neih hnu leh Demand for grants inkarah he Subject Committee hian a hna te thawkin (Parliament-ah pheih chuanin thlakhat lai emaw hun dahawlin chu Committee chuanin hna a thawk a). Parliament lama an hming leh keini State a hming chu inang lo deuh mahse function thuhmun kan perform a ni a. Hei keipawh Subject Committee No. 5 naah min rawn dah ve a, hma kan han ia a. Tichuan kan danin a sawi angin General Discussion hmam Subject Committee thui tak a kal hleih theih lohna. Vawina hetilaia Report kan approve turah hian Subject Committee in a function a tihna tur a leng miah lova Budget Session kan nei chho ta fo mai hi nikum lamah pawh khan kan sawi tawh a. Mahse nikum lamah kha chuan Vote on Account a ni a. Chuvang chuanin a full picture pawh a hmuh hleih theih loh avangin kan kal naw naw mai loh chuan tiin kan tling tla a. Budget Session pumpui kha November thlah kan neih tak chauh avang khan tih ngaihna pawh awm ta lo kha a ni a. Kuminah hi chuan vanneih thlak takin kan plan size tur leh kan Budget hlim thla tunah hian hmu thei tur kan lo ni ta a. Chuti anih si chuan heti laia BAC in a ruahmanna in rawn siam hi Subject Committee te thutna tur leng miah lova han siam leh mai hi chu a diklo deuh lo maw. Hei Committee tam tak a awm a, chung chuanin hun han nei hlek seng chuan hetilaia demand hrang hrang pawh heti lai House-a thui ta sawi lova kan inrem theih mai tur a tam hle a ni a. A dik takin zep nak emaw helai House chhungah hi chuan tha kan tih reng pawh tha kan han intihloh sak kual chang te pawh hi a awm a. Committee-ah chuan discussion hi a tluang tha em em a. Entirnan atan Demand hrang hrang tawim deuh pawh I han sawi lo ilang chuan kan Budget Session hi a tluang tur a ni a. Tihdanglam tur lo awm anih pawh in helai House-ah hian tihdanglam chu thih hrehin kan hreh tawh thin a nisi a. Chuvang chuan he Calendar hi kan standing Committee ve kan Subject Committee te purview ngaihtuah maih lovin kan siam leh a ni mai lo maw. Chuvang chuan engemaw tul bak hi Budget session kan nei tawh dawn lo anih chuan a tul tul chu kan pass ang a. Tun supplementary Demand leh pawimawh zual te. Hei hi han tihdanglam leh hret hi a tlawmngaih thlak vak em ni. Hei kan hotu chhuanawm tak tak te Subject Committee a chairman niin hna hrang hrang an lo thawh tawh te pawh hi report te pawh han pek luh a, chumi chance han neih te chu a tha hle lawm ni tih kan rawn dinchhuah pui a ni. Subject Committee hi kan namnul lutuk deuh lo maw.

S P E A K E R

A lawmawm khawp mai. Khatiang ngaihdan chiah kha Khawzawl Bialtu khan a nei a. Ama hnuai Committee pawhin chutiang tur deuh chuan a rel a. Mahse BAC ngaihtuah chinah hi chuan session ah hian hetiang business hi kan nei dawn a an tih a khan an lo rawn khawm deuh mai kha ani a. Member ten chance tha tan kan neih theihna tur a an business awn pulluh tur kan lo rawn khawm ani a. Member zahawm tak Phuldungsei bialtu sawi kha engnge ni? BAC in a chinfel loh piahlam House Leader te sorkar lamin hetiang hian ti ang aw an tih chuan kan lo rem ang a. BAC chuan sorkarin business an neih chin kha kan rem fel thin ani a. Kha kha thil pawimawh tak a ni a. Kan sorkar hotute pawhin mi kalphung ang te pawh kha Member ten an duh viau tawh ani tih min lo hriatsak te sela tha ang e. Induhna te kan hre viau tawh ah ngai ila. Sorkar in hetiang business hi vannei e an tih a kha kan rawn khawm ta thin ani. A principle thil riau a ni.

PU ANDREW LALHERLIANA : Pu Speaker, tuna i sawi kha a thianga, a lawmawm hle a. Tin, kan zawm loh sa sa a ni a. Mahse hetah House Leader fel tak kan nei a. Khami chungchang thu-ah khan Resolution ang deuh pawhin Subject V Committee in kan theh lut a. A remlohna te sawi anih avangin kan bawhzui ta lo a ni a. Mahse kalphung pangngai kan tum lehna kawnga kan thahnem ngaihna anih avangin a harsatna emaw, Budget Session lehah chuan kalphung pangngai State puitling te tihdan kan ti thei ve tawh ang chu maw le. Tin, Assurance te pawh min pek theih chuan House Leader hi khawngaih takin khami chungchang thu sawi turin ka ngiat deuh hlek ani.

S P E A K E R :

Khawngaihin kha chu General Discussion ah la phawt ila. A BAC report ah hi chuan ti lo mai ang u. A indawt dan kan sawisel duh anih chuan thudang nise. Hemi report chihung hi ti mai ang u.

Parliament ah pawh Standing Committee an awm a. Thla $\frac{1}{2}$ emaw vote on Accounts kal chhungin an lo zir a. Report engkim an ngaihdan an thelut a mahse khami kuma an budget a khawih chuang lo ani. RE ah emaw a kum leh atan emaw a khawih a. Subject Committee kha an taima viau anih chuan engemaw chen chu Budget dinglat an rawn present a kha khatah chuan laying nei lo mah sela, a dawt leh atan chuan kan nei thei tho ah kei chuan ka ngai deuh. Duhthusam anih loh chuan thudang ni se. A Report hrim hrimah khan tha kan ti tlang em?

**H. RAMMAWI
MINISTER**

Pu Speaker, BAC ah khan political party hrang hrang ti mai ila, kan Deputy Speaker te, Group Leader te tel vek a tih ani a. Mahse khawi ni ah emaw khan Pu Duhoma erawh chu a tel lova. A dang ho chu aiawh a tel kan ni a. Tun dinhmunah chuan hei hi kan pawmtlan a tha lawm ni tih ka rawt duh ani.

SPEAKER

: Chu lam chu ania kei pawhin kan rawt duh kha tha kan ti tlang em? Tha kan ti tlang thei maw. Tunah chuan Legislative Business ah kan kal ang a. Pu B. Lalhlengliana Minister zahawm takin 'The Mizoram Value Added Tax Bill, 2005 House ah introduce rawn dil sela.

**B. LALTHLEGLIANA
MINISTER**

: Pu Speaker, i rem tihna in The Mizoram Value Added Tax Bill, 2005 he House zahawm takah introduce ka rawn dil c.

SPEAKER : Kan remti em? kan rem tih chuan rawn introduce sela.

PU B. LALTHLEGLIANA : MINISTER Pu Speaker, i remihna ien he House zahawm tak remtihna in The Mizoram Value Added Tax Bill, 2005 chu he House zahawm takah hian ka rawn introduce e.

SPEAKER : A copy kha han sem sela a tha ang e. He bill hi hun remchanganah kan la ngaihtuah ho dawn nie. Tunah Bill introduce tur a dang kan lo nei a. Pu H. Rammawi Parliamentary Affairs Minister hian Bill panga lai original nilo Amendment Bill introduce tur a nei a. Tawi te te ani hlawm a kan sawm dawn ang a. Mahse panga lai ani a a semtute hian min sem diklo palh ang tih a hlawhawn a. Chuvang chuan a introduce vek hnuaah a copy te chu min sem ta se, a pawl chuang dawn em ni. Pu H. Rammawi The Mizoram Salaries and Allowances of the Minister (Second Amendment) Bill, 2005 introduce hian dil sela.

PU H. RAMMAWI : MINISTER Pu Speaker, The Mizoram Salaries and Allowances of the Minister (Second Amendment) Bill, 2005 introduce turin House phalna ka rawn dil e.

SPEAKER : The Mizoram Salaries and Allowances of the Minister (Second Amendment) Bill, 2005 Pu H. Rammawi, Parliamentary Affairs Minister in han introduce sela.

S P E A K E R

The Mizoram Salaries and Allowances of the Minister (Second Amendment) Bill, 2005 Pu H.Rammawi Parliamentary Affairs Minister-in han introduce sela.

**PU H. RAMMAWI
MINISTER**

Pu Speaker, i phalna leh he House remtihna in The Mizoram Salaries and Allowances of Minister (Second Amendment) Bill, 2005 he House zahawm takah hian ka introduce e.

S P E A K E R

Tunah Bill dang The Mizoram Salaries and Allowances of the Speaker and Deputy Speaker (Second Amendment) Bill, 2005 introduce turin Pu H.Rammawi i lo sawm leh ang, introduce han dil sela.

**PU H. RAMMAWI
MINISTER**

Pu Speaker, the Mizoram Salaries and Allowances of the Speaker and Deputy Speaker (Second Amendment) Bill 2005 introduce turin House phalna ka dil e.

S P E A K E R

Kan remti em ? Kan rem tih chuan hau introduce sela.

**PU H. RAMMAWI
MINISTER**

Pu Speaker, i phalna leh he House rem tihna in The Mizoram Salaries and Allowances of the Speaker and the Deputy Speaker (Second Amendment) Bill, 2005 he House zahawm takah hian ka introduce e.

S P E A K E R

2005 introduce dil turin Pu H. Rammawi
Department Minister i sawm ang

Tunai. The Mizoram Salaries and Allowances of the Government Chief Whip and the Deputy Government Chief Whip (Second Amendment) Bill,

**PU H. RAMMAWI
MINISTER**

2005 introduce turin House phalna ka dil e.

Pu Speaker, The Mizoram Salaries and Allowances of the Government Chief Whip and the Deputy Government Chief Whip (Second Amendment) Bill,

S P E A K E R

Kan remti em ? Kan remtih chuan introduce turin Minister Pu H. Rammawi i lo sawm ang.

**PU H. RAMMAWI
MINISTER**

he House ah hian ka rawn introduce e.

Pu Speaker, The Mizoram Salaries and Allowances of the Government Chief Whip and Deputy Government Chief Whip (Second Amendment) Bill, 2005

S P E A K E R

Tunai Pu H Rammawi, The Mizoram Salaries and Allowances of the Leader of the Opposition (Second Amendment) Bill, 2005 House ah introduce rawn dil sela i lo sawm ang u.

**PU H. RAMMAWI
MINISTER**

Pu Speaker, The Mizoram Salaries and Allowances of the Opposition (Second Amendment) Bill, 2005 introduce turin House phalna ka dil e.

S P E A K E R

Kan remti em ? Kan rem tih chuan nan introduce sela, i lo sawm ang.

**PU H. RAMMAWI
MINISTER**

Pu Speaker, The Mizoram Salaries and Allowances of the Leader of the Opposition (Second amendment) Bill, 2005 he House ah hian ka introduce e.

S P E A K E R

Tunah Pu H. Raminawi Parliamentary Affairs Department Minister, the Mizoram Pension for Member of the Defunct Mizo District Council and of the Defunct Pawi Lakher Regional Council (Amendment) Bill, 2005 House ah introduce dil turin i sawm ang.

**PU H. RAMMAWI
MINISTER**

Pu Speaker, The Mizoram Pension for members of the Defunct Mizo District Council and of the Defunct Pawi - Lakher Regional Council (Amendment) Bill, 2005 introduce turin House phalna ka dil e.

S P E A K E R

Kan remti em ? Kan remtih chuan introduce turin i sawm ang.

**PU H. RAMMAWI
MINISTER**

Pu Speaker, "The Mizoram Pension for Members of Defunct Mizo District Council and of the defunct Fawi - Lakher Regional Council (Amendment) Bill, 2005. He House zahawm takah hian ka introduce e

S P E A K E R

Vawim atana kan Bill put luh hnuhnung ber "The Mizoram Passengers and Goods Taxation Bill, 2005, he House a introduce rawn dil turin Pu Lalrinchhana, Transport Minister i lo sawm ang u.

PU LALRINCHILANA

Pu Speaker, The Mizoram Passengers and Goods (Taxation) Bill 2005 hi he House ah introduce ka rawn dil e.

S P E A K E R

Reni kan ti em, Pu Lalrinchhana i lo sawm ang.

**PU LALRINCHHANA
MINISTER**

Pu Speaker, i remtihna leh he House remtihna in The Mizoram Passengers and Goods (Taxation) Bill, 2005 hi he House ah ka introduce e.

S P E A K E R

Bill reng reng hi sawi ho thei tur chuan Member ten ni 4 tal an kawli a ngata Tunhma khan kan insem a dak ipah a ni ruatah hian kan sawi

chawp thin a, tun tum hi Sorkar lam an in peih hma ve a, Bill a rawn thleng hma bawk a, a hrampa in introduce ngat nisela kan ti ani. Khang Bill-te kha remchangah kan ngaihtuah ho tur ani ang.

Tunah kan List of business dawttu leh vawun atana a hnuhmung her ah kan kal anga, discussion on motion of thanks on the address of the Governor. Kan Governor thusawi chungchang a lawmthu sawina Motion, nimin ah khaan moved ani tawh a, pawm ani a. Tunah hian kan sawi anga, Member pakhatin Minute 10 hun in pe ila Leader of Opposition an Group Leader te kha kan pe tam leh deuh ang a. Awic, Motion of thanks move turin Pu K.Lalrinliana ilo sawm ang u

PU K.LALRINLIANA : Pu Speaker, ka lawm e. hei Motion of Thanks Address of the Governor move tur ka nih angin sawm ka ni hi ka lawm hle a, he Speech, Governor Address hi sawi vek sen chu a har dawn khawp mai a. Amaherawhchu kan sawi tur ah hian a pawimawh zual tlem azawng kan sawi tur hi member te tan lawmthu sawina tlak vek a ni a. A kim lo zawk niin ka hria a. Minute 43 chhung Governor in a sawi kha a ni.

A hmasa berah chuan lawmthu sawina awm ni a ka ngaih a chu - kan Budget 2005-2006-a hi a pumpuhluma pharh a ni thei tur hi ani, nidangah chuan Vote on Accounts-in kan kal thin a, tunah chuan a rawn sawi ang a Full Budget rawn pharh a ni hi lawm thusawi ngaim ka hria a. Chumi mai bakah chuan 12th Financial Commission ten an earmark Mizoram tana min duhsakna a rawn sawi hi ani, tin, Home Department-ah Para 3-na ah hian nasa taka Voluntary Organisation te leh Police te tang ruata Dan bawhchhia te man kawnga, thawh hona chungchanga, rawn sawiah te hian lawm thu sawi hlah hlah tur niin ka hria a. Law and Order kenkawhna chunga kan Police te an rintlakna a ti lang changin ka hria a. Tin, Prison chungchangah pawh hian Jail tih changtun na te, a bik takin District Jail tana kan neih lai mekte ti changtlung tura hmalakna mek te, tin, Jail thar kan neih leh tur atana Serchhip, Mamit, leh Lawngtlai ah te hmalak mai turah te hian iawmawm ka ti a.

Tin, Excise Department ah hmalak na nasa taka, hlawhtlin na te kan nei nasa a, tun kum kal lai mekah January

thlenga nuai Rs. 117.20 lakhs nial Revenue kan hmuh chungchang a rawn tarlan na te. Tin, Agriculture Department-ah tunah Organic Farming State kan nihna anga hmalakna chak taka kal chhohpui a nihna te leh Neihbawi a State Biological Control Laboratory kan neihna hmanga Bio-Pesticides kan neihte, Bio Control Laboratory kan neih te hi a lawmawm ka ti a, farmers te hmalakna tur atan a the hle dawna ka hriat avangin lawmawm ka ti hle a ni.

Tin, Agriculture Link Road atana Potential Area Connectivity bik atana hmalakna a rawn sawi lan te, tin, hmalak lehzel tur a rawn sawi leh inpuah chahna a rawn sawi te hi lawmthu sawina tlak tak niin ka hria

Tin, BAFFACOS hmanga Agriculture hma lakna thlai chi leh a tiak chungchanga hmalakna a rawn sawi te hi a tha ka ti a. Tin, Horticulture Department hma lakna Grape chinna hmun nasa taka hma lak a lo nih tanna te, Tin, Anthurium te chutiang chuan hma lakna hrang hrang kal mekah te, Pilot Project Papaya chi hectare 250 lai chinna tura kaipui mek a lo ni ah te hian lawmawm ka ti a, lawm thu kan sawi a pawimawh hle in ka hria.

Tin, Soil & Water Conservation Department-in Tea cultivation a hmalak an tum chungchang ah pawh lawmthu sawi ngaim ka hria a. Fisheries Department a kan Governor in a sawi hmalakna nasa tak farmers te hnena a chi sem te, fresh water Prawn farming tuna Mizorama kan la th ngai loh farmers training neih tir ani a. Kum thar atan pawh hmalakna new technologies Mono Culture leh Policulture of fresh water prawn, Kaikuang lian chi fresh water a vulh tumna lu a lawmawm hle in ka hria a, chu chu kan tariang duh a.

Sericulture hmalakna ah a ropui hle in ka hria a. Special GSY ah, Lawngilai ah te, Saiha ah te Mara ah te Chakma Autonomous Council ah hmalak a ni te hi ropui ka ti a.

AH & Vety Department hmalakna ah hian Ran chaw siamna tura Tanhril a kan neih lai rawn tarlan te, chumi bakah ka bial chung ngei ah pawh Integrated Dairy Development Project tana hma lakna 4.900 lakhs lai hmalakna neih mek te, nuaih 115 chuang a Ran hrisel na tur atana hmalak, Control Animal Diseases an thil Investigation Laboratory neihna tur atana hmalak chhohna te, a lawmawm in ka hria a. Kan hriselna tur atan kan thil eichi te (Organic farming kan ti a) Sa ei lam ah pawh kan fimkhur na tur atan leh Ran hrisel kan

neih na tur atana hmalak chhoh hi a pawimawh a, chulai chu lawmthu sawi ngaiin ka hria a.

Forest lamah te FIDA hmanga hmaiakna nasa tak kan hmu a, a sawi lang a, Thingiang khua 272 laia hmalakna te, homi tana rakhanna kawng hrang hranga siamsak anni te, Gas Connection thleng pawha pek te, chutiang chuan Forest Department-in Revenue tun kum kai lai mek a nuaih 200 dawn mai an la lui te a lawmawm a.

Transport Department ah hma chak taka la in, State bus terminus at Chaktiang tih te hmalak ani chho hi kan hmasawna tura ropui tak niin a lang a District Transport Office hrang hrang, Vehicles registration leh driving licence te Computerise tumna kai lai mek pawh hi a lawmawm a, Motor rukbo chungchang ah te, Driving licence lem siam chungchang ah te pawh kan fihlim theihna tur niin a lang, hengte hi a pawimawh in lawmthu sawina awm niin ka hria.

Industries Department-a hmalakna nasa tak mai a rawn tarlan na ah pawh Central Sorkar ten earmark nuaih Sing khat lai an neih mek Development of Industrial Infrastructure-in Mizoram stih a rawn tarlan pawh kha a ropuiin a thlamuan thlak ka ti a. District Industries Centre District thar awm ah neih tir tumna te tarlan ani a, ropui ka ti a.

BAFFACOS hmanga Bamboo Industries unit hrang hrang hmalakna te a rawn tarlan ah klian a thlamuan thlak ka ti a, Bamboo ah pawh Tsunami tuar te tanpui na tur kan thawn chhuak thei kha a ropui in ka hria.

Rural Development lamah pawh a rawn sawi a, lawmthu sawina tur awmin ka hria. Engineer Cell te kan lo nei chho a, chhungkaw harsa tan thingiang khua mi harsa zawk te In thar sak sakte, upgradation te, PMGY leh IAY te hmang a tanpui an hna te, BADP hmanga development kai chho mek te leh hmalak zel tumna te pawh a ropui in ka hria.

Local Administration Department Sorkar huathawkte tana Loan HBA mi 2040 lak te leh Housing loan mi 400 hmena kan pek to tin, khatiang klian urban poor families hnenah mi 120 lai mai rawihna pek an ni kha ropui ka ti a. A kum leh atan pawha Urban Area Development pawh kai chhoh pui zel tur a nite kha thlamuan thlak ka ti a.

Tin, chubakah Bus terminus Zuangtui vengah te, ITI building New Capital Complex-ah te, Shopping Centre Champhaiah te, City Centre Aizawlah te, khatianga hmalakna leh Kolasth a, Shopping Complex hmalak tum mek te, tin, Khawpui hrang hranga master plan siam mek chungchang te, tikhan beautifications of the city-ah te Local Administration Department hmalakna kha ropui ka ti a, thlamuan thlak ka ti a. Lawmthu sawi tur niin ka hria a.

Tin, Public Works Department-ah hian hmalakna a rawn tarianah World Bank lama hmalakna ah te, PMGSY hmanga 884 Km. hmalaknate leh NEC a 97 Km. lai mai, hmalakna kawng hrang hrangte, Mizoram House Delhi ah Vasant Vihar hmuna sak mek a nih chungchang rawn tarian te, tin, Mizoram Legislative Assembly House Building tih changtlunna Annexe building tih changtlun chhohna lamah te leh Finance Building sak chhoh mekah te leh khatianga ang chi a rawn tarian te, Excise Commission building te, khatianga hmalak tumna leh hmalak mekah lawm thu sawi tul hcia ka hria a.

Tin, Power & Electricity Department hmi kan Power neiina tura changtlunna tur atana hmalak 32 K.V. line, hmun hrang hranga hmalakna ang chite. Tin, chumi mai bakah chuan Hydrel Project-a hmalakna hrang hranga a rawn sawi a bik takin Serlui 'B' Hydrel Project 12 MW. leh Lamsial Small Hydrel Project chungchang te, a rawn sawi lanah kha a thlamuan thlak ka hria a, Power-ah pawh kan hmianghnar chho zel dawn ni pawh a lang chho a. Ropuiin ka hria a.

Tin, Public Health Engineering-ah nasa takin Rural Aarea leh Urban Area ah hmalakna tarian a ni chhova, hlawhtlinate a rawn sawi a, kallai mek a rawn tarlante ropui ka ti a. Tin, chubakah BPL Families atana Ek m min siam sak chungchang te tarian a nih kha a ropuiin lawmthu sawi tul ka ti a.

Tin, Higher & Technical Education lamah, Technical Education Project World Bank atanga fund chungchang a rawn sawi lanah te khatianga kha Technical Education Project te, khatianga kha, a thlamuan thlak ka thalate hmakhua lo kal zel turah kan ram tan chihenfak awm tak a ni chho dawn a. Tin, School Education hmalakna hrang hrang, Hindi Teacher chungchangah te, Saiha sak mek chungchang te, tin, 2005 - 2006 a School Education earmark nuai 6536-a Elementary Education, Secondary Education leh Adult Education, leh Language Development atana ruahmante leh PMGY Scheme atanga mid-day meal

Programme school tana ruahmanna Rs.645 lakh a rawn tarlante khu mi reihci tan a thlamuan ihiak min ka iuia a. Khang te kha keini ina lawmthu kan sawina awm hliah hliah nin ka hria a.

Tin, Health Department ah nasa taka hmalakna tarlan a nih mai bakah Hospital upgrade tur khum 30 kan neihna Community Health Centre khum 100 a upgrade tur Champhai, Saiha, Serchhip leh Kolasib te ruahmanna kalmek leh Mamit leh Lawngtlai te 50 bedded capacity a kal chhohpui tumna te leh Aizawl Civil Hospital leh Cancer Hospital Aizawlah leh Nursing School leh khatiang chi kan hriatte kha a ropui ka ti a.

Tin, Food & Civil Supply-ah kum 2005-2006 fur chhunga kan intodeihna nira inbuatsainna te kha ropui ka ti a. Tin, Land Revenue Department a Cadastral Survey-ten nasa taka hma an laka Sq. Km. 1451 lai mai anlo cover tawh te kha, patta siam a harsat tehreng nen heiang ruahmanna sorkar-in a siam chhoh tarlan ani kha ropui ka ti a, la chhonzawm zel tur a nih thu te a rawn tarlang a.

Tin, Social Welfare Department-a hmalakna a rawn tarlan a bik takin hancichhiate hamthamna tur, a hma pawhin keini pawhin helaiah a Bill kan lo passed tawh te tarlan a han ni chho a.

Tin, Tourism-ah hian hei nasa takin tarlan a ni a. 12 New Project kan neih chhoh tur a rawn tarlan te kha lawmthu sawina awm hliah hliah leh ihildang te pawh hi a awmin ka hria a. Tin, Art & Culture chungchang te, Sports lamah te State Sports Complex, Aizawla din turte leh District Sports Complex Lunglei Champhai, Serchhip leh Kolasib a din tur atana hmalak mekah te hian a ropui ka ti a. Tin, kan infiam miten nasa takin National level leh International level ah te an lanna a rawn sawi te hi Pu Speaker, khang te kha kan member zahawm tak tak ten wawin niah, lawmthu sawina tur atana ka han sawite kha sawi kim sengle mah ila lawmthu sawina awm hliah hliah nia ka hriat a ni. Thlawhna tumhmun tih chungthun chungchang te khang kha kan zavain lawmthu sawi ihei iia tih kha Member zahawm tak takte ka han sawn a ni c. Ka lawm c.

S P E A K E R : Tunge han sawi leh ang ? Pu R. Lalziriana, Minute 8 ah warning aw, zialo tak a ni. A dik lutuk.

PU R. LALZIRLIANA

Pu Speaker, ka lawm e. Hei vawiin ni-ah kan Governor zahawm tak thusawi kan sawiho dawn a ni a. Tuna Motion han sawitu khan a sawi thiam khawp mai a. Ka han sawi ve duh chu thil tam tak ka sawi hmanlo mai theia, hetiang chungchangah hian. BAFFACOS chungchang a sawi hi han sawi ve hlek ka duh a. Department 14 lai helajah hian BAFFACOS zarzo tur te hi kan awm a. Chungah chuan ka han sawi duh chu Health Department ah te hian Crore 15 kum nga chhung atan pek anni a. Scheme a awm ta a. Tahchuan Kum 5 chhung atan Meeting Expenses ah an hmanral tur ringawt mai kha Nuai 56 a ni a. chutah chuan Doctor 22 leh Technician ho hlawh tur te kha Rs. Nuai 460 kan han dah phawt mai a. Tin, Sazu in mi a seh a an lo at palh a, hrileng leh Report khatiang te Report tu tan ringawt khan lawmmanah Rs. Nuai 534 kan han dah a. Hei hi Comprehensive Action Plan for Bamboo Flowering & Famine Combat Scheme ah khan a lang vek a ni. Heng te ka han ngaihtuah hian vawiin ni a Mautam tuartute tanpuina tur atan hian eng hi nge an dah aw? Kan Governor hian eng hi nge a dah aw? A sawimawi phian lehngal a.

Tin, Agriculture ah te hian Mau par va endik tur mai mai te tan khan nuai 15 lai mai kan han dah bawk si nen. Tin, Ropeway te kan han siam dawna, kan siamna tur chu pakhat siamna Cheng nuai 10 an lia. Mau kan va tawlhchhuah tur kha cheng nuai 10 in kan hralh angem aw Nuai 1 man ani angem aw! Hetiang te pawh hi helaja a sawi uar berte zing ami ani. A ropui ka ti theilo ani. Chutiang chuan, he BAFFACOS ah Cheng Vaibelchhe 566 lai kan han dah a. Hetah hian a tuartu tak tak thingtlang loneimite tan hian engzatnge awm ang le? Supply Department ah hian Vaibelchhe 1150 vel kan daha chungchu a tamber chu kudam sakna turte a Repairna turte ala ni leh ta a. A tuartu tak tak loneimi, Sazu ina a seh sak thin ate tan chuan buhfai leina tur cheng 50/80 Crore vel chu a awm mahna. Vawinniah hian he thil kan ruahmannate kan Governor ina a rawn sawi a chhuan em emate hi chhuantlakah ka ngai reng reng lova. Rethete leh miliante inkar zauh zual na mai tur a Miliante, hotute duhsak phak Contractor liante, Supplier te chantur hlir niin ka hria. A vanduaithlak hlein ka hria. Kan Governor hi hetiang hi a thusawi tam tak ania. Vawinniah hei kan sawiho dawn ania. Helajah hian thil pakhat NEC Secretary lokal tuma a thusawite kha sawichhuah lohtheih niin ka hre lova. Kan zirtirtute chu bumhmang, bumtute a tia Article pakhat kan IAS Officer pakhatin a ziahah chuan 'I call Mizoram Teachers Cheaters' ati ani an ti. Vawinnah hian kan zirtirtute hi Cheaters annih chuan helai vawiina thukhawm te leh IAS

Officer leh kan sawrkar hruaitu zawng zawng hi mi bumhmang kan ni ang. Kan rama zirchhuak vek ani. Engatinge kan Governor hian hetiang hi a sawi a.

S P E A K E R : Ngawi rawh Vawiina kan Motion hi chu nimina a thusawi kha ania. Khalajah khan i in Confine ang u.

P U R. L A L Z I R L I A N A : Pu Speaker, Chutiang chuan Mizote Mizoram-ah chumite nen mahni hmasialin an tanghma chauh an rem a. Pawisa dil hunah chuan an dil hmuh tur atan an sawi hreh hauh lo. Sawrkar Department pawhin chung an hmuh chuan an Department ah an hmang tak tak lova. An tanghma hai nan chauh ani ati ani. Vawiina helaia kan hotu thu, sawrkar hotu lute hian hei hi huat nachang in hria em ? A huatthlala tawp ani lawm ni ? All the Mizos all beggars. The poor area are poor beggars and the rich area are rich beggars a ti a. Hetiang khawpa min hmusittu, Governor hi engatinge helaiah hian kan la neih reng theiha, a zahthlak ani. Kan kohhran hruaitute, Wine duh leh heh em ema chhuahtu, Governor in nei tawh ngai em ? State dangah chutiang khawpa an State a Governor chuan ram mi leh sate mualpho taka a sawi in hre tawh ngai em ?

S P E A K E R : Khawngaih takin he House ah hi chuan nimina a sawi kha i sawi ang u.

P U R. L A L Z I R L I A N A : Pu Speaker, Politician te, heng BAFFACOS kan tih chungchangah te sawi tur Department helai ah tam tak a awm a. Tiang chuanin helaiah kan thukhawm a. Ram roreltu hian mipui thlan niin kan inzahtlang em em tur anih lain kan duhvang leh sual vang pawh nilo. Kan tum miahloh kohhran hruaitute, Sorkar hnathawkte pawhin an tuar ve tho kan chhungkaw nun dante kan fate kan duh vanga ruihtheih thil an tih nilo

zawng zawngte pawh hi hetiang hi ualau tak min sawichhuaktu chu kan Governor hi a ni. A thil tih dan hi a diktak chuan, a thusawi te hi a then chu tha tak takte a awma. Mahse, Governor nun dana a nun loh avangin a nun dan zawk hi kan sawi ve loh theih lohna lai a awm a ni. Te lua awm lovin Lengpui Airport-ah Peon-te a khing a, an in hau kual vela, khatiang kha kan state hotu ber a ni a. Tih puini ten hnam hla kan sa a, kan ding khawng ut a. Khatiang lai kha rawn hmu ta se, kan Governor hi khatiang Peon-te khan min nuhzat sak hle mai dawn a. Hei hi na kan ti a, a thlavang pawh hi hauh a ngai ve zawk hi, chutiang ang ti tur chu a ni lo a ni. Constitutional Head a ni a, nungchang tha takin zahawm takin, polite takin hmun tinrengah kal lovin a duh tinreng ang pawh sawi lovin Department tinrengah lam lovin, hengte hi a ni tur a ni dawn lawm ni.

Pu Speaker, thil chhan dang tam tak a awm lo, Governor lakluh niah khan kan House Leader khan engnge a sawi kha, "kan Governor tur hi a fingin a fel em em a, State Chief Minister-ah ka ai awl tur hian ka duh takzet a ni. Mahse, Governor tura ruat a ni si a, ani Chief Minister ni sela, kei hi Governor ni zawk ila. Mahse, nihna a inthleng theih si lohva. Chuvangin, kan State ah hian zalon taka hna a thawh hi kan rcmti a ni" a ti a ni. Khatih avang khan vawiinah helaia hotu zawng pawh hi hmusit takin kan Sorkar hi a en thin che u a nih hi Governor chuan a tih tur a ti zawk tur a ni. Kan sorkar hnathawk pakhat chu vanduaia avangin, a nupui a sun a. Tiang chuan, a hmingte lam meuhin Constitution-in thah tur tiin remtihna min pe sela chu he mihring hi ka thah hmasak ber tur a ni, ati nia maw le. Chutiang hnuaiah chuan under-14 inkhelhna ah pakhat kha Chairman a ni a, pakhat kha khualian a ni leh a. Khatiang Governor kha tunge zah ta ang le. A ropui lo ti rawh u. A chungchang pawh hi sawi tur pawh kan nilo, ka hria. A nundan tur pawh hi, sawi tur ka ni lo. Mahse, Governor nundan tur anga a nun loh avangin, vawiinnia kan thusawi atang hi chuan fimkhur ve tawh rawh se, ka ti a ni. Pu Speaker, ka lawm e.

PU SAIKAPTHIANGA

: Pu Sspeaker, hun min pek avangin ka lawm e. Hei vawiinniah kan Governor Address kan sawiho dawn a. Nimin lama thil kal tawh avangin tlem ka hma a mi sawi ang deuh kha hreh tak chungin han sawi ve ka duh a, a tulin ka hria a.

...63/-

Governor hi engemaw zat kan nei tawh a, U.T. kan nih laiin engemaw zat L.G. kan nei tawh bawh a. Mizote tlawmngaihna leh kan ngaihthuahna hrim hrim atangin State-a kan Constitutional Head- te cheksawih zawng emaw House-a an thusawi boycott emaw te hi kan hrch hlc a. Mahse, chu kan thil hrch tak chu tih loh theih lohin Mizo Mipui tena bial tin atanga an thlanchhuah aiawh, Sorkar Mizo mipuite Sorkar humhalhna atan kan Governor thusawi kha kan han boycott ta a ni a, a chhan kha nimin lamah kan Opposition Leader in chanchinbu thenkhat rawn ngaihven tute leh information la khawm tu thenkhat hnenah tawite in a sawi a. Vawiinniah hian khalai kha sawi tam tehchiam pawh ka tum lova amaherawhchu vawiin a ka rawt duh chu hetiang tak mai a Mizo pumpui mai min tham lova min chil veltu Governor hi 'haw rawh se' tih hi he House zahawm tak hian pass ila tichuan Mizo mipuite thlavang hi Mizo mipui aiawh kal khawm hian kan hauh ngam ani tih hi India ram pumpui hian hria sela tha in ka hria. Chu chu nakin zela kan kalna tur atan pawh thil pawimawh tak anih ka ring ani.

Keini Congress party bik hi chuan a lo kal dawn a a chanchin National Paper kan chhiar atang khan kan Governor atan hian a tha miah lovang tih hi kan hre nghal a. Kan lawm vaklo ani, Amaherawhchu kan rin a in tunah hian a lo thalo leh zual ta a. Governor function chu kan hria a India Danpuiah Chiang takin a ziak a. Vawiinniah hian Governor function angin a function loh avangin keini Member te pawh in kan tih tur nilo kan va ti ta lek lek mai hi a pawh khawp mai a. He Governor hi Mizorama hnam hrang hrang awm hnam tenau zawk te, hnam tam zawkte inpumkhatna atan hian hna a thawklo phawt ani. Hnam tenau zawk fuihpawh a.

S P E A K E R Ngawi rawh, khawngailin nimin ah khan 'Walk out' kha inti tawh a. In 'Walk out' chhan Opposition Leader zahawm takin a sawi lai pawh khan Chair atang khan kan ti buai lova. Amaherawhchu kan rules hian a sawi chian ve em em a chu 310 ah khan "A member while speaking shall not a tia 1, 2, 3, 4, 5 ah hian reflect upon the conduct of persons in high authority, unless the discussion is based on a substantiate motion drawn in proper term" tih hi a in ziak kiau a, a sadai kha in thiah thui lutuk kha chuan a diklo ange. A hawlh zual lai kha in han tai zauh anih chuan thudang nisela. Amaherawhchu neihloh kha a dik ang a.

PU SAIKAPTHIANGA : Pu Speaker, kan en ve a, a zahawm khawp mai kan dan kha. Amaherawh-chu kan dan pawh zah hlei theilo khawpa min tih avangin kan han ti ve a ni a. A tawh kan tih chuan, kei tawh ka ti mai a, a tha tawh tawh a kan ngaih chuan. Amaherawhchu kan kal zelna tur atan hian tiang hi chu thalo in ka hria a. Dan humhim tu tur Constitutional crisis te a awm a dan humhim tutur ani a. Tunah hi chuan dan siam chawp te hi a sam lutuk a. Chakma District Council form dawn a dan an siam chawp te kha Chakma District Council a C.E.M. thlan tur Chairman thlan tur kha nikhat in an pawh hlat tir, khami chhung khan dan puitling kha a siam mai ani. Chuvang chuan dan humhim tu tur chet dan zia kha ani lova.

Tin, kan Kristianna nasa taka min palzut te hi kei na ka ti a, chawlhni a a zin lui talh thin te. Engngemaw zin phai rama zinte, kal dawn te a pawimawh chuan thlawhna te alo ngai a. thlawhna thlawh remchanga an zin lo haw te an kal te hi chu Zoram mipui te hian kan ngaihiam ani. Amaherawhchu Programme chawlhni ani tih hre renga a siam chawp a Zokhaw lama an kal hi inkhawm te leh kan Pathian biak te pawh tibuai duh khawp ang chi hi chu he House hian dimvakloh hi kan ram leh hnam tan nakin zela kan kal na atan a tha ang tih kan ring a. Nichina kan sawi hmasak ang khan kan rama hnam tlem zawk te, hnam hnam tenau zawk te leh a hnam lian leh tam zawk te tunhma a kan thawh ho na thin zawng zawng tihchhiat tumtu anih avang hian a pawh ka ti leh zual a.

Keini hi hnam hnufual, hnam tlem zawkte bialtu aiawh thintu kan ni a henga a hnathawh dante hi a hnenah pawh hian ka zia k tawh ani. Khawthlang a fana a thil tih hlawhtling reng reng lo Corruption nasa tak inphum zui te pawh chu a hnenah hian ka zia k tawh ani. Tha i duh tak tak anih chuan heng i kala i thiltih buhfai quintal 100 i pek ringawt khulala hruaitu thenkhat in quintal 20 chauh mipui ah an sem a, a dang zawng an hralh ruk te hi action i la dawnlo emni tihte pawh in ka zia k ani. Mahse, chutiang ah chuan thil tha a duh thuantlinglo em ni tih turin engmah kha a awmlo a. Party anga min beihna hi chu nasa tak a ni a. Buhfai 100 quintals-a pe ringawt a, Congress member reng reng chuan a dawn ve theih loh te a ti a. Chu chu Governor tih chi a ni lo hrim hrim ani. Chuvang chuan Pu Speaker, i zahawm hle na a, ani pawh a dinhmun chu a zahawm hle na a vawiin niah hian kan sawichhuak a ni. Hei hi Mizo mipui zawng zawng hian hria se pawh ka duh a. Ruling lama kan hotute pawh hian kan

ngaihtuahna kan hman atan kan sawichhuak ani. A sawitu lamah innghat lo ilar, Sawrkar kutchhuak, Sawrkarina fel taka inruahman a ni a, amaziah chu nise hetiang ang tawngkam mawi leh thil tha pawhhi a rawn phuhchhuah ka ring mang lova, hmuntina a chezia en hian.

Chulam chu duh tawk tawh ilar Pu Speaker, Point 21-na Education chungchang ah hian tlem han luh ka duha. Hei kan Education hi, Sawrkar hian a tihngaihna kan hre ta vak lo em ni? Kan tlawnggai pawlte hi an thu ta miao mai a, Single teacher chungachte kawng engkim maiah hian nita awm bera ka hriata chu kan zirna kalphung pangngai ngaihthah hian S.S.A. kan tih, Sarva Siksha Abhiyan kan tih Pawisa awmna lai ringawt maiah hian kan buai ta a, a tul lem lo hi pawisa siamna-ah hian kan hmang nasa em em mai a. Central guideline chu a awm a ni, Central guideline chu a awm a ni, Central guidelines-ah hian a hrulah mipuitena an hman tangkai tura hman theihna tur atan he S.S.A. sum tam tak Central-ina min rawn pek hi hman hram dan a awm lawm ni, tih hi ka rawt duha, Sum hi zirna atana hmasawna tur ni silovah hian a liam nasa em em a ni tih hi S.S.A. hnuaiah hianin ka sawi duh a.

Tin, ka hma a member zahawm takina a sawi tak BAFFACOS kha beisei takin kan lo thlar a. Mautam hi Mizoramah thil pawimawh tak Mizoram tan a ni a, chhinchhiah tlak pawh a ni a, kan tawrhna te, Mautam avanga a nasat thin ziate kan hria a, BAFFACOS hnuaiah kum 5 atana heti zat Central-in pawisa min rawn pe tur kan han hriat kha a thlamuan thlak kan ti a. Mahse vawiinnia kan tih tum dan hi chu tuna pawisa kan hmanna ten kan ruahmanna zawng zawng a bu hi keng thla ilar, Planning Commission-ah emaw Central Sawrkar ah emaw thuneitute nen uluk takin zu ti ti ilar chu min tihtawp sak duh hial ka ring. Chuvang chuan hei hi chu en that leh ngei ngei a ngai.

Kan Chief Minister zahawm tak hian Officer-te a ring tur a ni a, kan Chief Secretary-te pawh kan ring tur a ni a, kan Department Head-te pawh kan ring tur a ni a. Mahse a hming atanga zu en nena intulo lutuk, Mautam leh tam loh, Mau par va enna tur atana pawisa han dah nghck ang chi, khatiang kha a tam cm cm mai ani. Hei hi kan Sawrkar hian in en tha lo ngat a nih chuan keini Opposition-hovin hemi hi keng thlain Planning Commission-ah Prime Minister hnenah chutiang ang pawh chuan zu tihpui ilar Pu Speaker thil tvisual kan ni hauh lo ang tih hi ka ring a ni. Tin, vawiinniah hian kan Mau sawisak dante hi a dik ber em aw iih ka ngaihtuah a, Mautam hian

chhan fel tak a nei a kan ram da tawhte, kan ram ro lutuk tawh te siam that lehna tur atan Mizovin a vur kuni an tih hi Mautam tawih atangin ram a siam tha leh a, chu chuan engkim mai kha a rawn tihlawk a, tichuan vawin nia kan tih dana hi chu hmun tam takah hian Mautam tur kan nei dawn lo. Amaherawhchu hmun thenkhata a tam avangin funhmaa kan tawrhin tih kan chu a awm dawn tho. Chuvang chuan kan mautam hi a puihin kan tur anga, hlawkpua hi chu mi tlem te kan ni dawn a ni. Chuvang chuan vawin niah hian kan mautam do dan leh kan Mautam tur hmachhawn dana hi a fello em em a, hei hi en that a ngai nasa in ka hria a, Pu Speaker, chumi bakah chuan pawisa tam tak kan hman tur hi en that leh ngei ngei a ngaiin ka hria. A chhan chu vawin niah hian, Pu Speaker, pakhat chauh vawin nia kan pawisa hmanna tur kan siam tam ber hi chu Mau hi tam sela, Zokhuua kan buh hi Sazu-in seh fai vek mahse a tuar ve lo tu turte hian an benefit nasa em em dawn. Vawin niah hian Sazu-in a seh tuar ve reng reng loten he BAFFACOS sum hi an hmang nasa lutuk dawn a ni.

Chuvang chuan Central sawrkar kan zu dil a, Central Sawrkarin min pek chhanah hian he pawisa hi a kal dawn lo a ni. Chuvang chuan en that leh ngei nise tih kha kan Sawrkar zahawin tak hi kan ngan duh a, kan ti lo dawn anih pawhin kan Governor hi chu haw sela kan tih hi House-ah hian pass ngei ka duh a, Congress hi chuan kal sela kan ti ngar ngar a, amaherawhchu kan hotuten Governor pali an han sawn a, chu chu BJP-in an khin avangin kan la sawn theilo chauh a ni, kal se tih hi kan nawr ngar ngar reng a ni. Ka lawm e.

SPEAKER : Pu Hiato i lo sawm ang.

PU S. HIATO : Pu Speaker, ka lawm e, ka sawi thin a, ninawmah min laksak lo ula, Governor hi keini chhinlana awm District Council neitute hi chuan tupawh sorkar se inkhinna a awm thin a, dissolved te kan tawk tawh thin a, chuvangin special power hi Governor pe ila tiin kan dil a ni. 6th Schedule Amendment pawh alo chhuak a, India ram aiawhin, India President aiawhin a thu dawn a, a thut chuan minority te harsatna alo thlen chuan minority chhanchhuah a ngaih hunah min chhanchhuak dawn

tiin khami provision kha siam a ni. Mahse, tunah chuan a letling hlauhin a hmang ta a, min vawphern vek a, ding theilo turin min siam a ni. Chu chu pakhatnaah hreawm kan tihna lai a ni. Governor Speech-ah pawh hian My Government is fully aware of its constitutional responsibilities towards the people residing in the autonomous district a ti lehngal a, a responsible em em si engatinge a chhe zawng hlir hian a responsible mai tih hi ka point out duh a ni. District Council chuan anmahniin Dan an in siam tur a ni a ti a, a hmasa ber chauh Governor in a siam tur a ni tih a ni. Mahse, kan dan zawng zawng hi Governor in min siam sak vek a ni. Kan duh anga District Council in passed hmasa lovin ama duh ang ang in a ti a, a loh theihlohin hman a ngai mai a ni. Constitution hi a violate em em avangin sawi ka duh a ni. Tin, hlawh chungchanga, kan Chief Minister zahawm tak Finance changtu pawhin pawisa renchem taka hmang turin District Council te min duh sak a ni. Circular pawimawh tak tak an chhuah a ni, sorkar hna hi lakloh nise tih hi an chhuah a, Mizoram pumpui pawh a huap a, mahse a order an chhuah khan awmzia a nei lo reng reng a, an order chhuah hnuah mi 400 chuang an la tawh a, Governor huenah pawh kei ngei pawh ka kal a, enquiry pawh an la a, enquiry officer pawh kha pawisa a tham niin kan hria a ni. Chumi avang chuan tunah hian Plan sum zawng zawng Non-plan chenin hlawha a kal fai ta vek a. Mipui hncna kal tur hi nuai 100 pawh a tling tawh em aw !!! leiba pawh tam tak an la nei leh ngal a, kan District Council enkawitu lu ber Governor in hetanga min enkawl anih si chuan, a venhima te, sorkar a siam tir te chu an huangtau ta a ni, mipui in kan tuar tlawk tlawk hi chu pawl kan ti a. Kan Chief Minister te leh kan vai hian min hriatpui teh u, chhanchhuah kan ngai tawh a ni.

Tin, inthlan hi kum 5 danah kan nei thin a. Kum 2005, February 15 ah Council Term hi a tawp dawn tih kan hre vek a ni. 1953 atangin vawi khat mah Election hi postpone ala awm ngailo, a hun dik takah kan inthlang thin a ni. Tun chiah hi an postpone a ni, kan Governor hmang hian engatinge 15th February-ah a tawp dawn tih an hre reng si. An chhuanlamaah chuan Constituency pathum kan pek belh vang che u a ni an ti. Engatinge min pek belh hi election tibuai lova an siam mai loh an siam duh silova. Tunah hian thla 3 min postpone sak a, 12th April-ah inthlang tur kan ni a, chu pawh chu ni 19 ah an postpone sak leh a, chutichuan kcini chu min suasam a ni. Hreawm kan ti khawp mai. Tin, Delimitation of Constituency-ah 3 min pek belha Member tur political party zawng zawng min ruat a kan DC Chairman a ni a, kan danah chuan delimitation of constituency member ho recommendation chiah pawm tur a ni tin mahse kan DC in March 11th ah a kova, an hun hi 29th December atanga 29th January chhung a ni tur a ni. Chumi chhung chuan an thehlut hman tur a ni tih a ni.

Mahse DC khan January ni 11 - ah meeting a ko a, engmah meeting Resolution awm lo, memorandum pawh awm lovin a ti tawp a ni 21 ah a ko leh a, chutiang bawkin a ti tawp leh a, chutah chuan, an hming sign tir turin member zawng zawng kha ni 25/1 ah a ko khawm a, mahse amian duh dun a phuah chawp constituency anih avangin pakhatmah an sign duh tawh lo a ni. DC-in tih ngaihna a hriat loh vang nge MDF hotute kha Aizawl lamah an ko phei, kan hotuten an sign duhlo ta thova, an fawn let leh hnu pawhin an sign duh lo a ni. Mahse, eng- vangir nge ka hrethiam lova, tahrik ni 3 February ah Thako pa Saiha pachallang a thih lain back date in ni 26, Republic day niah ang khan an sign tir ta a ni. Kan Pu Thawla zahawm tak pawh hi ni 26-ah chuan Chakhangah a riah lai a ni a. Mahse, ni 3-ah ni 26 a back date in an sign a ni. Kohbran upa chuan dik takin zawt ila, dawt a sawi ka sawi keipawh ni 5/2 ah Tuipangah min hrilh a ni. D.C. in Member Pu Chan, chhuaka, Z.N.P. a inah te a ko a. Sign tir turin a thlema, a then chu a sign tir ngeia. MNF Divisional President a kal kual tir a. Chutiang em em Constitutional hetiang em ema pal zuta keini min hmuhsit hi na kan ti a, kawng pawh kan zawha, NGO te pawhin Picketing te an bei anih kha. Chutiang khawpa bei kan nih avangin dik chiahin he sorkar hi engemaw chenah chuan min duattu an nihna lai pawh a awm. Lawmthu sawi tur pawh tamtak kan neihna lai pawh a awm ang. Mahse kan Constitutional rights tal hi chu engahnge min zah sak loh le ? Governor pawhin hei hi chu a hre reng ang, engatinge min zah sak loh le ? Chuvangin keini ehim lamah chuan Governor a rawn zin dawn an tih hi chuan an khur an khur tawh a ni. A lawm pakhat mah an awm lo District Council pawh in an huphurh tawh, a hnena kal apiang chu alo hriat nei si, thudik asewi theih bawh siloh, hetiang hi kan dinhmun ani.

Niminah pawh Kei chhuahah khan chhuak hmasa ber pawh turah khan ka inngai zawka, ka thin hi a na ve tawh ka mimal pawhin chuvang chuan, Pu Speaker, nang pawh dan ngaisangtu i ni a, kan vaiin dan ngaisangtu kan ni a, ka sawi zawng zawng ni Delimitation chungchangah khan ni 29 October ah kan C.E.M. zahawm takin seat tapup loh nise, a pun chuan hlawh tamtak a pung ang, Pension tamtak a pung anga tiin lehkha an rawn thehlut a, ni 11 ah ni 11 ah hian MDF MDC pariatin an rawn thehlut leh a, ni 11, thla 11 ah bawh Congress MDC 7 leh Pu Hiphci-an an rawn thehlut a. An duhloh zawng zawng an ziah tawh hnuah hian engemaw tiin ... an rawn tipung lui leh a ni a. Financial Constrain te pawh hi min ngaihtuah pui loin kan hria. Political Party dikna ringawt hi in ngaihtuah nge ka hrelova, hei hi chu a pawh tak tak a, he buaina hi a kal zel dawn avangin khawngaih takin Pu Speaker, nangmah hmang pawh hianin min interfere sak ngei ngei turin ka ngen che a ni, ka lawm e.

S P E A K E R

Pu Andrew Lalherliana.

PU ANDREW LALHERLIANA

Pu Speaker, ka lawm e. nimin a Governor thusawi hemi kan House zahawm tak a Address-chungchang thu a Motion of

Thanks sawi turin hun tha ka nei a, ka lawm hle a, lawmthu kan sawi hmasa duh a. A rawn move-tu kan member zahawm tak hi a zahawm hle mai a. Motion of thanks hi sawisel lova thlawp mai pawh a chakawm hle a ni. Amaherawhchu, thusawi han en hian lawmthu han sawina mai tur a ni em aw tih ngaihdan ka nei a. Hemi ka sawina kawngah hian lawmlo a. Engmah a thusawi a hi lawm tlak loh a ni e, ka tihna ni lovin, thil tha tam tak sawi a nei a, a chhungah hian amaherawchu, chutihrualin hemi a sawi chhung ami hi han Point-out duh ka nei nual a. Pakhatna ah chuan hei 'Organic Farming' chungchang thu hi No-6-na ah khan a sawi a ni. My Government has already declared Mizoram as an Organic Farming State a ti a. Chumi chu kan ngaihtuaha helaia Unstarred question zawhna vawun-ni a kan hmuh 13-na kan Minister zahawm tak Pu H. Rammawi-an a chhanna nen hian kan enkawp hian Organic Farming hi a hranpa a ke sawisel ni lovin Mizoram pumpui Organic Farming State-a han declared-a tin chubakah helar Sorkar thil tum dan han en hian hei hi ka approved vaklo a ni.

Governor khan lawm takin Organic Farming State-a puan a sawi a. Chumi a bawhzui nan chuan Minister zahawm takin zawhna a chhanna ah hian Mizoram Sorkar-in dan meuh siana Organic Farming tihhlawhtlin a tum tak hnu hian Chemical Fertilizer leh Chemical Pesticide leh Chemical hrang hrang manure.... te hi Sorkar hian a la lei zel tho em a tihna ah khan lei chhonzawm tawh lo tiin a chhang a ni. A thlang lehah khan Organic Farm atanga tharchhuah tih tunge sawi thei tur Certificate pe thei a ti a. Ngawi rawh kan chhian zawk ange, a bul atang hian, - A la la zel tho anih chuan kan ram atanga thlai tharchhuah Organic Farming atanga... tharchhuah min ngaithiam lawk ula, engpawh nise, Certified chungchang thu hi a ni, a thlang ami zawk hi a ni. He Organic Farming bawhzuina ah hian Sorkar nlo mumal in Chemical Fertilizer leh kawng hrang hrang a thlai enkawlina a mamawh Chemical hi an lak luh lohna turin engtinngan kan Sorkar hian hma a lak mek tih hi a ni. A chhanna ah chuan 'lakluh khuahkhirhna ah Sorkar-in hma a la mek' tiin a chhang a ni. Organic Farming kalpuina kawngah hian hmun engemaw zatah te bul tana hmalak hi chu tha ka ti a ni.

...70/-

Amaherawhchu Mizoram pumpui hi Organic State a kan puan ruala Organic fertilizer nilo chu kan khuahkhirh tlat dawn a. Chemical fertilizer te hi kan khuahkhirh tlat dawn a, Mizoroma lakluh kan khap dawn a nih chuan ngaihtuah tham a awm a ni. Hei Champhai ah Wet-rice Cultivation nasa tak ti tute N.Vanlaiphaiiah te, hmun hrang hrang ah hetiang kan buhchinna hmun pui hi a awm a ni. Heng hian an mamawh ngawih ngawih a ni, Chemical fertilizer heng lonetute hman tur te leh zel hi kan khap sak a nih chuan thil pawitak tur a ni a. Chemical fertilizer tello hian a tih tak tak theihloh. Large scale farming hi chuvang chuan lehlam pangah Organic farming hi hmun thenkhat atan a bikin ruat sela Sorkar-in chungah chuan fel takin kalpui selangin.

Tin, organic farming an tihna hmun ah te chuan Chemical fertilizer hi phallo pawh nise a awm a ni. Amaherawhchu hetiang hmun tina kan khap dawn a nih chuan a buaithlak hle ang. Hmanni lawkah ka bial Khawzawlah chuan nasa lutukin Pangang a pung a ni. Khami thahna tur khan mangang em emin Chemical Pesticide an mamawh thu an rawn thlen a. Loh theih lohvin kan Agriculture Department pawhin Chemical Pesticide kha nasa takin a lei a, an thawn chho tih pawh kan hria, thil tha tak ani. Chuvangin a pawng apuia Organic farming a kan declare vanga Chemical thil rong reng mai inhuat tir leh in duhloh tir anga Mizoram kan kal hi chu intodelhna kawng ah hma kan la thei lovang tih a chiangin ka hria. Chuvang chuan Governor sawi hi tha ka tilo a ni.

Tin, Animal Husbandry & Veterinary Department ah hian han lut leh ta ila. No. 11-na a kan Governor thusawiah hian lut leh ta ila. "Animal feed plan at Tanhril has manufactured during the last year 456 quintals of animal feed from locally Procured Agricultural Crops and they have been sold to the local farmers at a reasonable rate" a ti a. A dawt leh ah hian "under Development of sustainable Base for Pig Production the Department of Animal Husbandry and Veterinary has established Piggery Villages at Kawkulh, Sairang and Pukpui" a ti a. Hei hi chhuang takin a sawi a ni. Hemi ah hianin ka sawi hmasak ber duh chu Animal feed plan Tanhril ah hian nikum pumpuia, quintal 456 chauh mai Animal feed an siam hi lawmawm ka ti lo. A chhan chu a plan capacity hi han en ta ila, nikhatah pawh metric ton 50 siam chhuak thei kumkhatah phei chuan a tam dan tur chu hriat a ni. Nikhata tone 50 hi quintal 500 tih a ni, a nikhatah siam chhuah theih zat pawh nilo kumkhat chhungin a siam chhuak e tih hi lawm taka a rawn sawi hi a lehlamah chuan inkhualtelemna a ang lek lek a niin ka hria. Tin, helaiah hian he Animal feed plan hi a

Project cost pumpui hi vaibelchhe 7 leh nuai 25 a ni a. Vaibelchhe 7 leh nuai 25 hmanna tur leh eizawna tur tak taka thil tling tur kalpuina tur hi a nihna takah chuan he kan Governor zahawm tak sorkar hian inkhualtelemna angah lek a chhuah a ni. Khami avang khan plan sorkar state pui meuh in a plan kan siam tawhte hi chu a nihna ang taka mipui tana hlawk hi chu kalpui thei se chuan a lawmawm hle ang. Chuvang chuan helaiah hian duh tawklahna avanga sawi ka ui a. A capacity diktak angin thei ang tawkin chak takin hma la se chuan a lawmawm hle ang. Chuvangin hei hi a pawng a puia sawiselna nilovin duhthawhna in a capacity dik tak angin, a thawhtheihna turin he feed plant atana thlai chin turte pawh hi thingtlang kan lo nei mi te chin tir a. Tin, chungmi te hnen atanga man man zawkin an thar chhuah te leisak seng chuan he animal feed plan hi kan ram tan thil chhentakawm tak a ni dawn a ni. Tin, A & H Vety ina Piggery Village a siam te, Kawkulh ami te Pukpui ami te a rawn tih lanna hi kan hmuh danah chuan a plan hi a tirah lawmawm takin lang mah sela, a tawpah hian a chhuah dan hi a tha lo hle a ni. Entirnan sawi ta ila an pawisa sen zawng zawng kha vaibelchhe 6 leh nuai engemaw zat a hi, vaibelchhe 7 a tling dawn a ni, an hmanah hian tunah hian chhungkaw 60 chuang Kawkulh I & II ah pawh hian dah a ni, Pukpui a pawh chutiang zat vel bawk dah tur chu a ni. Heng mite hian vawkvulh eizawngna tlinga an siamna tura sorkarina ruahman sak a ni. Contractor te hnathawh tur an siam vak vak a contractor chu an hlawk a ni.

Amaherawhchu, vawkvulh tur te an lak hian a lehlamah chuan lakluh atangin eizawna puitling a nih lo s tur zia a lang a ni. A lehlam zawng chuan thil tha tak anga lang si hi a tawpah thil chhe taka a chhuak dawn niin a lang. Pukpuiah chuan chhungkaw 1 zelin vawkte 1 an pe a ni. Plan vaibelchhe 6 chuang sensona ah Mizoramina vawkvulh a kan intodelhna tura hmalakna siah hian engatinge chhungkhatah vawkvulh pakhat te te chauh mai an sem le, han puitling tehreng mahselangin chhungkaw 1 tan hian ei tling a ni lo hrim hrim. Chu pawh an la dawng kim lo m leh nghal an ti a ni. Chuvangin kan Governor-in chhuang taka hetia Piggery Village te a han sawi pawh hi duhthawhna in hetiang mai a, inkhual telem ang mai a chhuah lovin a tak tak hmalak nan hian nei hram ila a tha in ka hria a.

Tin Handloom & Handicraft Promote-
na tur chungchang thu a rawn sawi a, point 14-na ah khan amaherawhchu tun tum Chapchar Kut ah khan khatiang ang lampanga hma la tute Hnam chhantutena an hmalakna a va en chuan khati khawp a, nasa khan a va sawichhia in Mizoram a hmusit hial tih khawpin a va thawng leh si.

Chuvangin Handloom & Handicraft develop duh tak anga helai ah a Speech a sawi lai hian chutiang develop duh tak tute lnena a thusawi an ni pawhin an huat em em phah na tur a va sawi kha a lehlamah chuan a pawl hle in ka hria, Governor zahawm tak Constitutional head tana sawi awmlah khawp a sawi a ni, a pawl khawp mai. Chuvangin Handloom & Handicraft develop duh ang hle a insawi pawl nisclangin a kalpui dan leh a hmalak dan te chung mite laka a tawngkam chhuak han en chuan a rilru leh a thil sawi hi a inmil lo hle niin alanga. Chuvang chuanin pawl ka ti a ni, hun a tawp tawh bawk a, Pu Speaker, kan conclude tawh mai anga, helai a vote of thanks kan move hian a lawmawm na lai tak lam tak a awm rualin duh thawhna atangin kan sorkar hian Mizoram mipuite tana hma a lakna ah hmasawmna tur tam tak a awm a ni tih hre chungin he kan vote of thanks hi kan sawi a ni tih kha lo hria ila a tha ang, ka lawm e.

S P E A K E R

 : Kan chawhma hun a zova, chhun chawlh hun kan hmang anga, chawhnu dar 2-ah kan thukhawm leh dawn nia.

...73/-

2:00 PM

- 73 -

SPEAKER

Pu Sailothanga Sailo hi ka hmaah a thu ani, ka hmu hmasa ber flat mai, Pu Sailothanga Sailo.

PU SAILOTHANGA SAILO

Pu Speaker, ka lawm e. Hei vawiin kan Governor zabawm tak thusawi lawmthu sawitur tihthe ani a, lawmthu kan sawi rual rualin lawmluh thu te pawh sawi ngaiin ka ring a. Engpawhnise, hei Budget full budget pharh theia kan awm hi lawmawm ka ti a, tichuan kan Governor in a sawi ang khan 1959 ah Mizoramah tam nasa tak alo tla a, mipui riltam leh retheiin kan awm a. Khatiang thil kha ka sorkarah chuan a thleng tawh lovang tih thlamuanna tawngkam mawi tak kan ngaithla tawh a. Mahse, mithiam ten an sawi danin kum 2007 ah Mautam tur, mau tam lo thleng turah hian amah hi, amah ber hi a awm tawh dawn siloh avang hian engtingge niang ka ti deuh a, tin, chulo rengah he kan budget session kan sawi hi Zoram dung leh vangah mipui a te ber atanga a lian ber thlengin all sections of the people tia sawi angin kan chhawr tur leh kan chhawr makmawh tur ani bawh a, thlamuanthlak ka ti a, mahse a implement tur takah chuan Mizoram Sorkar kan nih miau avangin hlauhthawna erawhchu ka nei deuh a. Tichuan Pu Speaker, kan sawi mai duh chu PWD hi tlem han luh lawk ka duh a. Hei khumi ka bial chhung Serkhan - Bagha, sorkarin NEC atangin cheng nuai sangkhat leh zakua leh pariat kawng km. 197 laihna turin pawisa a hmu a, hengte hi ka bial Serkhan - Bagha atan te hian dil nise tih ka lo ngaihtuah thin a. Keima rilruah chuan Serkhan to Bagha kawng hi National Highway ah emaw World Bank ah emaw engngemawti taka proposal thehluh ka lo rilruk thin a NEC ah, hengte pawh hi a rawn tel veloh takah hian rilru a ti na deuh a.

Tin, kan sawi leh duh chu tun kan Budget pharh turah hian NGO hi enge a tel dan tur leh tur loh ka hre lova, NGO hi Mizoram Sorkar chenin kan ke pawimawh ber te zinga mi an ni tawh a. Tunah phei chuan Mizorama pawl lianber YMA in Ruihhlo do kumah a puang nghe nghe a chu chu NGO hrang hrang leh a Party angte pawhin a Sorkar ang te pawhin Cent percent in kan thlawp ani a. Chhun zan zawmin an thawk a duty tur te an in siam a. Chutih laiin tun

...74/-

hma atanga vawin ni thlengin kan budget-ah hian NGO tana engmah lawinman honorarium emaw han lang hi a awm ngai reng reng lo mai a, hei tun tumah chuan kan Governor speech emaw kan budget pharh turah emaw hi chuan kalo beisei deuh a, enggemaw tal langve turin, mahse hei a lang leh lova, Vanduaithlak kati khawp mai a, tikhawp hian kan NGO te kan tihah a. Kan ram timawitu leh timawi lotu an nihna laiah chhun zan zawmin kan ram chhiat leh thatah mawh an phur a, min venpui a nih laiah hian tun chinah chuan Sorkar hian Session kan neih hunah techuan engemaw NGO tan hian head engemaw tlem tal provision tlem tal te hi chu dah thin tawh nise a lawmawm khawpin ka ring a.

Tin, ka sawi leh duh chu Fisheries Department kan Governor-in a rawn sawi kha a ngaihnamw viau a. 357 lakhs, a sang tel mai pawh nilo sangha kan lo sem tawh a. India Major Carp leh Common Carp. 357 lakhs, sangha note kan sem tawh laiin wawiinni ah chuan sangha hi kan la intodelh lo hle a ni. Bazar kan kal chuan engemaw changin tuikhuah sangha kan hmu zeuh zeuh a. Kg. ah Rs.100/90 ten kan lei thei a. mahse kha kha engemaw chang chauh a ni a. A tam ber erawh chu phai ram atanga lo kal 90 % vel hi a nih hmel a. Tichuan engatinge nuai 357 sangha note sem tawh si a ti khawp maia kan la intodelh loh. Chu pawh chu 100 % subsidy-a pek a ni leh nghal nen. A fello deuh awm mange aw ka ti a. Chuan han kal deuh zung zung ila.

Hemi Vety chungchang hi tlem han sawi leh ka duh a. Kan Governor's Speech-ah khan a sawi tha viau a. Mahse a practical tak chuan a practical lo hlein ka hria a. Hei Piggery Village Kawlkulh ah khian a awm a. A thu chuan a tha khawp mai a. 100 % funding a ni a. Nuai 321 an hmuh atanga din a ni a. Khilai khi ka kal thin a. Ka en uluk viau thin a, kan haw lam hian. Mahse a hmuna han kal a han en khi chuan beisei tur a awm lo khawp mai a. 100 % funding kan pek te, pawisa tam tak kan sen si thinah hian engatinge engmah vawin thlenga production reng reng mai hi kan neih theihloh. Sorkar kan in enfiah deuh a ngai em ? te ka ti a. A lan dan chuan sangha leh Vety Department sa lamah pawh hian intodelh tawh tur chu kan ni a. Kan intodelh em lo anih pawhin 50 % emaw 60 % emaw tal hi chuan kan mamawh hi phuhruk tawh tura a lan laiin engmah beisci tur a la awm lo hi a lungchhiat thlak khawpin ka hria a.

Tin, Excise hi 2004-2005 chhungin mi 2675 thil tisualtute an man laiin, drugs zuartute 1185 man angin record a ni a. Hei pawh hi ka sawi ang khan NGO vang vek a ni. Sorkar in a

man tak hi chu 20% vel chauh a nih ka ring. Chuvangin Pu Speaker, kan NGO te tan hian vawiinniah hian in an thlavang hauh tur kan nive in ka inring a. Heti taka kan ti hah si hi tun chinah chuan Budget Session te kan la nei leh zel dawn te anih chuan kan NGO te tan hian provision dah ve hi ka rilru zawng zawngin ka rawn ngen pui a, a tawp ber atan chuan he House hi keini ho tan chuan kan pulpit tlang a ni. Chuvangin he House ah hian eng kawng pawh sawi thei in kan ding a ni thei, kan duh zawng kan hawi zawng in sawi thei ni mah ilangin dawt muhlum lutuk emaw hi chu a ngaihawm loh thin in ka hria. Ram tana thawk ho tlangvek kan nih hria ila, a chhiat a that ah mawh kan phur tlangvek a ni. Chuvangin hei hi pulpit tlang zahawm tak angah ka ngai a. Heta tang hian in bul tan that leh hi a tha in ka ring. Sorkar lam pawn mahni in sawimawi nan ngawt hmang thin bik lose, a lehlam pawn sawisel nan ngawt hmang bik lose, kan zavai a kan thawhho theih dan ngaihtuah hi a pawimawh hle in ka hria a.

Tichuan Mautam kan er lawk lo theilo. Khawimaw lai hmun ah phei chuan mau hnah hi a eng tan tawh a ni. Chuvangin kan er em em, kan bafacos hmang in emaw sorkar chakna hmangin emaw khawi bial ah pawh mitthi a awm tur a ni lo. Mirethei ber pawhin tukthuan thlak tur emaw zanriah thlak tur emaw hi kan nghei tur a ni lo hrim hrim, induhsak bik a awm tur a ni lovang. Helai ah hian in Sorkar anga kan tan ho zel hi a pawimawh khawp in ka ring. Ka bial Kawnpui ah mirethei ber zanriah chhum tur a neihloh vanga a lo thi palh hlauh anih chuan, he sorkar hian mawh in phur ang tih ka sawi duh a ni e. Ka lawm e.

S P E A K E R : He lamah hian Pu D. Thangliana Motion Second tu kha ani bawh a. Sawm ve phawt ila, chumi zawhah Pu Zodintluanga.

PU D. THANGLIANA : Pu Speaker, Kha vawiin niah kan Governor thusawiah Motion of Thanks kan han sawiho a. Kan sawitu tantak khan hemi sawi hrim hrimah hian lawm lohna tur emaw, engngemaw nei hauh lova thu an han sawi kha a lawmawm hle in ka hria a. A Governor mimal chungchang ah erawh

chuan vawiinniah hian kan sawitur anihloh avangin kha lampang kha eiawh chu an han sawi diat diat a. Keipawhin ka'n sawi ve duh chu heti khawpa Mizoram Sorkarin Mizoram tana a hna thawh that zozaja sawi mumal lova tlem azawng chauh hemi lehkhahua a rawn tarlang hi a pawl hle zawkin ka hria a. Chuvang chuan lawmna tur hemi abu chhunga a thusawi kan Governor zahawmtakin a sawi nilovah hian Mizoram sorkar hmalakna sawi tur tamtak, lawmthu sawina tur tam tak a awmin ka hria a. Nimina kan Governor zahawmtakin thu ahan sawiah khan ka rilru-a ka lawm em em na, mi tamtakina lawmthu sawi harsa an tihna lai tur si a awm a, chu chu vawijn niah hian a lawmawm riau in keima lamah chuan ka hria a.

Han sawilan ka duh chu Taxation Department hmalakna chungchangah hian Sl. No-30 na ah khan 2004-2005 target kha Nuai 2385 ani a. Staff dinhmun pawh kan en a, an indaihlo hle a, duty na tur hmunah pawh duty indah hleitheh lova an awm mek lai hian, tun February thla chhunga an target an khumna kha nuai 644 ngawt maiin an target an han khum chho te hi a ropui hle in ka hria a, a lawmawm hle in ka hria a. Taxation Department hi tun aia changtlung zawka han thuam pawh kha sorkar tan pawh hian a va pawimawh tehlu em, tih laia kha ka rilru-ah a awm deuh va, chuvang chuan heti taka Mizoram-ina sum leh pai indaih lohna nasa tak kan neih mek laia kan Taxation Department, a changtu Minister te fel leh finvar vangte pawh a ni anga, heti tak maia an target khum theia hma an han la a, kan Governor-ina chulai rawn la chhuak a, an sawichhuak te hi a lawmawm hle in ka hria a. Lawmthu sawina ngei ngei turah kan ngai deuh a.

Tin, chulovah chuan, mi tamtakin kan sawi lemloh, Lengpui Airport chungchangah khuan Airport hi hei tunah chuan kan hmang tangkai ta viau va, a lawmawm a. Marawhchu kan duhthu ala samlo viau va. Khawchhiat vak lemloh chang pawha a tum theihloh chang hi atam hle a. Chutianga atum theihna tur atana landing system kan neihtheihna tur atana hma lak ani chho te pawh hi Mizoram tan chuan zin mi kan tam a, Sorkar ang atang pawhin mi pawimawh tak takte Delhi-ah Central sorkar hruaitute dawr tura an kal ngaih chang pawha kan landing system la neih changtiun tawh loh avanga kal theihloh awm fo thin te, sutkian anih theihna tur atana hmalak an nitc hi thil lawmawm tak niin ka hria a, hengah hian kan tih puitlin thuai theih pawh a beisei awm a, kan authority lampang te pawh dawr mek an ni a, chutianga hmalakna mumal tak Lengpui Airport a khawchhiat deuh tum pawh a, a tum theihna tur zawnga ruahmanna siam an ni chho ta te hi a lawmawm hle in ka hria a.

Tin, chuloah chuan No.28-na Sport chungchang ah hian hei kan thalai te Sport lama talent nei tha tak tak te tunhna a kan ngaihsak tawk vakloh vang ngeni engemaw vang a kan talent neih that kan chherchhuah theihloh te pawh vawiinniah chuan nasa takin Sport lamah hma a sawn a, sorkar ang pawhin nasa takin hma lak a ni a. Hei a bik taka kan sawilan duh a chu Thenzawlah sawn kcipawh hmanni khan ka va kal a, sawlaiah sawn Sport Complex lo siamin Women ho, Hmeichhe ho Hockey khelhna hmun tur te, tin, football khelhna tur hmun te lo nei in Women Hostel te an lo siam a. Chutiang a training na tha tak neihna turin Sport lamah pawh hma an lo la a. Tunhna a Jarkhan te leh a dang dang te nasa taka kan hneh lohna thinah khan hetiang tak a Sport lama hma kan sawnna tur atana kan Sorkar-in a hmalakna avanga vawiin nia Sport hrang hranga hma kan sawnna te hi a ropui a. Kan Governor zahawm tak hian a ropuina leh hma kan sawnna lai Sport lamah pawh hian a rawn sawilang tam lo zawk a. chuvang chuan heng a kan hmalakna tawite te a, a rawn tarlan maiah pawh hian thil lawmawm tak a ni a. vawiinniah chuan football-ah tepawh under 19 tih te, Mizoram in kan lo thleng ve thei ta a. Kan thalai ten nasa takin hma an sawn a. Chutiang thalai ho phurna pe tura Sorkar-in nasa taka hma an la chhova Sport Complex puitling zawk te ruahmanna an nei chho mek leh chutiang tura chak taka hma an la chho mek te hi thil lawmawm tak niin ka hria a.

Tin, chuloah chuan, Sericulture, Department tereuh te a ni a. Kan hriat dan chuan tuteni emaw khawilaiah emaw Department-in a pangngang lo khawi kual vel mai mai ah kan ngai deuh thin a. Nikumah khan family sangnga te hnenah heng panganga khawI a Sericulture lama eizawna ngialnghet an neih theihna tur atan a ruahmanna siam a ni a. Tun 2004-2005 chhungah hian chhungkaw singkhat vel ei leh bara an intodelh theihna tur atan a mirethei kut hnathawktu te tana hma lakna sorkarin an nei chho leh ta te pawh hi thil lawmawm tak niin ka hria a. Hengah hian mi tam tak kut hnathawktu chhungkaw harsa tak tak te pawn mumal zawka ei an hmuhna tur leh an dinhmun ngialnghet taka an siam theihna tur ruahmanna a ni a. Heng kawngah pawh hian thil chhen fakawm tak kuthnathawk tu te tana ruahman an ni chho te pawh hi thil lawmawm tak niin ka hria a.

Tin, No 11 ah khan A.H. & Vcty Department hnuaiiah khan chhungkaw zanga hnenah engeni Ar vulhna tih te, Bawng vulhna tura tanpuina a subsidy a pekna tur ti te khatiang kha ruahman an ni te hi a ropui hle a. Mizo te hi ran vulh chi kan ni a. Kan pi leh pu te hun lai pawha Sial te, Bawng te vulh thin kan ni a. Tin, Ui leh Ar te pawh vulh thin kan ni a. Amaherawhchu chutiang

ringawt a kal reng a theih lohva. Khang kan ran vulh te kha tangkai zawka eizawna tlinga siam anih theihna tur atana Vety Department hma lakna tepawh hi thil lawmawm tak nun ska hria a. Heng te pawh hi chhungkua kut hnathawkte tam tak thingtlanga kan mi ar vulha tui em cm, Vawk vulha tui cm cm ten mumal zawka Vawk an lo vulh a, khang atanga ei leh bara intodelh na an neih theihna tur atana hmalak na ruahman anni te hi a lawmawm hle in ka hria a. Tin, hemi a ziak chhung lo ah hian sorkar ina vawiinnia a hma lakna chhungkaw mi 250 chenna chin Motor lian Truck kal theihna tur atana Mizoram khua zawng zawng tlawh chhuah vek tur a hma lakna te pawh hi vawiinniah hian sawi tur tam tak a awm a. Heng zawng zawng hma lak anni mek te, tin, duh angin thawk chak chiahlo mahse World Bank Project vawiinnia ruahman anni a thawh mup mup anni chho ta te pawh hi thil lawmawm tak Mizoram tan a niin a lang a.

Heng te sawi senloh Mizoram tana kan hmasawna, tin tui lakna chungchang ah te leh kut hnathawktu tena ei leh bar a kan intodelh theihna tur atana leilet tih changtlunna tur atana hma lakna ang chite pawh hi hmun tam takah vawiin niah hmuh theihin a awm a. Mi tam tak an mahnina an tih theihloh tui lak tur an tih theihloh avanga leilet nei hleitheilo ten vawiinniah chuan kumtin kham an lo thar chhuak thei ta te hi thil lawmawm tak a ni a. Hengah hian hemi kan Governor-ina a sawi piah lamah pawh hian lawmthu sawina tur tam tak a awmin ka hria a. kan Motion of thanks rawn move tu ina a sawi ang khan he motion hi kan Governor zahawm takin a sawi hi thil lawmawm tak in fun khawmna anih avangin sawi tam vak pawh a ngailo a pass mai hi lungrual taka han pass than mai a hi a tha mai lawm ni tih kha Pu Speaker, ka han sawi duh a ni e. Ka lawm e.

S P E A K E R : Pu Zodintluanga i lo sawm ang.

PU ZODINTLUANGA : Pu Spcakr, ka lawm e. Vawiinniah kan rorelna sang berah kan Governor Mizote min hmusit a kan sakhuana te zah lova kan Sorkar hnathawk te diriamtu mipui aiawha thlan Legislator te leh vawiin ni a, kan Sorkar chelh mektu kan Minister te mawilo tak taka sawi thin tu thusawi vawiina lawmthu sawina Motion kan Member duhawm takin a rawn pulut hi paw ka ti a.

Kan Member zahawm tak hian he Motion hi a withdraw thei mai lawm ni. In withdraw leh turin ka ngen duh a. Tin, Pu Speaker, I dinglama mite sawn kan Governor hi an duh tak, a chah a chah chhuah tih kan hre tawh a. Chutiang anih chuan kan Motion hi ban tamna chhuang a. Pass pui mai an tum hi ka ring a chutiang atan chuan point khat lek sawi ka duh a. Kan dan rules 19 na in a phal angin amendment rawt ka duh a. Point pakhatna atan Page II Para 6-na "My Government has already create Mizoram as an Organic Farming State" a tih lai hi siamthat tulin ka hria.

Nichinah Khawzawl bialtu in a sawi tawh a. Pu R.Lalrinliana zawhna chhanna ah khan Organic Farming bawhzui nan Sorkarin Chemical Fertilizer hrang hrang lakluh khapna dan kalpui mek ani an la ti chauh a. Khatiang Fertiliser lakluhna dan pawh siam mumal nih hma a vawiin a hetiang a Mizo mipui leh Khawvel hriat a Organic Farming State ah a rawn puang hi siamthat tulin ka hria.

Tin, pahnihna atan Phek 9 na, Para 19 na ah "My Government has already Completed Work under the Great Water Supply Scheme for Aizawl Phase 1 leh Lunglei" tih hi a rawn tel bawh a. Ka hre sual anih loh chuan Aizawl Greater Water Supply Scheme Phase 1 hi chu 1988 kan Governor hlui Pu Saikia khan a hawng tawhin ka hria. Tin, Lunglei pawh hi Congress Sorkar lai khan an hawng tawh bawh a. Tun kan Sorkarah hi chuan tih ni in ka hre lova. Chuvangin he Point 2 hi kan dan Bu Rules 19 na phal angin amend turin ka rawn move nghal a. A amend dan tur chu kan thiam in ka ring a.

Tin, a thusawi tlangpui hi Budget Session ani a. Kan Budget chungchang sawitur a ngaih ani a. Mahse a sawina thenkhatah chuan vawiin ni a Full Budget kan nei thei te hi a lawmthu a sawi a. A lawmawm khawp mai, Mahse, Budget Session ni si a vawiin a kan Financial Position a sawilote hi enge a chhan? A tha tawkle nge uanpui tham anilo tih hi ngaihtuah tur ati thuihle a.

Kan Sorkar hotuten an tuipui em em tam tak a rawn telh lova, entirman, buh khur laih tihte leh thil tam tak a sawi lan loh laiin Police Modernisation hi Session hmasa lam pawh khan kan hre tawh a, sum tam tak hman chuanna, sum a lova hmanna ani a. Hetiang thil tha anga Police modernisation a rawn fakte hi kan sorkar hi tih mualpho a tum emaw ni chu aw tihna te ka nei a. A chhan chu silpaulin pakhat Rs. 3000/- chuang a lei te ani a, kan Minister zahawm

takin Floria Glamour in a supply a ti a, a neitu nu in ka supply lo a ti, khatiang thubuai kara khatiang a rawn sawi chhuak leh te kha kan sorkar hi tih mualpho a tum ta emaw ni chu aw ka ti a. Chumi piah lamah chuan Mizo mipuite sawrfu leh tlak kan awm tawh lo kan tih laia uangthuang taka chhiah a aia nasa zawk a lakna turte a rawn ti lehte hian he kan motion hi pass chi niin ka hre lova.

Tin, PMGY chungchanga upgradation mi rethei te in sak tanpuina a chhungkaw sangkhat leh eng emaw zat an pek thute kha a rawn sawi lang a, khang an tih dante kha Pu Speaker, upgradation anih chuan In nei tawh sak that lehna tur ani a. Mahse, kan sorkar chuan tuna upgradation ah hi chuan rangva bundle 4 an sem ani. In nei tawhsa in In a siam that lehna turte chutiang atan chuan Central atangin cheng sing eng emaw zat pek turin an rawn ti a, Mahse, kan sorkar chuan a rangva in an sem tlat mai ani. Hengah te hian In neitu kan mi rethei te, thingtlang amite chuan a bante pawh an siam tha ve duh ang, a bangte pawh an siam tha ve duh ang, rangva kha engtingge maw an upgrade ang le. Pu Speaker, chutiang angte chu ani a, sawi tur tam tak a awm a, mahse, kan sawi tawh ang khan kan Governor hi hetiang khawpa Mizo mipuite min hmusit a, min diriamtu thusawi anih avang hian he motion hi kei chuan lawmthu sawi a han pass atan chuan tha in ka hrelo ani e. Ka lawm e.

PU LALDUHOMA

: Pu Speaker, kan Governor thusawi Para 28 na Sports chungchang hi lawmawm hle in ka hria a, harsat na hnuaiah kan thalai intiam mite India ramalite khawvel ahte pawh an lang tan ta a, Medal te an hmu ve nak nak hi lawmpui awm ka ti hle a. Chutih lai erawh chuan, a chhe lai sawi tel lova, a tha lai lawr den den thusawi kan khel niin ka hria a. Chanchinbu a a lan danin kan Sorkarin Sports Council a thiah avanga thubuai kal zelah kan Sorkar chuan thiam loh changin Rs. 5000/- a chawi dawn tih te kan han chhiar a, zahthlak hle in ka hria a. "Hei hi kan tawng dawn ani, in din thar leh mai thei lovang, Court ah an kal anga, a dawn thleng ber nei lova kan awm chuan kan thalai ten an tuar dawn ani," kan tih mawlh mawlh pawh a, an kal luh avanga heng te hi lo thleng ta ani a, a zahthlakin a lungchhiat thlak bawkin ka hria.

Tin, para 30 na ah khan Sorkar in chhiah ngawrh taka a lak chungchang leh target pawh a khum thu a rawn

sawia, a lawm khawp mai. Chutih rualin khawpui chhunga tunlaia kan vei em em, kan ngaihrawl em em dan kalb lat a chhiah khawn chungchang a rawn sawi lang duh miah lo hi pawl hle in ka hria a. Hemi chungchang hi fiah deuh hlek a han chin ka duh a. Kan hriat angin 1953 ah daih tawh khan 'The Lushai Hills District (Revenue Assessment) Regulation kha siam alo ni a, chumi hnuah chuan a tha tawk lo nge vawi 7 lai mai Amendment siam niin Amendment hnuhnung ber chu 1994 khan siam a ni a. Tichuan he Amendment hnuhnung ber ang hian, khatih laia Sorkarna chelh tu Congress Sorkar khan 1995 khan tuna building chhiah kan tih hi a rawn khawih tan ta a ni a. Chumi chu duh lovin Mizoram Citizen Committee chuan objection Sorkarah a thehlut a, a sawt lem loh avangin Gauhati High Court ah 1998 June ni 16 khan an kal ta a.

Chu thubuai kal zel chu nikum 8 April 2004 khan tih tawp niin Judgement siam a lo ni ta a. Hemi chungchang thu hi kum li lai Court ah a awm a ni. Chu thubuai remna ah chuan High Court chuan hemi dan hmanga chhiah khawn hrim hrim hi chu phal sakin, amaherawhchu Section 3-na chu Strict taka kalpui turin thutawp a siam ta a. chu High Court thu remna bawhchhia chuan tunah kan Sorkarin kum 1994 Amendment tlawh chhanin building chhiah V.C. a khawn tir mek a. section 3 na in a sawi dan chuan RCC building ah a neitupa in a luah laiah Rs. 30/- kum khatah a chawi ang. mi luahah Rs.20/-, Assam type building anih chuan a neitupa in ama luahah Rs.20, a chawi anga, mi a luah tir ah Rs. 10/- a chawi ang ati ani. Chumi bawhchhia chuan kan sorkar hian duham takin chhiah ala a, residential a khawn thiang hauh lo kha za ah Rs.2 an in luah man atangin a khawn sak ani. Hei hi a dik lo em em ani a dan ding laia bawhchhia in High Court thu pek pawh a bawhchhia ani.

Tin, he chhiah lak chungchang ah hian assessment a awm lo hrim hrim a, Sorkar hianin tunge chhiah pe tur tih a hre lova, engzat nge pek tur tih record a nei heklo. VC. ten an han khawn tak tak chuan in biak thiamin kawngro a su hle tih pawh kan hre vek ani. Assessment awm miao loh avang hian, an ti ka tihna pawh ni lovin, a khawntute hian a kim lovin Sorkarah thehlut ta se, sa theih hmel hle ani. Veng hrang hrang a tih dan a in rual bawh heklo. Sorkarin Ni.4.2.2005-a Notification a pek ah khan he dan hi a tlawh chhan leh miah silo ani. A tlawh chhan chu section 6-na "the Mizo District, Profession, Trade, calling and Employment Formation Regulation, 1963 daih a ni leh thung si. Dan pakhat hmangin building chhiah a khawn a, V.C. a khawntirna atan chuan dan dang daih a hmang si a ni. Hengte hi enge awmzia ? 1963 dan tlawh chhan hi chhiar chhuak vek mah ila VC. te authorise theihna a awm lo ani.

Tin, nikumah khan heng kan dan hlui hi a tha tawk love tiin dan thar kan passed a, chu chu "The Mizoram (Taxation on Land, building and assesment of revenue) Act, 2004 a nih kha. He kan Dan pass tak Section 38-na kan en chuan, he dan hman anih atangin The Lushai Hills District (Revenue Assesment) Regulation, 1953 kha tihthih (repeat) a ni ang a tih a nih kha. Section 1(3) kan en ieh chuan chu Dan chu Gazette-a chhuah anih atanga hman nghal anih tur thu kan hmu leh a. Gazette-ah chuan Ni 17-12-2004 khan chhuah a ni. Chuti a nih si chuan tuna Building Tax Sorkarin a khawna atana a Dan ilawchhan chu ni 17.12.2004. atang khan Dan awm tawhlo, Dan thi tawh a ni tihna a nih chu. Building Tax hi khawn loh tur kan ti lova. Sorkarin a khawn duh a nih chuan kan Dan thar kha hman theih turin siam sela, Rules te siam vat vat sela, chumi hmang chuan khawn ang hmiang Dan thi tawh hmanga khawn hi zawng a him lo em mai, miin Court-a an putluh leh vaih chuan sorkar hian thiamloh a chang sa reng a, refund leh te a ngai anga, VC. te kan tiluhai mai mai ang. Chuvangin, Dan lova chhiah khawn tawh zawng zawng hi refund vek rawh se.

Tin, Pu Speaker, ka sawi tawh ang khan he Dan hi High Court-ah MCC-in a khin avangin 1998 atanga April 2004 thleng kha thubuai kal mek a ni a. Chutianga thubuai awm reng lai chuan Mizoram Sorkar hian chhiahkhawn nan a hmang tho va, 1995 atanga 2004 thleng khan kum tin khaw 69-ah Building Tax hi a khawn lui reng tho a ni. Kum 2001 atanga 2004 inkara mi pahnih hnen atanga Building Tax an lak chauh hi entir nan ka han sawi ang a. Chung mite chu Pu R. T. Hnema, Electric Veng, Aizawl leh Pu R. L. Thanmawia, Electric Veng, Aizawl te an ni a. He mite pahnih atang ringawt hian Rs.20546 an la a ni. A Receipt pawh hei ka nei vek a ni. Mi engzat hnen atangin nge an lak ka hre lo na a, mi zawng zawng hnenah ni lovin, an zuam zawng mi thenkhatte hnen atang chauhin a la thin niin a lang a ni. Heng thubuai awm laia an khawn te pawh hi refund vek rawh se.

A dang lehah chuan Pu Speaker, kumin hi YMA ten ruihhlo do kum atana an puan a ni tih kan hria a. Kan rama Pawl lian berin kum puan meuha an neih kum hi chuan kan Governor pawh hian a thusawiah a rawn telh ve ka lo beiset em em a. Ruihhlo man zat vel a tarlang ringawt a. Excise leh Police te hnathawh that a tarlan sak lain, kan NGO tena hma an lakna pakhatmah a rawn sawi duh lo hi a mak ka ti mai. Dik tak chuan ruihhlo in a

khawih buai zingah hian Mizorama ram hruaitu inti te chhungkua hi a fihlim lo a te leh a tuar nasa ber ber te kan ni tih hi a Chiang a ni. Chuvangin a vei ber ber tur pawh kan ni. A vei tawh sa te enkawlina engtingge hei aia changlung zawka kan siam ang a, a vei leh zel turte engtingge kan ven ang tihte Governor thusawiah te hian a lo lang ang a, kumin chhovah te hian hetiang hian hma kan la dawn a nih hi ti a ruihlo ngaiin a tihhuan chhungkua te hana thiamuanna tham khawp vawinah hian Budget-ah hian lo lang se tih hi ka lo beisei tehlu nen, a hrilhai thlak hle mai. Engatinge tiang ang reng reng hi a awm loh? Ti khawp hian kan YMA an hah a, Kohhran ten zing tin kan tawngtai pui a, sawt pawh a sawt hle nghe nghe a ni, a lawmawm tehlu nen. Governor thusawi hi kan sorkar phuah sak a ni a, kan sorkar hi kan YMA te chungah hian a lawm lo em ni? Hmeithai fapa ngawl vei nei chhantu nei silo te tan chuan YMA te hi thlamuanna an ni ngawih ngawih a, an duty nan te, kal vel nan leh motor hire nan te zana duty nan te an mamawh a ni. Kan sorkar in a tih theih pialham titu tur 'NGO' kan nei hi Pathian malsawmna a ni a, hengho puihbawm nan hian kan Budget-ah hian nuai zahnih khat tal te chu kan dah phal dawn lawm ni? Chubakah chuan Pu Speaker, YMA Dan han tihte, khawtiang Dan han tih te, dan phuahchawp hmanga tih nawk nawk ringawt hian ngam loh kan tawng thei a, 'Court' a min khingtu kan tawng fo thin, chung laka an fihlim nan chuan Dan a thuan a. Legal Authority tlem pek a, kan Dan dinglai atang hian zuk Authorise theihna te pawh hi siam a, dan thuneihna keng chung a hengte hi hnathawk thei a kan siam a tul hle bawk. Chumi tihtheihna tur chuan kan Dan te pawh hi kan siam that a va hun ta ve. Chutiang zawng chuan kan ram harsatna hi tihfel kan tum tur a ni dawn lawm ni tih ka sawi duh bawk a ni.

Tin, heng a thusawi dangte han en hian, kan Governor thusawi a thil chuang reng reng hi President Rule-ah pawh awm ila, tih tur pangngai vek nin ka hria a, thil thar, hma thar, thil danglam engmah Pu Speaker ka hmu lo, ka lawm lo hle tihna chu a ni lo. Mahse, kan hotute thusawi kan ngaihthlak thin atang tea kan tih erawh chuan lawmna erawh chu a chuai deuh rawihin ka hria. Hetiang chuan President Rule-ah pawh awm ila, kan ti tho ang tih ka ring.

Ka bial, Sakawrdaiah Tourist Lodge nuai 50 man sak tur thu Governor in nikumah a sawi lang tawh, vawinah hian sanction peih a ni tawh, a ti leh a. Ban pakhat pawh phun a la nilo. Kum tin thusawi apianga sawi tel ringawt hnathawh awm silo

hi engnge a awmzia? hengte pawh hi beisei takin kan lo thlir ve a, a tak hmuh kan duh hle. Sanctioned fel tawh a ni ti si a, kumkhat liam hnu pawha chutiang bawh ngaihthlak leh hi a fel lo hlein ka hria. A tak taka hengte pawh hi bawhzui a nih ka duh takzet a ni tih ka han sawi duh a ni e. Ka lawm e.

SPEAKER

: Pu Lalthlengliana sawm ila, a dawtah
Pu H. Rohluna.

PU LALTHLENGLIANA

: Pu Speaker, ka lawm e. Hei nimin dar 10:30-ah khan Governor zahawm takin thu a sawi a, a sawi dawnin kan MLA te, Pu Speaker i veilam ami kan Opposition ho te an chhuak a, ngaihthlak tlakah an ngai lo te pawh ani ang a. Bible-in in thinur niin tlak pui suh se a ti a, an hmang dikin ka hria a. Vawiin hian tlakpui lovin an la thinrim zel a, ka duh dan chuan lehlin that deuh a tha lawm ni, kan thinur na hi niin tlakpui se ka duh a. A tuk leh nichhuakah chuan thinurna lang tawh lo reng reng se ka duh a. Mahse kan la thinur viau a, anni pawhin duhtawk sela, a duhawm hlein ka hria. Kan Governor hi U.P.A a rawn sorkar khan riva kan hriat dan chuan Bhawan lam tawngkan te kan hriat dan chuan puanthuah tel nghal turah kan ngai a. i veilam amite khawngaihnaah a la awm zelah ka ngai a. Governor te pawh hi kan duhsak zawng an awm lai leh tha kan tih lai kha chuan an rawn sawi chhuak a. Buarpui MIA khan, Pu Saikia hun laite a sawi a, khatih hun lai khan chuh reng kan tum vang nge Special Power te kan u chho a, engpawh nise tuna kan Governor hi chu Ruling Party zawmpui te khawngaihna a zarah a la awm zelah ka ngai a. Keini chuan kan cheih theih pawh a ni love. Kan dah theih pawh ani lova, a sawina tur awm zawkah an sawi hian awmzia a nei lo em ni te pawh ka n ti deuh a. Khang lamah khan sawi mai awm a ni a, helaia thil ti thei vak lo. Governor sawn bo thei tu awmkhawm mang silo karah chhuak tura thu pass awm mai kha chu a ni lo zawk kan khef ani lo maw ka ti deuh a. Engpawhnise tuna Ratu bialtu in a bu chhunga awm lo tam tak a sawi kha, kha pheih kha chu ziak vekin sawi vek dawn sela, nileng a daih dawn a, he sorkar ropui takin Ram pum huap a hma lakna hi a nasa em em a, han sawi sen chi a ni lova, hemi ziak awmla pawh kan sawi chhuah hi kan thahnem ngaihna ani a, lawmawmah ngai ila.

He sorkarin hma a lakna hi a ropui em em a, a thusawi chhung ami a rawn sawi lan PMGSY ah te, km 844 lai tunah han tih mek te, zawh mek an awm te leh NEC in km 197 lai siam anih te, miten an lo hriat thin khawthlang thin pui, hauhuk hual rcuna ram, Phuldungsci bialtu kha a awm ta lova, khawngc I bus stand chu tih te an tar a, chhoah kan in nem chhuak a, chirhdiak karah, theichhuk tlang kan chhuak hlawl a, khawngc I bus stand chu tihte kha a lo inziak a nih kha. Tunah chuan khung Kanghmun tlangdung zawng zawngte pawh Aizawl kawtchhuah a lo ni zo ta. Rang takin zing karah an lo thleng zung zung tawh mai a. Reiek leh Lungdar inkar kawng Reiek kawng that zia chu session hmasa khan ka sawi tawh a. Reiek leh Lungdar inkar kawng Reiek kham sang tak san levela feet 5000 chuang zet, khumi khampang pasal tha pawhin ram vah ngaihna an hriat loh thinah tunah chuan Bus te a tlan ta zur zur mai. Hei tun maiah hian an han black top phei lehngal dawn a ni. Chutiang chuan kawngpuia hmun tam taka hma kan sawn dan te, he kum khat, term kan han kal tawh chhung maiah ringawt pawh, Lengpui to Serzawl kawng, Serzawl atangin Hortoki, tunah pawh thla turin Serzawl kawng kan lai chhuak vek tawh a. Chu mai ni loin, (chu chu ka Bial mai bik a ni) Lengte - Nghalchawm kawng Mizoram development surpui kum pawh thleng sela, keini uihum lek hi chuan development hi kan chang pha ve lo ang ti a, development te tlumtea thlira lo thlir thin te khan vawinah chuan motor lianin an haw zung zunga an lo kal zung zung tawh mai. Khawte field tiat tiatin a ni an laih chhuah vek ni. A thlang lawkah Industrial growth centre dah an ni lehngal a. Thlang lamah kal zel ila. Hmanniah House-ah min pawmsak tawh a. Tunah Dapchhuak to Mamit kawng pawh, ropui taka laih chhuah tura realignment kawng thar dampui chhuah lawn lova, kaltir tum a ni a, chumi rual chuan tunah hian Bairabi leh Mamit inkar kawng chu an bung mup mup mai a. JCB leh Bulldozer kha an in kherolai sup sup tawh mai. Chutiang chu a ni a. Englai maha Jail mi ve ngai lo, khulai lawka phimte an neihah han leh loh chang a awm a, miin te an lua chawp a, khatiang khawp khan kan police te an buai an buai lain, Mamit jail chu tha em em maia sak ut mai a ni lehngal a. Chutiang chuan Bial dangah pawh a ni. Hei zawhna Assembly House-ah hian a la kal zel dawn a. Chung zawhnaah chuan keini Ruling lam party MLA te chuan opposition bialah hian PMGSY te hi in va kaltir nasa ve? Suangpuilawm bialah te, Saitual bialah te, a kal nasat ziate hma an lak nasat zia te, kan sawi seng lo. Kalna lam apiangah hian saipui in phinna ang maiin a pelh veng vung mai a ni a. Chutiang khawpa hmalakna nasa

chu he sorkarah hian kan lo hmu ta. Tun hma zawng zawngin Zoram hmasawna kan hmu lo va, Aizawl khawpui nisela, kan sawt nawk nawk mai a ni a. Khawilai kawngpui mah hi chutiang a awm tawh lo. Hma kan sawn a, building thar a piang tam em em mai a ni. Chutiang chuan tuilakna nisela, Greater Aizawl Water Supply Scheme Phase - II te pawh beih a ni a. Chumi rualin heng Mamit khawvela tui harsatna ber pawh tunah hian a khawl hmun tihfel vek a ni. A in insa zo tawh a, Zonal Tank-ah pali panga tunah hnathawk turin thian fel vek an ni tawh, tlangsang zawk atanga tuilak theihna zawng zawngah lak a ni a, theih lohna hmunah khaw finah tuizem a chung ter fur mai. Tuizem lian inhmuh reng reng hi chu he sorkar tin hi a ni mai. Midangin an ti lo. Chutiang khawpa hmalaknaah chuan lawmna chang kan hrelo va, kan tih loh apiang mai kan han sawi te hi chu Ram hmangaitute tih tur a ni em aw? Vawiinniah pawh hian a mihring, a rawn chhiar chhuaktu kha kan ngei deuh hrim hrim anih pawhin a chhung thu hi chu a ropui a lawm maw le, Hawh u, lungrual deuhin I pass ang u. Chu chu a mi puitling hnain ka hria a ni. He motion hi pass tlak a ni lo, kan han ti vel te hi chu ram hrualtu kalkhawm tih turah ka ngai theilo a ni. Chuvangin a tul anga heng bak sawi belh duh kan neih pawhin uar tak pawhin sawi ila. Mahsela, hei hian a sawi vek senglo a ni tih hi chu kan hriat tel a ngai a. Hemi chhungah hian ram hmasawna vek a inziak a. Tin, tuna minute 10 lek emaw kan han dinchhuah chhung hian kan zuk sawi vek hman lo. Sawi sen pawh a nilo a ni. Hemi chhung ami ngawt pawh hi, hun hian min daih hlawl lova sawi teuh pawh hi chak ila. Chuvangin he motion hi kan zavain lungrual takin pass ila, he House pawh hi a zahawmin ka ring tin ka han ngen duh a ni. Ka lawm e.

PU H. ROHLUNA

Pu Speaker, ka lawm e. Hei vawiinniah kan Governor thusawi kan han sawi hova lawmthu sawitur I dinglama thu ten an hmuh lain ka thlir ve dan te, tin a thusawi ka chhiar atang te a ka hmuh ve dan han sawi ve ka duh a. Hei a bu kan han chhiar a, ka'n chhiar ka'n chhiarin lawmna turte, ka hmaa sawitu Mamit bialtu zahawm tak khan a sawi thiam viau a. Amaherawhchu, ni e, amah ngei pawh kha kan Governor chungah kha chuan a lawm biklo ni te pawhin ka hria a. A sawn theitu nilo awmkhawm kan ni kha a ti a. A sawn theitu kha chuan sawn mai se tih

kha a duh ni te pawhin ka'n hria a. Chuvang chuan, ni e, kum 2 ½ hnua chhechham thar leh tur te pawh kha a ni mai thei a, ani hi. Chuvang chuan a ni hnuaiah hi chuan a chham tawh em lovang chu maw. Hei Law & Judicial Department hi kan Governor thusawiah khan a langlo in ka hria a. Heng kan Separation of Judiciary te hi kan Cabinet Meeting pawh khan hmanni lawk khaw a pass in ka hria a. An ngai pawimawh hle in ka hria a, amaherawhchu hengte hi kan Governor hian min ngaih pawimawh pui talo em ni? duh duha kan ram ngawte min thiah sak a, kan hruipui hmang te, kan thakthing quality tha te, tin, wood te leh thil dang-dang sumdawn-nan tea min hman sak a min lak bo sak thin avangte leh amah pawh hi dan kaih deuh te pawh hian a chet ve thin avangin a ngai pawimawh lo ani mai lo maw? Dan kengkawhtu tak tak nia kan hriat, Separation of Judiciary hi Inda ram State tam zawkah te hi chuan tih a ni tawh a. Kan House Leader ngei pawhin a sawi niin ka hria a. Hmanni deuhah pawh Central lam leh Supreme Court thleng pawhin ti turin an duh niin ka hria a, chutih lain helaiah hian tarlan a ni lova, ka hmulo anih loh chuan kei ka chhiar fuh hauhlo a nia. Hengte pawh hi engati ta nge, kan ngai pawimawh ta lo em ni? Cabinet Meeting meuhin a Pass tawh si. Mahse, vawiina lang leh ta silote hi kan thil sawite a taka tih kan tum ta lo em ni tih kan sawi duh a.

Tin, Economic & Statistics Department te pawh hi a lang lovin ka hria. Heng Statistics leh Research han tihte, Development Department te pheii chuan base atan te an hmang a. Hengte pawh hi an Achievement te pawh ziahlam turah ka ngai a. Ziahlan ani ta lo reng rengte hi a pawika ti a.

Chutih lain Para 11-naah chuan 'A Total of 1,66,743 animals were vaccinated against animal diseases under this scheme' tih a awm a. Heti zat ran vaccine ani tihte kan tarlang lawi si a. Thil pawimawh zawkte tarlan awm a nia. Health Department te chuan Polio Vaccine an pekte han tarlang ve se chu a tam awm ka tia. Tarlan turte pawh hi kan nei ho ta lutuk deuh em ni?

Para 35-naah chuan 'Tribal Representative were sent to witness Republic Day celebration 2005 at N. Delhi' an han ti a. Teikal aiawha Republic Day, 2005 chi te henga kan han ziak lang em em te leh kan Governor in a sawilang em em te hi chu a nep lutuk deuh lo maw, Pu Speaker? Heng aia ropui deuh te hi chu Department Achievement neih awmah kan ngai deuh ani. A thenah

lah kan han duhthawh leh em em a. Para 18-naah chuan, 'Construction of 132 KV line between Saitual to Darlawn, Khawzawl - Lungdar 'E' and Khawzawl - Ngopa, 70 Kms. are expected to be completed within 2005' a ti a. Tichuan, a dawt lehah chuan, '75 Khawzawl - Ngopa 70 Kms. are expected to be completed within 2005' Hemi 75 awm lehte hi engnge a awmzia ka zuk man phak lova.

Tichuan Para 22-naah te pawh, Department thenkhatte kan hmaihduai lain a thenah chuan 'Resolution works of Primary Health Centre building at Phuldungsei are progressing well and will be completed in the next year' a ti a. A hnuaiah chuan, 'Completion of Construction of PHC building at Phuldungsei' te an han ti leh a. A Double a han ziah han ziah mai te, Department thenkhatin hmun an chan loh laite hi chuan kan uar lutuk deuh em. A then kan hlamchhiah a, a then kan chawikang lutuk lo maw?

Hei Para 14-naah Industries ahte, BAFFACOS hnuaiah Bamboo Industries te kan sawi nasa a. Hengahte hian thil tha tak pawh niin ka ring a. Mau te tam lo phei se. Mahse, waviinah State Industry Department tanpuinaah te 'Several Bamboo stick making units' tihte, "Chipping Unit" te, Bamboo Processing joint venture unit Sairang te hi member zahawm tak tak te pawn lawmthu sawinan an rawn hmang a. Mahse, 2007 velah kan mau a tam dawn a, Mau a tam chuan engtikah nge raw materials an hmu leh ang tih kha ka ngaihtuah a, ka lo lungngaih pui deuh a. Hengte hi kan ngaihtuah chianglo deuh a ni lo maw? Raw material awmlo hian kan khawlte hi a tuiek mai mai ang e. Kum hnih/khat hnuah hian. Churagan, lawmthu sawina tur hi ka hmu lem lo a ni, khawl tuiek tur hi kan bun ur ang a, sum tam tak kan seng ang a, tunah hian kum hnih/khat te chu thawh tur a awm mahna. Mahse, a hnu lamah chhungkaw chawmnan an hman kha kum hnih khat hnuah a Raw Material Mau kha a tam vek si chuan khawi ami nge a khawla barh tur awm ta ang? Engtinge en kal zel dawn? tih hi ngaihtuah tham a awm in ka hria a. Hengte hi chu kan sorkar hian eng ngaihdan nge a neih tih hi ngaihtuah a ngai a, a tha lai chauh kan in zirtir a, a hnulam tur hi kan ngaihtuah lo hi chu a kim lo deuhin ka hria a ni. Hei hi kei ka lo ngaihdanah chuan thil tih chi vak a ni dawn em ni? Mau tam tur kan buaipui kan buaipui laia khawl han bun vak mai a, nakin kum hnih khat hnuah a raw-material awm lo leh mai tur a nih si chuan. Hei hi chu ngaihtuah tham tak a awmin ka hria a ni.

Tichuan, hei Para 12-na Forest Department-ah te hian, hei kan Governor hian nikumah khan Hruihngang

turin a duh nge? ka bial atangin Lengteng Sanctuary lam atangin fit 12 a sei hruipui, eng atan nge a tih chu ka zuk hre tawh lova. Fit 12 a sei, tlawn 2000 vel kha a han order tawp mai a. Mahse, khilam atang kha chuan an tlin zo ta ngang lova. An hmu zo ta lova, chutiang chuan engemaw zat kha chu an pe thla a ni. Chutiang te chu thil awmdan a ni a. Tin, thu rinawm tak atanga kan hriat dan phei chuan Thakthing te pawh chutiang zel chu a ni a. Kan Governor hian kan Raj Bhavan te hi sumdawn nan a hmang ta mai em ni?

Tichuan, Para 16-na Housing Loan chungchangah te hian, hengte pawh hi lawmthu te pawh nichinah khan an han sawi a. Kan Member zahawm tak thenkhat ten, Local Administration Department has given out composite cash loan LIC (HBA)- 2040 Government Employees and Housing Loan to 400 other families during the year 2004-2005 a ti a. Mi 400 kha 2004-2005 Financial Year chhung hian Pu Speaker, Normal Housing Loan an pek ka hre miah lo mai a. A Department-ah pawh ka va zawt a, kan la ti chhuak lo, LIC(HBA) lam kan buaipui a, tunah kan la ngaihtuah hman lo a ni, an lo ti a. Phone-in ka va zawt a ni. Chu chu hetah hian - 'Has given out' a ti a ni. Hengtiang thu diklo hi kan House zahawm takah hian a sawi ta mai em ni? Pu Speaker, engngeni, ka hresual zawk, hei hi chhuichian a ngai deuhin ka hria. Pekchhuah loh tawp hetiang pechhuak anga he House zahawm tak Mizoram rorelna sang bera kan Governor, Constitutional Head in thu dik lo a sawi a nih chuan a pawh khawp ang. Chuvang chuan, Pu Speaker, sawi tur a tamin ka hria a. Hei, kan sawi tak zawng zawng atanga kan han chhut vein vawiinniah kan Governor thusawi hi lawmthu han sawina em em tur emaw lawmthu sawina chhan tur emaw Pu Speaker, kei ka hmu lova. Chuvang chuan, a lawmthu sawina motion han pulut tu pawh khanin khawngaihin han in withdraw thei phei selang chuan a lawmawm khawpin ka ring a.

Tin, hei a last para-ah 'I want to inform the people of Mizoram that my Government is fully equiped to handle any eventuality', tih laite phei hi chu kan Governor hi a zinna lam apiangah mipui inhlawhna tur SGRY (Food for work) atangin ka pe ang che u, a tia a haw a, a ngaihtuah leh tawh chuang lova, mipui an beidawng a ni. Hemi thu ka han chhiar phei kha chuan kan mipuite chuan an va han ring awm lo e aw, ka ti a.

Hei hi ka han sawi lang leh duh hawk a ni, ka lawm e, Pu Speaker.

PU LALHMINGTHANGA

Pu Speaker, ka lawm e. Hei Motion of thanks a rawn lut a, lawmthu sawi Constitutional head meuh ina hetia

House a rawn address hian lawmthu sawi chu kan tih tur pawh ani a. Tin, a thusawi statement hi uluk taka han chhian hian kum dang atanga han ngaihtuah pawhin thil thar lutuk phei chu a awmio a. Tichuan, ka rilru a ka lo beisei dan ang t hilde tilaiah sawi chhuahna zalenna kan neih avangin Pu Speaker, kan sawi chho ang a. Governor Speech kan tih, President's Speech kan tih hetiang ang kum tira constitutional head ina House address na reng reng hi a sorkar dinglaite thil tumte leh an achievement te chumi chu anmahni rilru ami nilo khan an mimal nilovin kha kha an rawn highlight ani ber a. Tichuan, kan sorkarah hian kei beiseina sang tak ka lo nei a, kuminah hian. A chhan leh yang chu Central lamah sorkar thar a lo ding a. Sorkar hmasa in term khat chhung vote on account a Financial Management fel mang vak lova Central lam atanga an rawn tih avang khan helaiah kan sorkar pawh hi a tuartu ani thian a. Vote on Account in kan kal a thil a mimal theilo em em mai a. Amaherawhchu India ramah economist ropui tak Prime Minister thar kan han nei a chutah Planning Commission ah amah ang tluk bawk a khawvel a economist hmingthang kan han nei leh a. Tin, Finance Minister ah Pu Chidambarama kan han nei leh a. Engkim an han chingfel a tunah hi chuan Budget pawh a hun pangngai takah a nihna turin tin 12th Commission pawh in an recommendation a hun pangngai takah an hian peih fel vek a. Tin, kan MNF unaute sorkarna hi ka han thirin sorkar puitling ni tawh turah ka ngai a. 1987 inthlana an sorkarna te leh tun term kalta a an sorkarna te nen kha chuan thil engkim hi puitling taka an rawn tih beiseiin chu chu kan. Governor thusawiah hian tunah hi chuan rawn lang chhuak in lawmna tak tak tur thil Mizoram mipui tan ka lo beisei ani. Amaherawhchu, ka rin a ang ta lo deuh hlek a, Mizoramah hian tunah hian problem lian deuh deuh kan nei a tuma phat theih loh. Pakhatnaah chuan retheihna - pawisa semrual loh avanga retheihna Zoram mipui hian kan tawk nasa em em a. A nei pangngaia te hi chuan kum 5 kalta a khawsak pangngaia Assam type building a khawsa ve mai te khan tunah chuan JCB te TMB te building 2-3 te an nei tawh a. Term khat leh a chanve chhung kha chuanin Party han in duhsak te pawh a awm em em a. Amaherawhchu, tun term ah te hi chuanin pro-people tak taka kan sorkar hi a kal chhoh tawh beiseina lian tak ka lo nei ani. Chutiang ang equitable distribution of Government.

money to the poorest of the poor irrespective of party affiliation kha chutiang measure te chu rawn sawilam tawh hi ka ring a, mahse hetah hian hmuhtur a awm miah lo ani. Chu chu a fello ka ti deuh a. Kan sorkar hian khati zawng khan ngaihtuahna thar a nei thei dawn lawm ni ka ti a.

Tin, a pahnihnaah chuan kan ramina harsatna lian tak a tawh chu kan Rural economy pumpui hi hmanlai atang tawh a kan traditional economy ah khan a la innghat a sustainable economy kan tih ang hi tu chhungkua mah hian la nei lo a. Jhumming ang ringawtah hian kan la innghat ani. Hemi tih danglamna tur hi measures tha tak leh proposal tha tak kan sorkar hian a siam chhuah theih tawh ka ring a. Central sorkar in financial backup pek an hreh loh zia chu kan hmu a. Kan State sum dinhmun hetiang tak hian chbe mahselangin heng chhuang taka tuna kan sorkar ina a sawi kawng laihna kan tih zawng zawng hi State sorkar sum nilovin Central sorkar hian hma a lo sawn chhoh tak avang anga direct a tih tiha funding lo kal entirnan 75% te 80% te chutiang chu a lo kal a, State matching chauh keinin kan tum a rawn kal chho hi a ni a. Tichuan chutiang ang dinhmuna kan din lai chuan measure thar entirnan Coffee Plantation lamah te emaw Tea Plantation lamah te emaw hemi Jhumming kan tih burning and slashing system tihbona tur hian thil lian a rawn chhoh theih pawh beisei a, chu chu a lang leh ta miah lova a panggaite minor department mai main khang kha a la kall zel dawn tih a lang chiang a.

12th Finance Commission Recommendation kan han hmuhtur hian tanah chuanin Non-Plan Side-ah pawh kan harsatna hi min rawn hriatpui a ni tih a lang chiang a, chutilai erawh chu kan Governor hianin tawitein a rawn sawilang a ni. Tichuan Non-Plan a kan Financial Plan hi a fello deuh hlek a nge tia, mahse ka sawi tak ang khan India Sorkarah hian Economist ceptu takte kan hmuhtur avang leh hetilaia Mizoram dinhmun hi stagic point pawimawh a ni tih an hriat avangin an thil phal a ni tih a hriat theih a. Chuvang chuanin kan natna damdawi taka hi min rawn pek an tum a ni tih pawh, kha khan a lantir a ni. Chutih rual chuan belamah khami lo dawngsawng tura Financial Economics Reforms siam a, reception, chumi lo dawng thei tur kalhmang chu buatsaih a nih ka lo beisei miao va. Mahse chung chu buatsaih engahmah hian a lang leh ta chuang bawh lo a ni.

Tin, a dang kha mipuiin harsatna kan tawh chu, nichinah member zahawm tak Ratu Bialtu khan a rawn sawi lang tawh a, Drugs hi tunah hian kan ram hian kan hnamin a boral phah

ang tih hlauhawm khawpin harsatna kan tawk a, chhungkaw tin mai hi kan rum tak meuh a ni. Chutiang chuan he problem hi NGO atang te maia han chinfel chi a ni lova, warfooting tak taka kan ram sorkar hian hma a lak a ngai a, a tul dan angin a situation deal thei tur khan dan tharie pawh kan neih a ngai a ni. Chumi chu Central YMA in hetia an han hma hnu hian an report te he kan ngaithla ve thin a, hma pawh an sawnin achievement pawh a tha hle, O.D a thi rate te pawh hi kum dang nena thi nena khaikhin chuan a tlahniam hle a. Tin, chubakah hemi ngampa taka a traffickers ten khawlaia an zawrh thinte pawh tunah chuan a bo tan a. Tin, a victim lo ni mek, a addict hote pawh an lo fimkhur tan ta a. Hei takah hian kan sorkarina a tih dan tur kalphung dan leh hrai rawn siam tur te, tin, a budget provision te pawh a rawn tel ka beisei a. Hei hi burning question tak tak a nih avangin, amaherawhchu a ngai leh a ngai tlawng tlawngin hetah hian kan Governor hian a rawn sawi leh ta a. Excise Department hi han ti ngial ilangin a hminga Excise Minister 1978 a kan nih chhoh veah khan a hmalama Pu Chhunga Ministry ina bul an lo tan tawh kha kan han chhunzawm chho a, tah khan a bul kan tan chho a ni a. Khata tang khanin vawiinni thleng hianin that lam aini a man power ah te phei chuanin a reduce tawh zawk mah mahte pawhin a lang a. Chuvang chuanin hemi NGO te leh Kohhrante thiltiah mai hian kan innghat thiang lo ang a, sorkar chuanin kan hnam chhan chhuak tur hian hetilalah hianin 'Indopui' a puan a ngai a, chutiang puan chu a rawn awm ka beisei lain ka hmu lo leh bawh hi a pawh ka ti em em a ni.

Tin, a dang lehah chuan kan sorkar hian chhiah lam hi a uar lutuk ta em ni? ka ti a. Chhiah chawi hi khuah leh tui ten kan tih tur dik tak a ni, chu chu kan thurinah pawh a awm a ni. Mahse, kan sorkarin mipui min han enkawl hnu hian chhiah hrang hrang loh theih loh a pek tur a tam ta em em mai a. Tunah phei chuan India sorkar tih a ni e, kan ti a. A VAT te pawh tukin zingah a bill put luh a ni a, kha kha Central lam atanga rawn tih hetilalah kan rawn hnial thla zo si lo a nih chuan kan pass leh ngei dawn a ni a. A hmalam khan chhiah chi hrang hrang pek tur tam tak sorkarin a lo siam tawh a, chhiah bakah welfare stage a concession neia kan kalna tur ang chi water tariff te, electric tariff ang thilah pawh khan a maximum hian a kal tawh a, kan Governor zahawm takin a thusawiah hian kei leh kan Party leh kan Legislators ten kan lo beisei ang welfare stage kan nihna ang kha, India National Development kaichho a, rawn irh chhuak ve thei tur pawh a, India Economy hi a din chhoh mek leh tun atanga kum 15 velah chuan Super Power-ah pawh lut chho ve tawh tur anga World

Economy ten India te an assess lai hian helaiah hian chumi corresponding programme chu kan Governor hian a rawn sawi tel lo hi beisei a phaklo deuh a ni. Tin, khami eng atang khan tariff chi hrang hrang pek tur te pawh kha, a tlem a zawng, kan sorkar hian mipuite phurrit chhawk zang zawnga a rawn tih ka beisei a, mahse, chu chu a rawn tel ta lova, hemi atanga han thlir hi chuan kan sorkar kalhmang hi mipui thingrem ban hrang hrang a zen reng a. Mahse, mipui taka hmasawna tur ngeinghet eizawna tur ngeinghet kha siam sak chuang si lova, mipuite sum leh pai thingrem zentir angin a lang thei hi pawl ka ti viau a ni.

A tawp berah chuan, kan Education Quality hi a tlahniam viau mai a, a bikin sorkar School hrang hrangah, a bulpui bera hemi rawn irhchhuahna hi chu Political Transfer Teachers a tam lutuk hian zirtirtu thinlung a ti phawklek a, Primary zirtirtute, Middle zirtirtute an vaiin an pawimawh a khua leh tui thar leh hnam tana pasal tha leh nusal tha rawn chher chhuaktu turte kha awm ngaihna hre lovin kan siam a. Tun hnai maiah te khan pension lek lek tawh zirtirtute kha S.S.A Teacher thar ten politics takin an luahlan lawng lawng a. Piangsual ka biala mite ang chu a kal pawh kal harsatna angahte khan Transfer te an ni a, an pension lek lek tawh a, chung chuan zirtirtu thinlunga buaina a siam a, hnathawktu lungawilo chuan khua leh tui tha a siam zo tawh dawn si lova, chu chu kan ramn a tawn mek hi a ni a.

A tawp berah Ngenna kan siam duh chu hemi India ram hmasawna term pawh mil hian kan sorkar hian heng Budget te leh kan Governor thusawi tawhte pawh hi a theih angin review leh sela. Zoram mipui hi kan lawm tlanna turin kawng thar dap se, chutah chuan keini pawh theitawp chhuain kan cooperate duh ani tih hi kan sawi lang nghal duh a ni e. Pu Speaker, ka lawm e.

SPEAKER

Le, Pu R. Khawpuithanga a phar rei tawh bawk a, ilo sawm ang.

PU R. KHAWPUITHANGA: Pu Speaker, ka lawm e, chawhma lamah khanin kan la tam riau a, dawh thei takin kan ngaihthla a, thiante thusawi, amaherawhchu, I veilama mite kha duhai chuanin an thawi ta deuh hiek a. Ka thusawite pawh hi lo ngaithla ve sela tih hi kan thlathel viau a nia. Tin, duhtawka thusawia, midangte thusawi ngaihthlak hma a chhuah daih mai hi chu ram hruaitute tih dan turah ka ngai vak lo hrim hrim a ni. Kan Governor hian he Houseah hian beiseina sang tak a neih tih a tawngkam hmasa berah hian a hriat a, "The presence of the last no season legislators in this August House", a ti a, keini ho hi 'season legislators' min ti a. A senior te kha inni zawk em em a. Keini junior te te ai chuan, chuvangin min chawimawi tha viau pawhin ka hria a. Chutiang mi tak in awm avang chuanin sawihona pawh hi mawi taka a kal ngei leh ram pawhina a chhenfak tur khawp a awm ka beisei a ni, min ti a ni a. Chutiang anga Governor tawngkam mawi tak kan hmuh lai chuan amah Arachuk tuilo an sawi hi keini tan hian a inhmei ang em aw, tih hi erawh chu ngaihtuah ngaiin ka hria a. Tin, helaiah hianin lawmna tur a tam hlein ka hria a. Vawikhata thil lian pui pui sawi tura kan ngaih erawh chuan hei hi chu thil harsa tak pawh ani ang a, a tlangpui thuin Development a trend a hi Mizoram a kal reng reng Department a hi han thir ila, a chhung thu kan han chhian hian hmasawna lam hawi lo a awm lo a ni. Hmasawna hawi lo lam awm lovah chuan lawmna loh tur lai chu a awm vak lo niin ka hria a.

Tin. (3) naah hianin lawmawm em em a kan hriat chu, "Mizoram continue to remain peaceful" a tih hi a ni a. Kan hriat theuh angin a rama ralmuan loh chuan hmasawna a kal thei hauh lova ram ralmuanga kan awm hi aman a tam em em a ni. Mizoram chu ram lum lutuk lo, vawt lutuk lo a nia, ram luma awm chuan khami tih vawtna tura air condition han dahna man tam em em chutiang bawh chuan ram ralmuang lo ralmuanga dah lehna tur hian a man a tam a, ralmuang taka Mizoram kan awm a rawn sawi lang a hi remain peaceful a ti a, nikum lamah kan buai viau a, kuminah chuanin kan ralmuang ta e tihna lam ni lovin a hmalam atanga ralmuang taka kan awm zelna thu a rawn sawia hi ram tan thil lawmawm tak niin ka hria a, a chhan chu khawthlang lam hawithla ila, Tripura State te chu an la ralmuang lo em em ani tih kan hria a, convoy nen an la kal tluk tluk ani a. Tin, chutiang bawkin Manipur ram te chu election a vote an chhut dan te chu tam zawkah chuan thuneitu tute emaw khan in gun point ah khan an duh zat zat kha an chhut tir mai a ni a. Chutiang ni lova keini ramah erawh chuan inthlanah te leh thil dangah a tlangpuiin a khawimaw lai pocket-ah chuan tlein duhawm loh lai deuh lo awm pawh ni sela, a ram pumpui

ngaihtuahin ralmuanga kan awmna man hi a tamin ka hria a. Chuvangin, hei hi lawmthu sawina tlak niin ka hria a. Tin, chumi atana kawng pawimawhtu Police te hi an Roll-a hi han en ila, hei a ziak a tam a, kan sawi seng lova, a lawmawm hle a ni.

Tin, chubakah chuan kan House Leader zahawm tak State manship pawh kan ti thei ang a, hemi avanga IR Battalion tiar min rawn pek tur thu a rawn sawi a hi lawmawm tak a ni bawh a ni. Hei hianin mi tam tak eizawna tur a rawn siamchhuak dawn a. Kan ram ralmuanna tur atan te chhunglam leh pawnlama harsatna min siamsak thei lakah te kan ram min humtu tur te an nih bawh avangin kan ram police te hnathawh hi a ropui a a danga thil hrang hrang infrastructure leh thil dang a rawn sawi hi chu a kal pangngai a ni pawh lo ti ila, kan ram ralmuanna atana an hnathawhna hi chu a chungchuan em em a ni, tih hi kan sawi duh a. Tin, chulo leh chuan, a police bikah khanin UNO lam thleng thleng te pawha hmantlak Officer engemaw zat kan nei leh tuna an awm mekte a rawn tarlang a pawh hi a bengvarthlak a lawmawm hle a ni. Chuvang chuan, kan ram ralmuanna min vawh saktute leh a Police Department hrim hrim chungchang thu a rawn sawiah hian lawmthu sawina tlak a ni a. Tin, Thenzawl a Police Training Centre changkang tak mai sak mek siam mek a lo awm zawh tepa hi hengte pawh hi a rawn tarlang a, a sum sen lah a tam a, chuvangin, hetiang dinhmun a zoram min dah kang hi a lawmawm hle a, lawmihu kan sawi tur niin ka hria.

Tin, chulo lehah chuan, Agriculture lamah kha chuan kan sawi tak ang khan hei kan a changtu Minister te pawhin theihtawp chhuahin ramchhung leh pawn lamah kan ram a chin ngai loh chite pawh kha an zawng a, an hmuchhuak zel a, hei kan kalpui zel a. Organic Farming lai chauh kha kan ngaihtuah tur niin ka hre lova. A bak hma han lakna chi hrang hrang a chhunga rawn tarianna te hi a tam hle a. Hengah hianin lawmthu hlir niin ka hria. Chuvangin, a malin kha kha chu sawi ka tum lova. A Horticulture bik laiah hian han tarlan kan duh chu Kanan ramte pawh engnge vawim thlenga ram nuam nia kan han ngaihna chu Grape leh thei chi hrang hrang te a tam tihte kha a ni a. Hei, tunah pawh hianin Grape chinte kan han uar tan ta a. Hengte pawh hi Sorkarin a uar chho ta te leh sapthei te leh thil dang dangah tin, Grape te leh Anthurium ram pawn lama thawnchhuahte leh thil dang dang te hi a ropui hle a ni. Chuvangin, han sawi zel a chakawm a. Amaherawhchu, hun a chep si a, thil dangah lut chho ta mai ila.

Pu Speaker, a bik taka kan sawi duh chu kan ram kawng chungchang thuah hian a ni a. PMGSY chauh hi amaw tih mai awl tak a ni a. PMGSY ah chuanin 4th phase-ah kan lut chho tawh a, phase 4-naah phase-na kal mai tur kan ni a, State thenkhatah chuan Phase 3-na velah

hian an la awm a. Keini chu Phase-4na kan zo a ni tawh a. Kan ram pumpui han ngaihtuah chuan a thawhlai mek zawng zawng nen a tam em em a ni a. PMGSY bakah hianin NEC atanga sum lokal hi a tam em em a, chumi hmang chuan Keitum atanga Artahkawn chho te khi Aizawl atanga hnaite e ti lovin khilai kawng thalo khian harsatna tam tak khawchhak mi tan a siam a, Tuipuiral thlengin. Tichuan khilam tan chuan chanchun tha a ni a. Zirlaite pawh an lawm a, a kal chak loh pawhin harsatna siam te pawh an tum thin a nih kha. Tunah hian tender zawh vek tawh a ni a, laih mai tur a ni a. Tin, chubakah a chhak lehah khian programme awm chu Tuipui lei dawh a ni a. Tuipui lei khi dawhkai chuan tuna Champhai lama kual Tuipuiral lama kal khi chu a kual em em a. Mahsela hetah Artahkawn lama chhuahchhoh khian khilalah Biate bulah Tuipuih khian kaichhohin chawhma awrh deuh mai ti ila chawhnu lamah rei vak lovah Tuipui ralah kan kaichho thei mai tawh dawn a ni. Chungte kan ngaihtuah chuan khilai atan te, tin, helalah NEC Saitual-Phullen tihte, khulalah Bairabi Zamuang tihte, tin, Mamit to Bairabi tihte, tuna thawh lai mekte hi a tam em em a, a Lei hi a tam bawk a, chhim lamah hei helalah Tlawng Lei tihte Tuisih Lei tihte sawlalah chhimlamah Lei 5 dawn lai tunah hian tihmek a awm bawk a. Chuvang chuan khatiang zawng zawng kha a la ni a, chuvang chuan PWD in a ken NABARD-ahte E & I ahte NEC ahte NLCPR ahte PMGSY kan hre lar a, hei chu a pakhat mai chauh a ni. Tin, highway-ahte a tam em em a ni. chuvang chuan tunah pawh hianin hna khawih lai mek hi hna 100 vel a awm a ni. Heng zawng zawng hi zawh hunah chuan Mizoram dinhmun chu khitah kan kal chho dawn a ni, chu chu hmasawna ropui a ni a, chuvang chuanin lawmthu sawina tur hliir a ni a, a dang pawh kha. Chuvangin Pu Speaker engngemaw sawi rei pawh hi a ngai emaw ni le, tihianin lawmthu sawi mai ila kan hahdam tlang a ni mai lawm ni tih kha ka in genna a ni e.

PU H. LALSANGZUALA :

Pu Speaker, ka lawm e, ka hrawk a na deuh a dinloh ka tum a, amah-erawhchu sawi ve ngei tha in ka

hria a, hei tunah kan lawmthu sawina

kan khel rei ta viau mai a, kan sawi ho tam ta viau a. Kan ngaihdante a hriat tlangpui tawh a. Amaherawhchu, han sawi ve ka duh chu tuna ngaihdan kan sawi tiar tiarah a tehfung rorelna ina tun sorkarina Department hrang hranga a thiltih thatte leh a thil ropui tih kan ram tan chuti zat chu tih a awm hranpa lem lova. A tlangpui thua famkim lohna

te pawh a awm nualin ka hria a, ka hmaa an rawn sawi tawh ang khan hei kan sual dona kawngah te pawh kumpulan kan ti a, mi tam tak lo piangsual Zu zuarte Drugs zuarte an awm a, tichuan tunah kan tlawmngai pawl lianin hma an han la a, hengah te pawh kut bengin an lo awm dawn a, ei leh bar nei lovin, riltam hmabakin an awm dawn a, hnathawk ula mite angin han ti ngawt ila, an thawk thei dawn lova, sumdawng ula ti dawn ila sum neilo an ni bawk ang a, chung ang chhawmdawlnate angte pawh an tana kawngte kan boruakina a ken chhoh angin khangte pawh kan sawi a lang lem lova, tichuan thil tam tak tuna lawmthu sawina a rawn lang lemlo te pawh duhthusam lo a awm rual rualin a tlangpui thuah kan sorkarina tuna a hmalaknuah hian ka mimal ngaihdanah pawh lawmthu sawi tur hi tam tak a awm a, lawmthu sawi hi tha ka ti a. Mahselangin thil la hriat hmaih te leh lawmthu han sawina tur atana hmalakna tur awmah chuan theih tawpin tan kan la tlang tura theih tawp kan chhuahpui turah ka ngai a, roreltute kan nih angin tichuan tuna a bik taka kan sawi duh chu ram changkang tur chuan inhlawhna te kan neih a ngai a, a bik takin PWD-ah te kan PWD Minister kan Chief Minister kaihhruaina hnuaiia kan PWD chungchangah hian lawmthu kan sawi duh a, keini bial kilkhawrah awm kan ni a, a fur a thala kal thei lo riltam hmabak mai te, ka bial mipui te an ni a.

Chutiang ang chi te chu tam tak kan awm a, hei tuna hmalaknuah PMGSY kan tih leh NEC atang te a, ka bial chhunga khimi Suangpailawn bial chhunga hmahawh anni ta hi hei inthlan dawnin kan venduaina tawh chungchangah hian han tlawh chhuak a, ka mumang te pawh ang viauin ka hria a. Sephung vak chhuak ang mai hian Bulldozer leh JCB hi lunhmaah la awm ngailo motor te a thle bek bek a kal thinnaah khing ang te an kal ta mai te ka han hmuh ta sup sup mai chu kan sorkar chungah hian lawmthu sawi hi ka chak ve em em a, chu chu sawi loh theih lovah ka ngai a, kan thlai thar chhuahte kut hnathawkte tan hah taka kan thawhna man te kha kan hmuh hun te pawh hi a thleng dawn a tih te ka ngaihtuah a. Tin, kawng hrang hrangah motor a service te tan eizawna tling te khatiang khan thil tam tak lawmthu sawina tur hi awmin ka hria a.

Chuvangin, hemi kawng inkal pawhna kawngah kan sorkarin a hma an laknuah hianin lawmthu sawi loh theih loh niin ka hria a. Amaherawhchu lawmthu kan sawi rual rual in lawmna tawh rualin harsatna tawh te hi an awin a, chung angte chu in leh lo chhe ngei ngei turte leh ban hnaih em em laih ngai a awm te kha khaw hrang hrangah a in 10 te in 5 te an awm deuh nual a. Heng han chhawmdawlina tur angte hi sorkar hian an ngaihtuah ran turin ka hria a.

PMGSY te phei chu Central Scheme a lo ni a, composonate awm lo an ti si a, chung a anmahni rilru na leh an chhawmdawlina tur atan te pawn sorkarah pawh hian an manganna te hriatpui hi a tha hle in ka hria a. Chutiang zelin Department dang dangah te pawh hian lawmthu sawina tur hi a tam khawp maiin ka hria a, mahsela Department thenkhatah erawhchuan lawmthu sawina tur hriat lem loh te pawh a awm, chungah te chuan ram roreltu te kan ni a, helalah kan rorelna in hi a zahawm a, lawmthu sawina tur ang chi motion an han put luh hi chu kan rilru dam zat lo mahsela, a tlangpuia kan sorkarina hmalakna thil tha hi inlawmpui tawnin leh inpawmpui thiam tawn ila, a tha in ka hria a, thil tha lo leh kawng dik lova sorkar a kal erawh chuan chung angah chuan lungual takin kawng tha hi inkawhbmuh tlang ila a tha in ka hria a, ka sawi leh duh pakhat chu, mautam tur tih chungchangah hian, kan sorkar in he kan Ramah malsawmna Central lampangin tunhma atanga damdawi lamah te tan lakna leh malsawmna a rawn pekte pawh ani tho ang a, helai kan sorkarin a hmalakna ani lo thei lo ang a, hetah hian pawisa tam tak kan ramah a lut dawn a, tunhma a bahra khur laia mipuite Zokhuaah mi rethei tak tak te an kal lai te, an awmlai te ka ngaihtuah chhuak a, amarawhchu, tun dinhmunah pawisa sum hetiang taka tam BAFACOS te kan ti a, supply lam pangah te kawng hrang hrang Fisheries Department ah te pawh a awm a, heng angah te pawh hian kan sorkar hian tam ah kan in chhawmdawl theihna tur tur atan he pawisa tam tak hi simkhur takin hmangthiam sela, lal suipui bel tih ringawt hi rilruah awmlo sela, mi harsa ten he tam mangan thlak tak kan tawn tur atan hian lo inbuatsaihna te emaw? Tam alo tlak a harsatna tawh hun alo thlen hma a lo inbuatsaihna atan te pawh a a khawtlang angah manganna kan tawh tur khawtlang hruaitatena an rawn thlenna angah pawh lo induhsak bikna angte chu lo thleng bawk mahse, a tlangpui thuah mipui tena thlamuanna kan neih theihna atan kan sorkar hian lei takin rorel thei se tih hi ka duh a, chu chu kan sawi ve ani e, ka lawm e.

SPEAKER

Awle, kan ban hun pangngai dar li a ri dawn a, kan chhuak phawt ang a, kan lut leh dawn nge? Pu Lalthanzuala'n ban a phar a, hemi zawhah

hian House Leader kan sawm tawh mai zawk dawn nge ni ang? Engpawh nise Pu Lalthanzuala ilo sawm phawt mai ang aw.

PU F. LAL THANZUALA :

Pu Speaker, ka lawm e. Thil pakhat han sawi hmasak ka duh chu - Kan Member zahawm tak tak thenkhat khan kan Governor

thusawiah hian kan NGO kan YMA lam te hi ngai pawimawhlo leh pawimawhna pe tawklo a ngaih theih tur khan an rawn sawiin ka hria a, mahse, kan Governor Speech-ah khan bengte a ngaih pawimawhzia kha a rawn lang a, No.3-naah khan tiang hian a rawn sawi a, "The Assistance and Co-operation extended by the people of Mizoram and the local Voluntary Organisation to the law enforcement Agencies in detecting and prevention of crime has been quite encouraging" a ti a, a fak em em a ni. A ngai pawimawh hie tih hi a lang a. Tin, No. 43-naah hian a rilru tak tak sawichhuak lehin a sawi a, "I take this opportunity to extend heart felt gratitude to the people of Mizoram, the Religious institution and the NGO's for the continued support to peace and development initiative and other endeavours of the Government" a ti hial ani. Chuvangin kan Governor Speech-ah hian a eng eng emaw kan duh loh zawngte chu awm bawk mahsela kan Governor thusawiah hian kan NGO te, kan Kohhran te thleng thleng hian a ngai pawimawhin kan ram remna leh muanna leh harsatna tikiang tura beihna hrang hrang a an contibution hi a recognise-in a appreciate em em a ni tih a lang thei a. Tin, mahni experience te han sawi kai ila. Hmanni lawk khan Kolkata ah American Evangelical pawl pakhatin hemi North East a Kristian MP te leh MLA te min koh khawm khan ka kal ve a. Nagaland atang te, Meghalaya atangte, Manipur atang te in kan kalkhawm hlawm a. Khangah pawh khanin inthlan lai vela Kohhran in thuchhuahte siam a kan election bawhlawh lutuk turte tifai tura a hnathawhte kha an fek em em mai a. YMA kan han neite hi an awi khawp mai a. A tlangpui thuin kan sorkar hi entawnah an nei ni berin ka hria a. A lawmawm em em a ni. Hengah te pawh hian a rawn tichiang em em a ni. Chuvangin kan Governor's Speech ah hian kan NGO, kan Kohhran te thleng hian, a tawngkam thenkhatah kan lungawi loh zawngte chu awm mahsela vawiina a thusawi ropui takah hian a ngaih pawimawhzia leh an contibution tha a tih zia a sawi lang hi chiang hlein ka hria a ni.

Lawmthu sawi loh theih lohna pakhat ka hriat leh chu 'I am happy apprise the Hon'ble members that Mizoram continues to remain peaceful' tih hi a lawmawm em em tak tak a. Mizorama remna kan siamnaah hian sorkar hmasa zawk Congress sorkarte pawh kha an tangkai ziate kan hria a. Tuna Opposition Leader zahawm tak Pu Hawla pawh a tangkai em em a ni tih kan hria a. Tin, remna siana lo lutte rilru pawh a dikin remna kan siam tawh a. A engemaw zawnga awm leh tumna nei miah lovin, tha takin India ram chhungah remna hi a tha ber a ni tih

ariain kan han kal chho ta a. Tichuan tunah ka hmaa member zahawm takin a sawi ang khan kan vei amiten remna an neih hleih theih lova an mangan lain keini chuan remna reh hi kan fan chho zel a. Hei hi a lawmawm tak tak a. Hengte hi chu kan sawihonaah hian lawmthu han sawi hmaih chi chu niin a langlo a ni. Remna a awm loh chuan hmasawmna pawh a awm thei lova. Engkimah hian a bul a ni tak meuh meuh a. Tin, a thlangah hian kan police te hnathawhte pawh a tha hle mai. An efficient hle a ni ang tihte pawh a rin theih a. Tiang hian a ti a

"While the crime situation in Mizoram has been kept under control, the percentage of conviction of IPC cases, as recorded at 94.9%, is one of the highest among the states and union territories in the country" a ti thlawt mai a ni. Hengte hi chu tawng pawng phuah chawpa sawi mawi mai mai nilovin thil nihna tak mai a sawi chhuak a ni lehzuai a. Kan police ten mi tha lote an va man thinte pawh kha tawng pawng tih mai mai nilovin an va mante pawh kha, misual ngeite pawh va man theiin an awm a ni tih hi a chiang khawp mai a. Hei hi thil lawmawm tak niin ka hre bawh a ni.

Tin, No. 6-naah hian Organic Farming State a kan inpuan chungchang thu a awm a. Hei hi kei chuan lawmawm ka tih berte zing ami a ni a. Kan hriat angin kan khawvel hi a lo rei telh telh a. Khawvel chhe thei lo a lo ni hauh lo mai a. Khawvel a lum telh telh a, chu chuan ngbawng a nei tam tawlh tawlh a. TV te, kan han thir chuan Himalaya tiang varte pawh hi a tui nasa ta lutuk a. Nakinah chuan luipui tam tak hami tiang dung atnaga a hnar nei hi a la kang thla thei dawn a. In tur nello hian tam tak an awm thei dawn tihte puan a ni ta fova. Kan khawvel leh kan leihung ngei pawh hi keimahni ngeiin kan tichhia a nihna a awm a, chuvang chuan in hetiang anga Organic State a. Damdawi tuna tha a lang mahse lei tan pawh a tha lo, mihring hriselna atan pawh a tha lo lumang lo zawng a kal tumna nghet tak mai kan neih thu kan han puang a, thil kan han ti thin te kan Governor zahawm takin a han sawichhuak te hi a lawmawm tak meuh meuh. Tunah hi chuan in zawi zawi a tih loh theih a ni lova, kan lo tih thin tam tak a awm a, amaherawhchu, nikhaw reiah thangthar zel tan, kan ram tan a la tha dawn a ni. Chuvang chuan a lawmawm em em a ni.

Tin, eizawmna ngelnghet hi kan ngaihtuah em em a. Politician, Public Leader reng rengte chuan in thingtiang khuaah kal ila, kan mite retheih ziate kan hmu a, amaherawhchu, kan mite han chhanchhuak tur hian thil tih thiam a har a, seikar tawh reng rengin eng programme emaw hi chu kan han duang

chhuak thin a, mahse a hlawhtling mawh hle a ni. Hetah hian thu takin hei BAFFACOS hnuaiah te leh kalphung pangngaiah pawh khan Agriculture leh Horticulture lam ten an Minister, a bik takin han sawi ila thahnem a ngai em em a, tiang hian thil a han ti kual vel a, kan rama sum a hralh theih tur thlai tam tak hi kan tichho mek zel dawn a. Heng thu a han sawite hi a lawmawm tak meuh meuh a ni.

Tin, No. 17-naah khan han sawi leh ka duh a, kawng chungchang thu hi kan member zahawm tak tak ten an sawi hi kawng tel lo hian hmasawna a awm thei lova, kawng tha kan neih a tul a, kan tlangau pui thin a. Ka bialte phei chu kawng tha neilo kan nih avangin Inahthial bial nilova Vanlaiphai nih duh mai a lo nawr thin te pawh a ni a. Tunah chuan mithla a hmu thei tan chuan Vanlaiphai atanga kan bial tawp thlengin PMGSY in an han lai mek a. Inahthial atanga Thingsai kawkin tunah NABARD pawisa in laih a ni chho mek a. Khatiang ang khan hmun tinrengah hmasawna a awm a. Kawng kan neih that phawt hi chuan thil phurh man te a lo tlem a, veivah a awlsam a, pawisa peipunna mi harsa tan pawh a lo awm dawn a. Hengte hi lawmthu engahge kan sawi loh ang le, henga kan sawi loh chuan lawmthu sawina avang hle a ni. Tin, kan Supply Department chungchang thu a sawi hi han sawi leh lawk ka duh a. Kan Supply Department chuan tunah hianin fur lo thleng tur atana kan eitur buhfai an lo chhekkhawm leh vek tawh a ni tih an sawite hi a lawmawm khawp mai. Kawng tha te surah a awmlah lai chuan a huphurh awm em em thin a, mahse tunah chuan hei kum kan tan dawn chauh a, kumin a mi tur buhfaita a lo lang thei lawmawm ka ti takzet a ni.

Pu Speaker, point khat lek han sawi leh ka duh a. Airport chungchang thu hi kan sawi leh lawk ang a. Airport hi thil hi a tam a, hmanlai chuanin tih tur a ni tih lai vel khanin kan ram hruaitu lian tak pakhat chuanin mi hausate in nuam tawlma mai mai tur, mirethei ten engnge in chhawr vena tur awm a ti a. Public Meeting vawikhatah phei chuan thlawhtheihna a chuang tawh ban phar rawh u a ti a, tlem te chauhin an lo phar a. Kha khatiang kha asin, hengte hi a tullo a ti chiam chiam a. Mahse hei a lo awm ta a, kan chhawr em em a. Damlo tam tak ten an dam phah a. Tin, kan Economis dinhmun te a lo danglam ve zel a. Thlawhtheihna a chuang phalo tur a inngai tam tak te kha an lo chuang pha ta a. Hei upgrade te a ni dawn a. Englai pawha tum theihna te a lo ni dawn hi a lawmawm hle mai a. Chuvang chuan kan Governor thusawi hi lawmawm tak awm khawm niin ka hria a. 'Lawm takin i pass theuh ang u' ka ti a ni.

SPEAKER : Le, kan House Leader in sawi duh a neih in sawi turin lo sawm ila, House Leader i lo sawm ang.

**ZORAMTHANGA
CHIEF MINISTER** : Pu Speaker, tawite in keipawh kan sawi ang a. Kan Governor ihusawi hi a tlangpui thuin, a tlangpui tak tak a sawi a nia. Chuti chung chuan an sawi khan, a fluk khan sawi rangin, chhiar rang ve dawn ta ila a tu a mah hian kan tinlo ang a tih tur khawp a speed tha a a sawi chung khan minute 45 dawn lai kha a sawi ngai a nia. Chuti khawp a thahnem a pheik pawh tam a ni a, a point pawh a tam a. Chuti chung chuan Department khat emaw Ministry khat emaw han sawi na tur khan tlar tam a daih theilo a ni. Sawi rei pawl tak pawh a ni ang a, hei Governor Speech-ah. Nimahsela, a la famkim lohzia chu kan Member zahawm tak ten an sawi ang khan hei pawh a la sawilo, hei pawh a la sawi lo tih tur hlin a khat a, kha kha a dik e, a sawi pawh a tam a, a sawi loh pheik chu nasa takin sawi sen lohvin lawmthu sawina tur leh sorkar hmalakna hi a awm a ni tih erawh chu kan hmuh tlan kha a ni. Kan Member zahawm tak ten a point an han sawi chi hrang hrang te kha nakinah kan demand wise a kan sawi hunch a then chu kan in hrilhiah tur te a ni ang a. Tin Budget General Discussion pangngai kan nei ang a, wind up te pawh kan la nei ang a, chuan kim zawkin la awm turah pawh ngai ila.

Tunan chuan point pahnih, pathum emaw han sawi tel ve chauh dah ka nei a. Ching chu pakhatnaah kan Mautam lo thleng tur BAFACOS hemi atana kan inbuatsaihna chungchang thua khan engtingge hmalakna hi tih hi a awm a. Hmalakna chi hrang hrang kha lo pung zel tur leh la kal zel tur pawh a ni a, tuna kan han tih daih tlangpui chuan pakhatnaah mipuiten ei an neih ngei theihna turin an awmsa huuna buhfai supply thlen theinan an kawng a pawimawh hmasa a kawng awmsa te belchhah turin PMGSY leh NEC atang te in hmalakna ni a. A thien phak bak a hmanloh tur a ngaih thingtlang kilkhavr road in a thlenna atan PMGSY or kawngdang chhun tur, Mautam hma a thienhman loh tur la kan hlauhthawn deuh te chu buhfai phur vehicle a thlen theihnan jeep road kawngte talin theih ang angin chhun se tun tumah hian scheme ah kan telh a.

Chung chu theih ang chin chin awlsam zawngin kawnghluite rit tha in tin a ther deuh hlekah kawngpui a rin

nghal theih turin grade tha deuhin bul tan ila tih ani a. Chumi hmang chuan mipuite inhlawhna tur kawngte kawngpuiin a chhun hmanloh pawh supply a kan harsat loh nan project lian kawng siamna lamah khan a tel a. Mipuite inhlawhna ni fawmin leh mautam buh harsat pawh a lirthei thlen ngei theihnan hmalak ani.

Tin, chumi rual chuan kan loneih pangngai system hi kalsan a tul tawh hrim hrim a. Chumi rualin la kalsan theihloh, mautamin kan buh tharte min tihbuai dawn avangin, a hmain sumchang thlai chin theihnan leh kan eitur leina tur runpui kan thawhchhuah theihna turin Department hrang hrangin alternative occupation neih theihna turin hmalak ani bawh a.

Tin, kan mau ral tur hi a tam thei ang ber kan harvest hian mipui ten pawisa kan lak luh theihna tur anih avangin chumi lam chu Industry anga mimalin kan inhlawh fak theihna tur tunah hian zawn mek ani. Kan khawh pui ber a mau ieh rua lo absorb a lo siam tur sum mipuiin an hlawh chhuah theihna tur leh a company lam pawh an lo thawh chhuah theihna tur khawh tuna tih nun tan niin hna a tan chho mek a. Tin, thingtlang mite inhlawh fakna tur making machine ho te te leh mawl te te pawh chah chhuah mek ani a. Chung hmang chuan hna pawh thawh tan ani a. Tin, mau a ral mai tur kha paper mill ahte chipping machine man tlawm chi kan ngaihtuah mek a. Chipping machine man tlawm zawk kawng sira a in bun chawp a siam a, chumi hralh a mipui ten mau tam lo thleng tura an inhlawh fakna tur kawng tun atangin ngaihtuah a hmalak mek ani bawh a.

Tin, heng a pawimawh pakhat chu bamboo road ani a, he bamboo road hian mau leh rua thlai dang reng reng thatna tur lui ruamah kawngpui a kal tlang chuan tuna mau awmsa hi kan seng thei dawn a. Tunah pawh Lengpui lam atanga Hortoki pana bamboo road kalsa pawh Lengpui leh khulai chhehvel chuan a sang sing telin an mau kawng sir anite pawh an rawn tawh chhuak a, a lo lut zut a, pawisa an hmu tam tan em em a, an lawm a, kha ram kha nakina tam ral mai turah khan lova siamin sum chang thlai entirnan aiengte thil dang dang sum chang thlai buh kher ching lo hian chin nghal theih ani dawn a. Tin, chung hmunah chuan in dah hauh lovin a rualin raw tha chi tur ti mai ila raw lian chi tunah chuan chi thum kan han identify deuh, pakhatna hmun sanga phun theih tur, Hamiltonii an tih phulrua kan tih ang chi te, tin hmun hniam lamah chi hnih balcoa kan tih phulrua aia

lian chutiang chi te, a lian ber chi gigantia chung chu Mizoram a la awm ngailo ang chi niin ka hria a. Chung chu tissue culture titu ten an rawn supply tan dawn a, tun thal hian phun theih turin an rawn tan dawn a, nakumah phei chuan nasa lehzuahn kan lo in buatsaih tawh ang a. Chung chu phun rualin kan thlaite kha seng bawk in chu chu BAFFACOS a hma kan lak tum dan ani. Tin, kawng siam a pawl mawh ber avangin hma kan la bawk a.

Kan Governor thusawiah khan Law and Order chungchanga kan police te an fakawmna te a rawn sawi a. Member te sawi kan ngaihthlak tawh angin kan duhthusam ang phei chuan thil ti sual tu te hi kan police ten man thlap thlap thei se kan duh a, mahse kan conviction rate ah pawh 94% India rama tha ber te zinga mi thleng pha khawp police post kan nei a ni. Kan police te performance a tha a Mizorama Law and Order maintain na kan Traffic System ringawt pawh hi tunah chuan mi fak kan hlawh ani.

Tin, Organic Farming chungchangah pawh, India ramah pawh a hmasa pawl kan nih dawn avangin vawilekhkhat chuan kan chemical fertilizer chu a tih bo pup theih loh ang a, mahse tih zuih ral kan tum ani. Tunah hian alternative tha kan zawng zel a kan hmu chhuak zela chung chu din turin Department pawhin hma an la chho va. Tin, pawimawh em em mai chu kan ruihhlo donna lam hi kan NGO ten crime leh thildang a NGO te mipuiten support-na ropuizia tih kan member ten an rawn sawi tawh kha. Heng hi Mizo Society compact tha em em leh control society kan nihna ani a, chung chu hmangin kan kohhran te nen kan tan ho naah min puihnate hi ropui kan ti a, chuvangin kan Governor thusawiah pawh a tel ani.

Pu Speaker, sawi sen a ni lovang a, ninawm lutuk lova kan sawi theih nan a tlangpuiin Mizoram mipuiin a kan han hmuh chu kum 6 hma lam leh kum 6 hnu lam a inkar hi chu a kar a hla em mai a, tunhma malsawmna kan dawn vang pawh a ni ang a, khaw kar kawng laihna atana cheng singkhat singhnih singthum tih velah pek khanga Bawngtuthlawh leh Suahdur nena thingtlang kawng laihna tur inhlawhfakna awm thin kha tunah chuan Tender pakhat pawh nuai 200 hnuai Tender awih tawh lovin Bulldozer, JCB leh khawl nen a vir ta vut vut mai a. Kawng tha zawng zawngte tuna hai rual a ni lova. Amaherawhchu, hemi karah hian mipui hnen thleng phak, mipuite fairel

bel thleng phak eizawna tling tur hian a hmasa berin infrastructure kawngpuiin a chhun that loh chuan chu chuan hma a rawn hruai a. In hi a mawina chu a bangte a chungte mawi taka kan tih hi ni bawk mahse, a ruangam pui, a beam, a liang, chung zawng zawng infrustructure hi a man to za ber a nih avangin hemi tin chhung hi a rei ber a ni thin ang hian, mipui fairel bel thleng phak tura tan chuan hetah a plantation, khami a lo kal tur te, kawngpui te, a Industries leh market hemi ruangam pui han din nan hian hun a duh thin avang hian kan duh angin thil a thleng thei lo thin a, mahse tunah 'doner' in kan Bamboo road kan tih tunhma tlangdung ringawt a kawng kal thin, lui ruam a kawng kal tura pawisa 'DONER' in kan ngah alawm, hetah chuan hmanz zel ula, scheme rawn siam rawh u min lo tih a, chuta tana hma kan lo lakna hian hei hian khaw tam tak chu luipui dunga khaw tam tak kawngpui nena in in siam hian mau leh rua te zikhlum leh balu leh thil dang zawng zawng pawh a dang bungrua te awm theihna a kan lo luh hian zoram economic develop hi a pem a rawn pem chilh turin thingtlang lam pawh kan lo thleng thei ang hei hi kan lut duh dawn e tiin chuta tan chuan hmanhmawh takin tunah hian kan PWD E.E te pawhin siam turin a scheme an buaipui mek ani. Chuvangin a lawmawm em a. Heng hi kan Ram development atan mipui te zuk thleng pha tur bul in tanna anih avangin kan Governor thusawi zawng te nen, Mizoram development chu kum 6 hmalam leh tun kum 6 hnu vawiin hi chu kum 6 hmasa zawk hmalam leh a hnu lam nen ngaihtuah chuan chhim leh hmar anga persan, inthlau anih avangin heng zawng zawng zuk sawi chhuak a kan Governor thusawi hi a then chu sawi sel tur awm mah se, Zoram mipui hian kan hai love, a hmuhin kan hmu ani. Sawisel tu lian bu pawhin Pathian malsawmna dawngin tun sorkar chuan hna a thawk nasa ngei anih hi tih hi an hmuh dan anih avangin lawmthu sawi hi tunah chuan hei na na na chu kan Governor hnena kan lawmthu sawi mai ni lovin Pathian hnena kan lawmthu sawina pawh House hian anih tel avangin kan tih ngei turah ngaiin chu chu kan ngen bawk ani. Ka lawm e.

S P E A K E R

Motion neitu Pu K. Lalrinliana sawm ila kan sawi hona wind up sela, pass dil nghal se.

PU K. LALRINLIANA : Pu Speaker, ka lawm e. Nimin ni. 15.3.05 Governor in he House Address minutes 45 a thusawiah khan a sawi kha vawiinah member zahawm tak ten a that lohna sawi lova, a lawmawm zawnga thusawi tu kan tam avangin lawmawm ka ti a, Motion of Thanks ka rawn put luhnaah khan kan member ten pass ngei ila he House zahawm tak hi ka sawm ani e. Ka lawm e.

S P E A K E R : Motion neitu in Pass a rawn dil a, kan pawm thei em? Tha kan ti tlang em? Anih, Pass remti apiangin 'Remti' ti ula, remti lo kan awm chuan 'Remti lo' ti ila. Kan Governor thusawi chungchanga lawmthu sawina "That's the Members of the Mizoram Legislative Assembly in this session are deeply grateful to the Governor for the address which he has been teast to deliver to the Assembly on the 15th March, 2005" tih Pu K. Lalrinliana rawn put luh chu House in lungrual takin a pass ta ani.

Chawhma lam khan kan Official Gallery kha a ruak huai a, chawhnu lam chu sorkarin tan a rawn la ani ngei tur ani a ruak ta lo deuh a, a lawmawmin ka hria.

Vawiin atana kan business chu kan zo ta e, kan chawl rih ang a, naktuk ni 17.3.05 dar 10:30 ah kan thu khawm leh ang.

4:05 P.M.